

ASun Wankláán Ání
Mateo
 Lówanlín

Yesu Anáin llínto
(Luka 3:23-38)

¹ Yesu Kristo, Owíe Dawid mu na, Abraham mu na ámu ulínto ní.

² Abraham lókwú Isak. Isak lókwú Yakob. Yakob lókwú Yuda mua mu apio yinhé*. ³ Yuda lókwú Peres mua Sera. Amó yín gyí Tamar. Peres lókwú Hesron. Hesron lókwú Ram. ⁴ Ram lókwú Aminadab. Aminadab lókwú Nahson. Nahson lókwú Salmon. ⁵ Salmon lókwú Boas. Boas mu yin gyí Rahab. Boas lókwú Obed. Obed mu yin gyí Rut. Obed lókwú Yisai. ⁶ Yisai lókwú Owíe Dawid.

Owíe Dawid lókwú Salomo. Salomo mu yin gyí ɔtsi ɔkwá tɛki ogyi Uria mu ka. ⁷ Salomo lókwú Rehabeam. Rehabeam lókwú Abia. Abia lókwú Asa. ⁸ Asa lókwú Yehosafat. Yehosafat lókwú Yoram. Yoram lókwú Usia. ⁹ Usia lókwú Yotam. Yotam lókwú Ahas. Ahas lókwú Hiskia. ¹⁰ Hiskia lókwú Manase. Manase lókwú Amon. Amon lókwú Yosia. ¹¹ Yosia lókwú Yekonia mua mu apio yinhé. Mu brésú bekítá Israelfo, híe amú beε buyétsiá Babilon ɔmátó ní.

¹² Amó Babilon yɔtɔ á, Yekonia lókwú Sealtiel. Sealtiel lókwú Serubabel. ¹³ Serubabel lókwú Abihud. Abihud lókwú Eliakim. Eliakim lókwú Asor. ¹⁴ Asor lókwú Sadok. Sadok lókwú Akim. Akim lókwú Elihud. ¹⁵ Elihud lókwú Eleasar. Eleasar lókwú Matan. Matan lókwú Yakob. ¹⁶ Yakob lókwú Yosef, Yosef létsiá Maria. Maria lókwú Yesu. Yesu gyí Kristo, (ɔhá amúú Bulu ladá mu ofúli amu) ni.

* ^{1:2} Apio yinhé ánfí gyí Israel abusuan dúanyɔ ámu anáin ni.

¹⁷ Mú sv tsú Abrahamsu bɔtu Owíe Dawidsu bugyi anáin ulínto dúana. Tsú Dawidsu bɔtu bréá bɔyɔ Babilon ɔmátó é bugyi anáin ulínto dúana. Asa tsú amó Babilon yɔtɔ bɔtu Kristo, (ɔhá ámú Bulu ladá mu ofúli amu) kwísú é bugyi anáin ulínto dúana.

*Yesu Kristo Kwí
(Luka 2:1-7)*

¹⁸ Ɔkpa ánfisu Yesu Kristo kwí lɔtsun ni. Bɔpu Maria há Yosef bæe otsiá. Táme asa bétsiá, abufia ɔtsi múa oyin á, bowun ání Maria dé ɔmé Ɔye Wankíhé túmitɔ. ¹⁹ Mu kulu Yosef a, mu asún da ɔkpa, táme omekle ání ɔbɔwa mu pélitɔ. Mú sv ɔlɔbwe agywun ání obékiná mu nǎintɔ. ²⁰ Táme bréá ɔde mú agywun bwe á, kɪ, Bulu-ɔbɔpu ɔku léle iwɪ ɔwan súná mu okudetɔ, bláa mu ɔbéε, “Yosef, Dawid mu na, mánya péli ání fékpa fú ká Maria ba fú wá, tsúfé ɔmé ámú ɔde ámu itsú Ɔye Wankíhé túmitɔ. ²¹ Ɔbókwi obiyímbi, bédunká mu dá Yesu. (Mú asɪ gyí, ‘Ɔlepó.’) Tsúfé mu ɔbéle mu ahá tsú amó lakpantɔ ní.”

²² Íni léha Bulu asún ámú ɔleblí tsun mu ɔnású ɔtɔ́pɔsu ámu ulɛba mútɔ. ²³ Ɔbéε, “Kɪ, obitebí ání ɔmɔkúyɔ oyin wá kɪ obénya ɔmé. Ɔbókwi obiyímbi, bédunká mu dá Imanuel.” (Mú asɪ gyí, “Bulu bu anɪ wá.”)

²⁴ Bréá Yosef létsinkí á, olegyi asún ámú Bulu-ɔbɔpu amu lébláa mu amusu. Oletsíá Maria, kpáin mu. ²⁵ Táme ɔmɔpu ibi da Maria, kpéfɔn bréá ɔlɔkwí mu bi yínhé gyankpapu, ɔledunká mu dá Yesu.

2

Anyansapu Aku Bá

¹ Bréá Owíe Herode dé iwíe gyí Yudea ɔmátó bɔkwí Yesu wúlu kuá butetí mú Betlehem, ibu Yudea ɔmátó unu. Mú ɔma a, anyansapu akvá butowun ató ntsrakpabitɔ bɔtsu owí ɔdalukpa ɔmá kutɔ ba Yerusalem wúlutɔ. ² Befíté

βεε, “Nkúnú bakwíí Yudafó owíe amv? Anilówun mv osúna ání igyi ɔtsrakpabi owí ɔdalíkpa unv. Mú sv abá bosúm mv.”

³ Owíe Herode lónu asún ánfí á, opúni letsíí mva Yerusalemfó fée. ⁴ Mú sv ɔletí Yudafó Bulu igyi ahapú dehen pú Mose mbla asunápú fée fía, fíté amú ɔtínéá bókwií Kristo, (ɔhá amú Bulu ladá mv ofúli amv).

⁵ Bebláa mv beε “Betlehem wúluá ibv Yudea ɔmátó. Alí Bulu ɔnɔsú ɔtɔípú ɔku lówanlín tswi ni. ⁶ Ɖbéε, ‘Fó Bethlehem, Yudea wúlu, fumegyí wúlu túkúrííbi ɔkpagyíɔkpasv Yudea awúlu yilé ámvto.

Tsúfé ɔmású ogyípu ɔku ɔbédalí tsu fútóá, ɔbékpa Bulu ahá Israelfó.’ ”

⁷ Mú sv Owíe Herode létí anyansapv amv nkule, fíté amú bréá bowun osúna ɔtsrakpabi amv, bebláa mv. ⁸ Múú ɔlɔwa amú Bethlehem ɔbéε, buyódunká kebi ámv wankláán. Ní bowun mv a, buyínki bebláa mv, méní mv é móyósum mv.

⁹ Olenya bláa amú tá alí benatí. Ɖtsrakpabi amú bowun owí ɔdalíkpa amv, lékpa amú alu yéluí ɔtínéá kebi ámv bv. ¹⁰ Bréá bowun ɔtsrakpabi amv a, ansí lehie gyi amú. ¹¹ Bowie wóyító unv á, bowun kebi ámv mva mv yin Maria, beda akpawunu súm kebi ámv. Besankí amú akentebi, bekie mv sika pepe, ɔhíén pú ohuam.

¹² Mú ɔma a, Bulu lówa mbla há amú okudetɔ ɔbéε, bumáyínki yótsun Herode wá. Mú sv bɔtsun ɔkpa bámbású yó amú wúluto.

Yesu Mva Mv Akwípu Egipte Ɖmátó Yɔ

¹³ Bréá anyansapv amv benatí á, Bulu-ɔbɔpv léle iwí ɔwan súná Yosef okudetɔ, bláa mv ɔbéε, “Kusu, afukpa kebi ámv mva mv yin sri ya Egipte ɔmátó. Mltsia unv yófun bréá nébláa fv mbée mlyínki ba, tsúfé Owíe Herode obódunká kebi ámv, mó mv.”

¹⁴ Mú su Yosef lókusú onyé-onyé ámu, kpá Maria mua kebi ámu srí ya Egiypte omátó. ¹⁵ Betsiá unu yófun bréá Herode lówu. Íni léha Bulu asún ání òleblí tson mu onósú òtáírú okusu leba mótó. Òbée, “Neti mí bí ámu tsú Egiypte omátó.”

Betlehem Abí Mò

¹⁶ Bréá Owíe Herode lówun ání anyansapu amu bamlé mu a, òblò lèhie kítá mú. Òlòwa mu isá akòpú òbée, buyó Bethlehem wúlutò pú mú nkudasi, abuyomò abi yinhé ání bahò tsú nfinyò ba ayasi fée. Tsúfè anyansapu amu bebláa mu bee, begyankpá wun òtsrakpabi amu nfinyò ní.

¹⁷ Íni léha Bulu asún ání òleblí tson mu onósú òtáírú Yeremiasu leba mótó. ¹⁸ Òbée,

“Bonu isú múa olú kvá imeká tin Rama wúlutò.

Rahel dé mu abí sú. Omotsulá ání bukpáta mu, tsúfè butráa buma unu.”

Yesu Mva Mu Akwíúpú Yinkí Tsú Egiypte

¹⁹ Owíe Herode lowu òma a, Bulu-òbòpu léle iwí òwan súná Yosef okudetò Egiypte unu, bláa mu òbée, ²⁰ “Kusu, afukpa kebi ámu mua mu yin, amliyinki yò Israel omátó. Tsúfè ahá ámú bodunká ání bómò kebi ámu, bawú.” ²¹ Mú su Yosef lókusú kpá kebi ámu mua mu yin, beyinkí yò Israel omátó.

²² Táme bréá bowie unu á, olonu ání Arkelao latsiá mu si Herode obiású, òde Yudea omású gyí. Mú su olenya ifú ání òbòpu kebi ámu ya unu. Bulu lélawá mbla há mu okudetò òbée, òpúv mu ya Galilea omátó. ²³ Mú su bəyò yétsiá Nasaret wúlutò. Íni léha Bulu asún ámú òleblí tson mu onósú atáírúv òbée, “Béti mu Nasaretyin” amu òleba mótó ní.

3

Asú Ɖbɔpú Yohane Bulu Asún Ɖkanda

(Marko 1:1-8; Luka 3:1-18; Yohane 1:19-28)

¹ Bré kvɛ́tɔ́ á, Asú Ɖbɔpú Yohane léba ɔde Bulu asún ɔkan da Yudea dimbísú. ² Ɖbée, “Mlɛdamli klɛntɔ́, amlɛsi lakpan bwe, tsífé Bulu iwíegyí lawíé wóyí tá.” ³ Yohane iwɛ́ asún Bulu ɔ́nɔ́sú ɔ́tɔ́pú Yesaia lówanlín ɔbée, “Ɖku dékplɛn dimbísú ɔbée,

‘Mlɛla anɛ Wíe ɔkpa.

Mlɛtswii ikpa ha mu’ ” amɛ ni.

⁴ Yohane lówa kpósó-imi atadiɛ, ɔlɔpu ɔwuló-kpákpa ɔfé klí músú. Atsantsanku pú ɔkwén otegyi. ⁵ Ahá botsu Yerusalem wúlutɔ́, Yudea ɔmátó pú Yordan bunkpɛ ɔnó awúlu féésú ba bonu mu asun blíhé. ⁶ Bele amú lakpan blí, ɔlɔbɔ amú asú Yordan ntsutso.

⁷ Táme bréá Farisifɔ́ pú Sadukifɔ́ tsɔtsɔtsɔ́ beba beɛ, ɔbɔ́ɔ amú asú á, ɔlefíté amú ɔbée, “Abe abí-aná, ntɔ́ gyá mli, mli sí Bulu isubítí ámú ɔ́bá ámu? ⁸ Mómú mli swie abíá íbósuná ání lélé mlɛladámlí klɛntɔ́. ⁹ Mlumákɛ mlɛaa, mli náin gyí Abraham. Mú sv Bulu méɛbití mli isv. Nde mli bláa mbée, Bulu ɔbétalí há abwi ánfɛ íbédámlí Abraham abí-aná. ¹⁰ Séi á, Bulu lapú efé yi nyí-atsitsitɔ́. Oyígyíoyí ání imoswie abi wankláán á, bókun mú dá, wá mú féé ogyá. ¹¹ Mí mú á, ntsu ndepɔ́bɔ́ mli asú púsúná ání mlɛladámlí klɛntɔ́. Táme ɔkúá ɔɔɔn mi bu ɔma ɔbá. Mmɔ́fɛn ání nósɔrá mu ntukuta kúráá. Mu ɔbɔ́pu Ɖɛɛ Wankíhé pú ogyá bó mli asú ní. ¹² Ɖde mu ulín, ɔbɔ́pufúní ntéte lé ayó ámutɔ́. Ɖbékpa ayó ámu wá mu odudutɔ́. Táme ɔbéféi ofuníkpa unu wankláán, kpá ntéte amu wá ogyá ání itamaduntɔ́.”

Yesu Asúbɔ

(Marko 1:9-11; Luka 3:21-22)

¹³ Yesu lótsu Galilea ɔmátó ba Yordan ntsu ɔnó Yohane wá ɔbée, ɔbó mu asú. ¹⁴ Teki Yohane mótsulá ání ɔbɔ́bɔ

mu asú. Íni su òlebláa Yesu òbée, “Mí ilehián ání fóbò asú. Nkálí ígyi sù faba fée mí òbòó fú asú?”

¹⁵ Yesu lébláa mu òbée, “Séi á, ha atsu mó alí asa, tsúfè ilehián ání abóbwe tógyítóá ida òkpa Bulu ansító.”

Mú su Yohane lótsulá. ¹⁶ Bréá òlòbò Yesu asú tá, Yesu lédalí ntsu ámutò alí nwulótáa lefinkí, olowun Bulu Òhè òkplí fé abróduma, ilobogyonká musu. ¹⁷ Inu òme kv lotsu òsúsú òbée, “Òni gyí mí Bía ntòdwé mu, mí ansí tehíe gyi mu iwí ní.”

4

Yesu Isóki

(Marko 1:12-13; Luka 4:1-13)

¹ Inu ònu Òhè Wankíhé amu lékpa Yesu ya dimbísú, méni Òbunsám òbòsò mu kí. ² Oletsíá inu kí ònò nke advana (40), onyé advana (40). Mú su akún lehié kítá mu. ³ Inu Òbunsám lóso mu kí, bláa mu òbée, “Ní Bulu mu Bi fúgyi á, múmú ha abwi ánfu idamli bwe bodobodo.”

⁴ Yesu léle mú ònò òbée, “Bòwanlín wá Bulu asón ámutò bée, ‘Megyí atogyihe wule nyankpusa obégyi tsiá nkpa, táme òpúv Bulu asun blíhé é tsia nkpa.’ ”

⁵ Òbunsám lékpa mu ya Yerusalem, wúlu wankíhé amutò, òlòpò mu yéluí Bulu òtswékpa obu ámu òtántra.

⁶ Inu òlebláa Yesu òbée, “Ní Bulu mu Bi fúgyi lélé á, tu kpayi. Tsúfè bòwanlín wá Bulu asón ámutò bée,

‘Bulu òbéha mu abòpò békpatá fú ibitò,

méni fú yabi méeda ibwi kòkusu.’ ”

⁷ Yesu léle mú ònò òbée, “Betrá wanlín bée, ‘Mákapú fú Wíe Bulu kí.’ ”

⁸ Mú òma a, Òbunsám lópo mu ya ibu fúáhé kusu, olosuná mu òyító iwíe ogyíkpa féé, pú mú numnyam. ⁹ Mú òlebláa mu òbée, “Ní féda akpawunu sùm mí á, nópo ínì féé há fú.”

¹⁰ Yesu lébláa mu ɔ́bée, “Ɖbunsám, nati tɛi mísú! Tsúfɛ̀ bɔ́wanlín wá Bulu asún ámɔ̀tɔ̀ bɛɛ, ‘Da akpawunu ha fú Wíe Bulu. Mu nkɔ̀le fu sún.’ ”

¹¹ Inu Ɖbunsám lénatí mu wá, Bulu-abɔ̀pu bɛba beki musu.

Yesu Gyumagyihe Asitsuá Galilea Ɖmátó

(Marko 1:14-15; Luka 4:14-15)

¹² Mú ɔ́ma a, Yesu lónu ání bakítá Yohane tswi obu, oleyinkí ba Galilea ɔ̀sɔ̀lúsu. ¹³ Olotu tsú Nasaret wúluto yó Kapernaum, wúlúa ibu mantáa Galilea ɔ̀pu ɔ̀nó, Sebulon múa Naftali ɔ̀sɔ̀lúsu. ¹⁴ Mu unu yɔ̀ léha asún ámú Bulu ɔ̀nósú ɔ̀táípu Yesaia léblí ámu ulɛba mótó. Ɖbée,

¹⁵ “Sebulon pú Naftali

ɔ̀sɔ̀lúv́a ida Yordan bunkpɛ ɔ̀nó, mantáa Galilea ɔ̀pu. Galilea ɔ̀mátó ɔ̀má bámbásúfɔ̀ butsie.

¹⁶ Ahá ánfí butsie oklúntɔ̀ ánfí

bawun wanki kpɛnkpɛnkpɛnti ku.

Butsie ɔ̀sɔ̀lúv́a lowu dé iwíe gyí mósú.

Wanki ku lawánkí wólí amúsú.”

¹⁷ Tsú unu Yesu léfi así ɔ̀de Bulu asún ɔ̀kan da, blí ɔ̀bée, “Mlidamli klvntɔ̀, Bulu iwíegyí lawíe wóyí tá.”

Akasípú Abaná Le

(Marko 1:16-20; Luka 5:1-11)

¹⁸ Eke ɔ̀kuá Yesu ná Galilea ɔ̀pu ɔ̀nó á, olowun apíó abanyó aku. Simon ání butetí mu Petro mua mu gyama Andrea, buɛ asawu tswí, tsúfɛ̀ aye alepú bugyi.

¹⁹ Múú ɔ̀lebláa amú ɔ̀bée, “Mlíba bobuo mi. Nóbwe mli anyánkpúsa alepú.” ²⁰ Inunu besi amú asawu aná tswi, kplá buo mu.

²¹ Ɖlénatí yó nkpa kpalobí, olowun apíó abanyó aku é, Yakobo mua mu gyama Yohane. Amúa amú sí Sebedeo bubu ɔ̀klvntɔ̀, buɛ amú asawu bíun, Yesu létí amú.

²² Inunu amú é benatí sí amú sí mua ɔ̀klvntɔ̀ amu bobuo mu.

Yesu Atósuná, Mu Asón Okanda Pó lloṣṣa
(Luka 6:17-19)

²³ Yesu léki Galilea omátó fée, súná ató Yudafó offakpa. Oṣeṣa Bulu iwíegyi ámu iwí ason wankláán okan. Oṣeṣa oṣétó múa awútó ilo kugyíku. ²⁴ Íni su mu iwí asón lekṣeí yó Siria omátó fée. Bopu alopu tsúa ntíné-ntíné ba mu. Oṣeṣa ilo kugyíku, ahá ání buḍe iwíṣun wúun, amúá oṣe laláhe dé amú háan, amúá ilo dídahe bu amúá sù pú abubúpu aná fée. ²⁵ Mú su oḍom kponkponkronti bobuo mu. Ahá ání botsú Galilea omátó pú Dekapoli* awúlu amusu, Yerusalem wúlutó, Yudea omátó pú Yordan ntsu obin osolúsu fée.

5

Ibusu Atosunáhé

¹ Bréá Yesu lówun oḍom amu a, oḍoḍo yó ibu kusu yétsiá asi, mu akasípó amu beba mu wá. ² Inu olosuná amú ató obé,

Oyúla Asón

(Luka 6:20-23)

- ³ “Bulu layúla ahá ání amú ansí medín tótosu don mu Bulu, tsúfé amúbú mu iwíegyi ámu ni.
⁴ Bulu layúla awireho agyípó, tsúfé obólwií amú klun.
⁵ Bulu layúla iwíasi abápu, tsúfé amú obégyi osolúsu amu ni.
⁶ Bulu layúla ahá ání mu apébwé akún múa omewóli de amú, tsúfé obéha amú bómwe.
⁷ Bulu layúla nwe awúnpu, tsúfé obówun amú nwe.
⁸ Bulu layúla ahá ání amú kluntó lowankí,

* 4:25 Dekapoli asi gyí awúlu dú.

tsúfẹ́ amú obówun mu ni.

⁹ Bulu layúlá ahá nsiné alapó,
tsúfẹ́ ɔ̀bẹ̀ti amú ɔ̀bẹ́e mu abí.

¹⁰ Bulu layúlá ahá ání budin amúsú mu apé̀bwe su,
tsúfẹ́ amó̀bú mu iwíegyi amu ni.

¹¹ “Bulu layúlá mli, ní buɗe mli sia, budin mli su, buɗe afunu wa dínká mli su. ¹² Ansí igyi mli, iwí isanki mli, tsúfẹ́ mli ikóká tso ɔ̀súsú. Alí bɔ̀bwe Bulu ɔ̀nósú atɔ̀pú agyankpapu amu ni.

Nfóli Mba Wanki

(Marko 9:50; Luka 14:34-35)

¹³ “Mligyi ɔ̀yító nfóli ni. Ní nfóli itá ɔ̀dwe á, nto bélapúwá mú ɔ̀dwe? Itráa ma ale há tɔ̀tɔ̀tɔ̀ bwe. Tsei butetséi mú tsítsá, ahá butetsátsa mósú tsun.

¹⁴ “Mligyi ɔ̀yító wanki é ní. Wúluá idin busu tamaráin.

¹⁵ Butamanywé ɔ̀kandíe, pú ɔ̀lɔ̀ bun mósú. ɔ̀fuákpá butɔ̀púbían, méni ibówanki há ahá ání butsie wóyi ámutɔ̀ fée. ¹⁶ Mú su mliha mli bwehé iwanki alí, méni ahá bówun mli bwehé wankláán ámu, fówun békánfú mli Sí ámutú ɔ̀b ɔ̀súsú ámu.

Mose Mbla Iwí Atosunáhé

¹⁷ “Mlimáki mliaa, neba Mose Mbla ntée Bulu ɔ̀nósú atɔ̀pú amu atosunáhétɔ̀ ɔ̀kakpá. Mmɛba mútɔ̀ ɔ̀kakpá, mbóun neba bɔ̀bwe mú ifun. ¹⁸ ɔ̀nɔ̀kwali nde mli bláa, ɔ̀sú múa asi bómo ɔ̀nɔ̀, táme itoduáhé ntée asónbi kule kúráá iméedali Mbla ámutɔ̀, yɔ̀fun bréa mútɔ̀ asón fée laba mútɔ̀. ¹⁹ ɔ̀hagyísha ání omobu mbla ámutɔ̀ túkúríbi ku, olosuná mu aba é ɔ̀bẹ́e bumábu mú á, bẹ̀ti mu kebi túkúríbi ɔ̀súsú iwíe ogyíkpa unv. Táme ɔ̀há ání olegyi mbla ámu féesú, súná mu aba ání bogyíi mósú á, bẹ̀ti mu ɔ̀ha yilé ɔ̀súsú iwíe ogyíkpa unv. ²⁰ Mú su nde mli bláa mbée, ní mlimó̀bwe Bulu apé̀ dun Mose mbla asunápú pú Farisifo ámu a, mlimó̀owie Bulu iwíegyi amutɔ̀ ekekeke.

ጌጌጌ ለወላላት
(Luka 12:57-59)

²¹ “Mlilanú ání bebláa mli anáin atitifo ámu bee, ‘Mámō ጌha. ጌhagyíጌha ání ጌmó ጌha a, Bulu obégyi mu asún, há mu ipón.’ ²² Táme mí mú nde mli bláa mbéé, ጌhagyíጌha ání olenya ጌጌጌ wa mu ba á, Bulu obégyi mu asún. ጌhá ání olesia mu ba ጌbée, ‘ጌhakpan!’ á, obégyi ipón Yudafo asún agyípu ansító. ጌhagyíጌha ání ጌlebláa mu ba é ጌbée, ‘Raka!’* a, obégyi ipón yó isubití ogyá ání itamaduntō. ²³ Íni su ní fotsu atō hahé foyó afōdie ጌbōkpá, fekaín ání fapú asun laláhe ku gyi fū bá á, ²⁴ si fū atō amú yai afōdie-asubwisu unu. Yō fūa muጌyo amlila mli nsiné, asa afūba bōbo afōdie ámu ha Bulu.

²⁵ “Ní ጌku ጌsáma fu á, wa ጌsa ha abuyobwií ipa ha mu asa asún ámu ogyíké ifun, méni fū onyabá ámu ጌméeha asún agyípu bumጌጌpu fū ha obu adipúsó ጌkípu, ጌwa fū obu. ²⁶ Mbláa fu ጌnōkwali, nkéti faká kō ámu fée tá asa fédalī unu.

Otsiába ጌmadali ለወላላት

²⁷ “Mlilanú ání bebláa mli bee, ‘Mákle ጌku tsiába.’ ²⁸ Táme mí mú nde mli bláa mbéé, oyingíyoyin ání olowun ጌtsi, ጌጌbwe mu klé ለጌ agywun á, alató mbua dodo mu kluntō. ²⁹ Mú su ní fū gyጌri nsíbi tehá fútጌbwe lakpan á, loti mú le, tswi tsalífwī. ለbu aléá fū ለጌ ጌtuneku má unu, dun ání bótswi fū nyankpusa-oyí ámu fée wá isubití ogyá ání itamaduntō. ³⁰ Mú su ní fū gyጌri ለጌi tehá fútጌbwe lakpan á, ka mú tswi tsalífwī. ለbu aléá fuma ለጌi kuጌ, dun ání bótswi fū nyankpusa-oyí ámu fée wá isubití ogyá ání itamaduntō.

ጌkákiná ለወላላት

(Mateo 19:9; Marko 10:11-12; Luka 16:18)

³¹ “Betrá bláa mli bee, ‘ጌhagyíጌha ání obékiná ጌká á, ጌwánlin ጌkákiná ጌwulō ha mu asa.’ ³² Táme mí mú nde mli

* 5:22 Raka ast gyí “ጌbwí!”

bláa mbée, ní oyin okíná mu ka ání ɔmɔkúdáli mu ɔma a, muláhá su ɔtsi ámu ɔbédali mu ɔma. Oyingyíoyin ání otsiá ɔtsi ánfu mu kulu lakíná mu anfi é lató mbua.

Ntamka lwi Atosunáhé

³³ “Mlilétrá nu ání bebláa mli anáin atitifo ámu beɛ, ‘Máka ntam kpaali. Mboún bwe dinka ntam amóú feka há Bulu ámuɔv.’ ³⁴ Táme mí mú nde mli bláa mbée, máka tɔtɔtɔ kóráá. Mápυ ɔsúsú ká ntam, tsúfé Bulu owié obíá igyi. ³⁵ Mápυ ɔsulóv ká ntam. Bulu ayabi oyíkpa igyi. Mápυ Yerusalem wúlu ká ntam. Awíetɔ Owíe wúlu kpɔnkpɔnti ní. ³⁶ Mlumápυ mli nwun ká ntam, tsúfé mliuméetali bwé imi kule futútú ntée bíbi. ³⁷ Mboún fú ‘iin!’ ibwée ‘iin!’ Fú ‘Ó-o!’ é ibwe ‘Ó-o!’ Kugyíkúvá fétrá blí tsíá mótó itsú ɔbunsám wá.

Lalahɛ Ikɔka lwi Atosunáhé

(Luka 6:29-30)

³⁸ “Mlilanú ání beblí beɛ, ‘ɔha obwíe mu ba nsíbi a, bubwíe mu é mu kle ka ikɔ. ɔha otsíi mu ba iyín é á, butsíi mu kle ka ikɔ.’ ³⁹ Táme mí mú nde mli bláa mbée, mliumákplá ɔha laláhe. Mboún ní ɔha ɔdá fú isoto á, damli nyɔɔsi é ha mu ɔdáa. ⁴⁰ Ní ɔha dékléá ɔbésamáa fu, hɔ fú atadiɛ á, pɔ fú tati é ha mu. ⁴¹ ɔhá ání ɔɔvɔn fu ɔhíé fú ɔbée, fvsúra mu ató máuli kule ha mu a, sura mú máuli anyɔ. ⁴² ɔha ɔkúli fú ató á, ha mu. Ní ɔku é ɔbée fupáan mu tɔku á, mákiná.

Alupódwe lwi Atosunáhé

(Luka 6:27-28, 32-36)

⁴³ “Mlilónuá beblí beɛ, ‘Dwe fú bá, afɔlu fú olupú.’ ⁴⁴⁻⁴⁵ Táme mí mú nde mli bláa mbée, mliɔdwe mli alupó. Mliɔv mpái ha ahá ání budin mliɔv, ménu mliɔbwe mli Sí ámuɔv ɔvɔ ɔsúsú ámu abí. Tsúfé mutéhá owí telɔn, ɔtehá nyankpɔv é itotswie wolí aha wankláán pú aha laláhe féésú. ⁴⁶ Ní fú adwepú nkule futɔdwé á, ipán mɔmu fénya?

Lampóo ahópu kúráá butəbwé ali. ⁴⁷ Ní fú anyawíe nkule futəwá ənó á, ntə fakuku bwe dubi? Ali kén əmátəfə butəbwé ní. ⁴⁸ Iní su mlifun fé aliá mli Sí amúə əbu əsúsú amu lófən.

6

*Yilé*bwe lwi Atosunáhé

¹ “Mliki wankláán ání mlumóobwe mli yilé ahá ansító. Ní mləbwé mú ali á, mluméenya ikəká mli Síá əbu əsúsú wá.

² “Mú su ní fəbwé yilé há ohiáni á, máda mú əkan fé aliá apinabwebí abwepú butəbwé Yudafo offiakpa pú dunsu, méni ahá békanfú amú. Ənəkwalí nde mli bláa mbéé, Bulu laká amú ikə dodo. ³ Táme ní fəbwé yilé há ohiáni á, máha fú bina əbi tóá gyəpi labwé. Bwe mú ģaintə, ⁴ méni fú Sí oklúntə ató owúnpu amu əbéka fú ikə.

*Mpái*bə lwi Atosunáhé

(Luka 11:2-4)

⁵ “Ní mlóbə mpái á, mlumábwe fé apinabwebí abwepú. Amú tekle Yudafo offiakpa pú dunsu lí bə mpái, méni ahá bówun amú. Ənəkwalí nde mli bláa mbéé, Bulu laká amú ikə dodo. ⁶ Táme ní fóbə mpái á, bítíwíé fú obutótó, afufin obu wa lwi, bə mpái ha fú Sí ģaintə. Fú Sí ģaintə ató owúnpu amu əbéka fú ikə.

⁷ “Ní mlidé mpái bə á, mlumátsiá plá mótó há mú iwa swí fé əmátəfə. Butosúsu beé, ní bəbó mú iwá swí asa Bulu obónu mú há amú. ⁸ Mlumábwe fé amú, tsúfé mli Sí Bulu yín tóá ide mli hián asa mlidé mu kulí. ⁹ Mú su mlibə mpái mlaa,

‘Ani Síá fúbu əsúsú.

Ahá bubúu fú dá.

¹⁰ Ba begyi iwíe.

Ahá bubwée fú apé əsulúsu, fé aliá butəbwé mú əsúsú.

¹¹ Ha aní atogyiheá ibófən aní nde.

¹² Si anı lakpan kie anı,
fě alıá anitesıkíé ahá ání butɔpó ılá gyi anı.

¹³ Mákpa anı wá isókıto, mboún le anı tsu ɔbunsám
ıbitɔ.*

¹⁴ “Tsúfě ní mlesı ahá lakpan kıké amú á, mlı Sı ámbú ɔbu
ɔsúsú ámu é obési mlı klé kıké mlı. ¹⁵ Táme ní mlımésikıké
ahá a, mlı Sı ámu é oméesikıké mlı.

ɔnóklı ıwı Atosunáhé

¹⁶ “Nı mlıdé ɔnó klı á, mlımábwe mlı ıwı búmbıláán fě
alıá aku butepına bwé. Alıá ahá bówun ání buɔe ɔnó klı
sú butɔbwé ıwı alı. ɔnɔkwalı nde mlı bláa mbée, Bulu laká
amú ıkɔ dodo. ¹⁷ Mboún ní mlıdé ɔnó klı á, mlıbie ntsu,
amlıfunya nwun, ¹⁸ méni ahá bumóowun ání mlıdé ɔnó klı.
Táme mlı Sı oklúntɔ ató owúnpu amu mú obówun mlı, ká
mlı ıkɔ.

Atonyahé Puyáı ɔsúsú (Luka 12:33-34)

¹⁹ “Mlımákle ató yáı ɔsulób anfısu. ɔtıné ánfı atéple
butɔwı ató, ıkı aná tɔwı nkanu yıntá, awıkpılu é butɔbwıé
wıé obuto wı ató ánfı. ²⁰ Mboún mlıkle ató yáı ɔsúsú.
ınu mú á, atéple butamawı ató, ıtamawı nkanu, awıkpılu
é butamabwıé wıé obuto wı ató. ²¹ Tsúfě ɔtınéá fı sıadıe
bu a, ıno fı agywun tetsıá.

Nyankpusa-oyı ɔkandıe (Luka 11:34-36)

²² “Ansıbi igyi ɔkandıe há nyankpusa-oyı. Nı fı ansıbi
bu alé á, fı nyankpusa-oyı ámu fée bówankı. ²³ Táme ní
fı ansıbi ma ale a, fı nyankpusa-oyı ámu fée ıbu oklúntɔ.
Nı ɔkandıe ámbú ıbu fıto ámu idun a, múmú fawıé oklún
kpɔnkpɔɔnkpɔntıto.

* 6:13 ıni bu nwlób dada amu akutɔ: Tsúfě fıúbú ıwıegyı,
túmi pú ıwıwankı bré féeftó. Amen.

Bulu Mva Atonyahé Iwi Atosunáhé

(Luka 16:13; 12:22-31)

²⁴ “Ŋhaa méetalí sùm awie anyɔ. Ŋbódwe ɔkule, lú ɔkule. Ntéé obóbu ɔkule, omóobu ɔkule. Fuméetalí sùm Bulu, sùm kóba.

²⁵ “Mú sv nde mli bláa mbée, mlumáhan iwi tóá mlégyi, tóá mlónu tsiá nkpa pú tóá mlédidá sv. Mbée, nkpa medéhián dɔn atogyihe? Ntéé ɔyulúb medéhián dɔn ató didáhé? ²⁶ Mlíki mbubwi, butamadú, butamasíetí wá idantɔ, táme mli Sía ɔbu ɔsúsú tchá amú atogyihe. Mlumá labi dɔn amú? ²⁷ Mlító ma ɔbétalí han iwi pú bré kpalobí tsiá mv nketɔ?

²⁸ “Ntogyi sù mlidé iwi háan mli ató didáhé sv? Mlíki alíá pututo-oyí ntswítswi tɛdan. Itamayó agyómá ntée lú atati. ²⁹ Táme nde mli bláa mbée, Owíe Salomo, mv inya féeétó a, ɔmetalí híhie iwi, wá akíle fé oyí ntswítswi anfito kɔku. ³⁰ Ní Bulu dé ifá ání nde ilí, ɔke ilawú, bawá mú ogyá tati didá á, ntogyi sù ɔméetalí didá mli atati dɔn mú? Mli hógyi mɔtsól

³¹ “Mú sv mlumáhan iwi fíte mlaa, ‘Nto abégyi?’ ntée ‘Nto abónu?’ ntée ‘Nto abédidá?’ ³² Íni aná ɔmátófo butesrí gya ni. Mli Sí ámúb ɔbu ɔsúsú ámv yin ání íni fée de mli hián. ³³ Itóá mligyánkpa dunka gyí, Bulu iwíegyí pú mv yilébwe, fówun Bulu ɔbópu íni fée tsiá mótó há mli. ³⁴ Mlumásusúu ɔke iwi. Ŋketɔ asún igyi ɔke klé. Ekekegyíeketo asun wunhe itsɔ há eke ámv.

7

Ilále

(Luka 6:37-38, 41-42)

¹ “Mlumále ahá ilá, ménu Bulu ɔméele mli ilá. ² Tsúfé alí ámúb mlidé ahá ilá le ámv a, alí Bulu ɔbéle mli ilá ní. Itóá fɔpúsúsu ha fú bá á, mú kén Bulu ɔbópusúsu ha fú é ní. ³ Ntogyi sù fúde ipí túkúríibi wun fú bá nsíbisu,

táme fumedé ogyakpatín ání idun fú klésv mú wun? ⁴ Ntée ntogyi sú fúde fú bá bláa fée, ‘Ha mí andunki ipí fú nsíbisu?’ bréá ogyakpatín dun fú klésv? ⁵ Apinabwebí obwepó! Gyankpa dunki ogyakpatín ámv fú nsíbisu, méni fówun ató wankláán, tálí dínkí ipí ámv fú bá klésv.

⁶ “Mlumápv Bulu ató wankíhé há ahá ání bugyi fé akíai, Bulu asún tamawá amú ogyá. Bénya obló dámlí dun mli. Ali kén mlumápv mli abutó wulíhe há ahá ání bugyi fé mprákuo ní. Tsúfé bétsatsáa músó, tsíá mú wá odibato.

*Atókúlí Tsú Bulu Wá
(Luka 11:9-13)*

⁷ “Mlikoli Bulu, obéha mli. Mlidunka, mlówun. Mlída mu klnsu, obéfinkí mú há mli. ⁸ Tsúfé ohá ání otókúlí ató tenyá. Ohá ání otodúnká ató towun. Ohá ání otédá klnsu bútefínkí há. ⁹ Ma búv mlitáa mu bi okólí mu bodobodo a, obótsu ibwí wá mu ibitá? ¹⁰ Ntée ní okólí mu iye a, obékítá iwá wá mu ibitá? ¹¹ Mli lakpan abwepú kóráa mliyin aliá butápú ató wankláán há mli abí. Ntogyi sú mli Sí ámúú obv osúsú ámv mú mówpu ató wankláán há ahá ání bude mu kulí.

¹² “Bwe ha ahá aliá fudeklé fée bubwée ha fu. Íni Mose Mbla pú Bulu onósú atáipú amv atosunáhé deblí ní.

*Okpa Kplanhe Múa Teíhé
(Luka 13:24)*

¹³⁻¹⁴ “Mlitsun okpa kplanhe amvsv, mlóyo nkpa ání itamatátó. Ahá kpalobí pé tebí mú. Táme ní mlotsun téíhé ámúú ibv atsúnle amvsv á, mlóyo ohikpá. Ahá tsotsotsó tótsun músó.

*Oyí Pú Mú Abi Swiehé
(Luka 6:43-44)*

¹⁵ “Mlikí wankláán ahá ání butawá afunu bee, Bulu onósú atáipú bugyisv. Butepina bwe iwí fé akúfa ba mli wá, táme nkpatakuá bubv iyin búgyi. ¹⁶ Amú bwehé mlópobí

amú. Butamakpótí kankaba okplóto oyísú, butamakpótí tsoḱpun é tunḱpa iflasu. ¹⁷ Oyi wankláán toswié abi wankláán. Oyi laláhe é toswié abi laláhe. ¹⁸ Oyi wankláán méetalí swié abi laláhe. Alí kén oyi laláhe é méetalí swié abi wankláán ní. ¹⁹ Oyi itamaswié abi wankláán á, kún butokun mú dá, wá mú ogyá. ²⁰ Mú alí su á, onósú atóipú afunupu anfi bwehé mlópubí amú.

Bulu Iwíegyi Ámutɔ Awiepú

(Luka 13:25-27)

²¹ “Megyi ḱhagyíḱha ání otetí mí obéé, ‘Mí Wíé, mí Wíé’ obówie Bulu iwíegyi ámutɔ. Mboún ḱhá ání otobwé mí Sí ámúú obv osúsú ámv apé obóyo unv. ²² Bulu asún ogyíké amv a, ahá tsoṱsoṱsoṱ béfíté mí beé, ‘Mí Wíé, megyi fú dátó aniléblí Bulu onó asún, gya ḱḱe laláhe lé ahátɔ, bwé ofúla é ní?’ ²³ Unv néle bláa amú mbéé, ‘Mmeyín mli ḱḱpagyíḱpasv. Mlinatí teí mísú, mli lakpan abwepú!’

Butású pú Osublúto Obuyí

(Luka 6:47-49)

²⁴ “Mú sv ḱhagyíḱha ání olonu mí asun blíhé anfi, olegyi músú á, ogyi fé otiansipv ḱḱvá oleyi mv obu dínká butású. ²⁵ Nyankpv lótswié, ntsu lóbulá wa mú, atsfufú lótsun wulí músú, táme imobwie. Tsúfé oleyi mú dínká butású.

²⁶ “Táme ḱhagyíḱha ání olonu mí asun blíhé anfi, omegyi músú á, ogyi fé ḱha mimláhe ání oleyi mv obu osublúto. ²⁷ Nyankpv lótswié, ntsu lóbulá wá mú, atsfufú é lótsun wulí músú. Obu ámv lobwie, iléda así gbloo!”

Túmiá Yesu Bv

²⁸ Bréá Yesu léblí asún anfi tá á, mv atosunáhé leha onó lobwie ḱḱm amv. ²⁹ Tsúfé olosuná amú ató túmisv. Omosuná mú fé Mose mbla asunápú amv.

8

Ilɔ Pɛpɛ Ɖɔɔpú Ɖku Tsa

(Marko 1:40-45; Luka 5:12-16)

¹ Bréá Yesu lékplí tsú ibu ámusu á, ɔɔm kɔɔnkɔɔnkɔɔnti bobuo mu. ² Inu á, ilɔ pɛpɛ Ɖɔɔpú ɔku léba beda akpawunu mu ayabitɔ, kókóli mu ɔbéɛ, “Owíé! Ní fótusulá á, fétalí há mí iwi bépli.”

³ Múú Yesu létinkí ibi da mu, bláa mu ɔbéɛ, “Natsúlá, fú iwi iplí!” Inu mu iwi lépli. ⁴ Múú Yesu léda mu ɔlá ɔbéɛ, “Mábla ɔhaa asún ánfí. Natí laa afuɔv fú iwi yosuná Bulu igyi ɔhapú, afuha mu iwígyurátɔ amúú Mose mbla losuná tsú ilɔ pɛpɛtsa iwi ámu. Igyi adánsɛ suna ahá aní fú iwi laplí.”

Romafɔ Isá Akɔpú Ɖhandɛ Osúmpú Ɖku Ilɔ Tsa

(Luka 7:1-10)

⁵ Yesu lówie Kapernaum wúlutɔ. Romafɔ isá akɔpú ɔhandɛ ɔku léba mu wá, bóbwií ipa há mu ɔbéɛ, ⁶ “Owíé, mí osúmpú délɔ. Alasin tsukule, ɔda wóyítɔ ɔde iwɔsun wúun dɔbi.”

⁷ Múú Yesu lébláa mu ɔbéɛ, “Néba betsa mu ilɔ.”

⁸⁻⁹ Táme ɔhandɛ amu lébláa mu ɔbéɛ, “Owíé, mmɔfun aní féba mí wóyítɔ. Fú mó bli aswanku, iwi bówá mí osúmpú amu ɔnlɔn. Tsúfé mí é mbu ahandɛ aku asi, isá akɔpú aku é bubu mí asi. Nélé ɔnó mbée amótɔ ɔku ɔnátí á, ɔtenátí. Ní mbée ɔbá é á, ɔteba. Tógyítɔá nebláa mí osúmpú mbée ɔbwée á, ɔtɔbwé.”

¹⁰ Bréá Yesu lónu asún ánfí á, ɔnó lobwie mu, ɔledamlí bláa ahá amúú bubuo mu amu, ɔbéɛ, “Ɖnɔkwali nde mli bláa, mmakúwun ɔhá aní ɔbu hógyi kɔɔnkɔɔnti ánfí odu Israelfɔtɔ kúráá ki!” ¹¹ Nde mli bláa mbée, “Ahá tsɔtsɔtsɔ bótso owí ɔdalíkpa pú owí ɔkplíwíékpá ba, betsiá ató ogyíkpa Bulu iwígyí amutɔ, amúa aní anáin Abraham, Isak pú Yakob aná bówá ibi gyi ató. ¹² Táme béle Israelfɔ

ámúú tekí bgyi Bulu iwíegýí ámutò atsiápú amu lé unu, tswi amú wá oklúntò. Inú isú m̀ba kpisíi bu ni.” ¹³ M̀bú òlelabláa isá akòpú òhande amu òbée, “Nati, ibá m̀tò ha fu f̀bó hógýi ònò.”

Ali bré ámutò pépéépé osúmpú amu uwi lówa mu ònlun.

Alòpu Tsòtsòòtsò Tsa

(Marko 1:29-34; Luka 4:38-41)

¹⁴ Yesu lóyo Petro wóyítò. Òlòyo á, owísó lakítá Petro mu sia tsíhé, òda. ¹⁵ M̀bú òleyékítá òtsi ámu ibi. Inunu owísó amu lókusú musu, òòbwe Yesu afòòtò.

¹⁶ M̀ú ntópwesu á, bəpu ahá tsòtsòòtsòá òje laláhe dé amú háan ba Yesu. Òlòtòí gya òje laláhe amu, tsá alòpu amu f́é. ¹⁷ Inu léha asún ámúú Bulu ònòsú òtòipú Yesaia léblí amu leba m̀tò. Òbée, “M̀létsa anu ulò, tsú ipian kúsú anisu.”

Ahá Ání Bəe Bóbwe Yesu Abúopu

(Luka 9:57-62)

¹⁸ Yesu lówun ání òdòm babomlí mu, òlebláa mu akasípú amu òbée, “M̀liha afa Galilea òpu yo m̀ òbun.” ¹⁹ Inu Mose mbla osunápú òku lébá mu wá, bebláa mu òbée, “Osunápú, nóbuo fu yó òtínegýí òtínéá f́òyo.”

²⁰ Yesu lébláa mu òbée, “Awíá bubu mbó, mbubwi é bubu asia, táme mí, Nyankpusa-Mu-Bi ánfu m̀ òmma òtínéá nópu mí nwun tswi.”

²¹ Ahá ámúú bubuo mu amutò òku lébláa mu òbée, “Owíé, ha mí anyopulá mí sí asa ambobuo fu.”

²² Táme Yesu lébláa mu òbée, “Bobuo mi, afusi awupú abupula amú afúli.”

Atsufú Asibá

(Marko 4:35-41; Luka 8:22-25)

²³ Yesu lówie òkluntò, mu akasípú amu é bowie buo mu.

²⁴ Bréá bəyó á, afú k̀p̀onk̀p̀onk̀p̀onk̀nti ku lówa tsúun bi. M̀ú su ntsu d̀eda wíé òklun amutò, ideklé ime, táme Yesu m̀ú

da ɔdɛdɪdɪ. ²⁵ Akasípú amu betsinkí mu, bláa mu bɛɛ, “Ani Wíe le ani. Anidé ntsu wíe!”

²⁶ Múú ɔlɛfité amú ɔbée, “Ntogyi sù mlidé ifú nya ali? Mli hóggyi mɔtsó!” Inu ɔlɔksú lé ɔnó wa afú múa ntsu ámu, inu fée lɔlvá.

²⁷ Ifú lehie kítá amú, bɛfité aba bɛɛ, “Nyankpusa ɔmɔmu ni, afú múa ntsu kóráá tonú mu ɔme ali?”

ɔhe Laláhe Gyáa Le Agbedépu Abanyótó

(Marko 5:1-20; Luka 8:26-39)

²⁸ Bréá Yesu lówie Galilea ɔpu ɔbun, Gadarafɔ ɔsulúsu á, ayin abanyó akvá ɔhe laláhe bu amótó bedali tsu afúli opulákpá befia mu. Amú iyin su ɔhaa tamatáli tson ɔkpa ámusu. ²⁹ Inunu bɔkplón fité Yesu bɛɛ, “Bulu mu Bi, amansu igyi? Febá bɛpití ani ató asa Bulu isubitíbi ifun?”

³⁰ Mprákuo tsɔtsɔtsɔ aku budegyí inu fún. ³¹ Mú sv ɔhe laláhe amu bokokóli Yesu bɛɛ, “Ní fégya ani lé ahá ánfítɔ á, ha ayowie mprákuo ánfítɔ.”

³² Yesu lébláa amú ɔbée, “Mliyo.” Inunu bedali ayin ámutɔ yówie mprákuo ámutɔ. Amú fée besrí kplí okúku ku wíe ɔpu amutɔ, wúwu.

³³ Mprákuo ámu akpapú besrí yó wúlutɔ, yébláa ahá tóggyítá ulaba ahá amúb tekí ɔhe laláhe bu amótó ámusu.

³⁴ Mú sv wúlu amutɔ ahá fée bedali ba Yesu wá. Bréá bowun mu a, bokokóli mu bɛɛ, ɔdáli amú ɔsulúsu.

9

Tsukule Osínpu Tsa

(Marko 2:1-12; Luka 5:17-26)

¹ Mú sv Yesu léyinkí wíe ɔkluntɔ, fá ɔpu amu yó wúlu amúb otsie mótó ámusu*. ² Inu á, aku bɔsurá tsukule osínpu akpasu ba mu. Bréá Yesu lówun ání bahɔ mu gyi

* 9:1 mu wúlu gyí Kapernaum. Kí 4:13.

a, ɔlebláa tsukule osínpu amu ɔbéé, “Mí bí, klun idí fú asi. Nasí fú lakpan kíé fú.”

³ Inu Mose mbla asunápú akvá butsie unu, beblí wá nwuntɔ beé, “Oyin ánfí labó mbusuo.”

⁴ Yesu lébi amó agywun. Mú su ɔlefíté amú ɔbéé, “Ntogyi sú mlidé íni odu gywín? ⁵ Mɔmu bówa ablílé dun? ‘Nasí fú lakpan kíé fú.’ ntéé ‘Kusu tsu fú akpa afunati?’ ⁶ Táme ndekléá mlíbú ání mí, Nyankpusa-Mu-Bi ánfí mbu túmi ɔyí ánfítɔ sí ahá lakpan kíé amú.” Inu ɔlebláa tsukule osínpu amu ɔbéé, “Nde fú bláa mbéé, kusu. Tsu fú akpa afunati yɔ wóyító!”

⁷ Inu ɔɔkusu náti yó wóyító. ⁸ Íni lówa amú féé wánwan, bekanfú Bulu ání alapú túmiá igyi alí há anyánkpusa.

Mateo T1

(Marko 2:13-17; Luka 5:27-32)

⁹ Bréá Yesu lópu ɔyó á, olowun lampóo ɔhópu ɔkvá butetí mu Mateo tsie lampóo ɔhókpa. Múú ɔlebláa mu ɔbéé, “Bobuo mi.”

Inunu Mateo lókusú buo mu.

¹⁰ Mateo létí Yesu mua mu akasípú ató ogyíkpá mu wóyító. Lampóo ahópu pú lakpan abwepú tsɔtsɔtsɔ beba ató ámu ogyíkpá. ¹¹ Farisífo ámu benya wun amú alí, befité mu akasípú amu beé, “Ntogyi sú mli osunápú mua ahá ánfí odu butɔwá ibi gyi ató?”

¹² Yesu lónu asún ánfí, ɔlebláa amú ɔbéé, “Alɔpu léhián ilo ɔtsapú, megyí ahá ání iwí bu amú ɔnlun. ¹³ Mliyo amliyefité Bulu asún ánfí bɔwanlín tswi anfi asi. Beé, ‘Nwewúun ntekle, megyí igyíha.’ Mmɛba aha wankláán ɔtikpá, lakpan abwepú ɔtikpá neba.”

Ɔnókli Iwí Asun Fitéhé

(Marko 2:18-22; Luka 5:33-39)

¹⁴ Εκε ἄκου Ἀσὺ Ὀθῶρὺ Yohane akasípú beba Yesu wá befité mu beε, “Ntogyi sù ania Farisifῶ anuteklí ὄνό, táme fú akasípú mú butamaklí ὄνό?”

¹⁵ Yesu léle mú ὄνό ὀβέε, “Ὀτσι ὀκπαίνρὺ anyawíeá bubu mu wá bégyi awirehῶ? Εκεκεεκε! Táme εκε ku béba ání békpa ὀκά otsiápu amu náti sí amú. Alí nke ámυτῶ béklí ὄνό ní.”

¹⁶ “Ὀhaa tamapú tati pῶpwe tan tati dada. Tsúfé tati pῶpwe amu békpiκpí tsií dáda amu ku lé, há ὀtánkpa unu bélatéi tsía. ¹⁷ Alí kén butamapú nta pῶpwe wá ὀwuló-kpákpa kente wuhétῶ ní. Nta pῶpwe amu ibófu fá kente amu, tsítsá, ibéyintá kente amu é. Íni su ὀwuló-kpákpa kente pῶpweτῶ búτῶρὺ nta pῶpwe wá, méní mú anyῶ ámu fféé bétsiá.”

Ἄhande Ὄku Mu Bi Mva Ὄτσι Ὄku Ilo Tsa
(*Marko 5:21-43; Luka 8:40-56*)

¹⁸ Bréá Yesu déτῶί á, Yudafῶ offiakpa ὀhande ὀku léba beda akpawunu mu ayabitῶ, kókóli mu ὀβέε, “Mí bí tsihé lawú sésééséi, táme ba afubῶpu ibi dinka musu onya nkpa.”

¹⁹ Mú su Yesu lókusú, mva mu akasípú bobuo ὀhande amu.

²⁰ Ὄτσι ὀκβά obugya de mu wulí nfí dúanyῶ ní lótsun yo Yesu ὀma, pú ibi da mu tati osiebí. ²¹ Tsúfé ὀleblí wá mu nwuntῶ ὀβέε, “Ní nῶρὺ ibi da mu tati kpán á, ilo bési mí.”

²² Yesu lédamlí kí mu, bláa mu ὀβέε, “Mí bí, klun idí fú así. Fú hógýi latsá fú ilo.” Inῶnu ὀτσι ámu iwí lówa mu ὀnlun.

²³ Bréá olowie ὀhande amu wóyítῶ a, olowun ikpe afulípú, nú awirehῶ agyípú amu okitikíti. ²⁴ Olegya amú ὀβέε, “Mlidalí nfi! Otsibi amu mókúwú, didí ὀde.” Ahá ámu bῶmῶsí mu. ²⁵ Bréá amú fféé bedali ba wunsinésú a, Yesu lébitíwíé obu ámúbῶ otsibi amu da móτῶ ámυτῶ yékitá mu ibi, ὀlókusú. ²⁶ Asón ánfí lékleí wá ὀmá ámυτῶ fféé.

Ansibi Abwiepú llo Tsa

²⁷ Yesu lédalí ɔyó á, ansibi abwiepú abanyó aku bobuo mu, buɗe okitikítí surá kpóllí mu beɛ, “Owíe Dawid mu na, wun aní nwe!”

²⁸ Bréá olowie wóyító a, ansibi abwiepú ámu beba mu wá. Yesu léfité amó ɔbéɛ, “Mlilahogyi mliaa, nétalí há mli ansíbi bóbwíí?”

Bele mú ɔnó beɛ, “Aní Wíé, Ee!”

²⁹ Múú ɔlɔpu ibi dada amó ansíbi, bláa amó ɔbéɛ, “lba mútá ha mli, mli hógyi ɔnó.” ³⁰ Inu bowa ató wun bi. Yesu léda amó ɔlá ɔbéɛ, bumábláa ɔhaa.

³¹ Táme bréá bedali báyó á, beda mu ɔkan ɔmá ámu féétó.

Omúmu llo Tsa

³² Benya náti ali, bɔpu oyin ɔkúvá ɔɣe laláhe bu mutá, su alató omúmu ba Yesu. ³³ Olenya gya ɔɣe laláhe amu lé oyin ámutá ali, ɔlɔwa tó bi. Ahá ámu féé bowun, su ɔnó lobwie amó. Mú su beblí beɛ, “Animókwun íni odu Israelfoto kí!”

³⁴ Farisífo ámu beblí beɛ, “ɔɣe laláhe owíe túmi ɔɗepugya ɔɣe laláhe lé ahátó.”

Ahá Nwewúun

³⁵ Yesu léki awúlu pú nkuda féé asi, súná ató Yudafo offiakpa. ɔleɗa Bulu iwíegyi ámu iwí asun wankláán ɔkan. ɔletsá uló kugyíku féé. ³⁶ Bréá olowun ɔɗɔm amu a, amó asún lówa mu nwe. Buggyi fé akúfa ání buma ɔkparú, tsúfé asún de amó háan, buma tɔtɔ bwetó. ³⁷ Mú su ɔlebláa mu akasípú ɔbéɛ, “Ató kpotíhé amu itsɔ, táme mú akpotípú bumɔtsó. ³⁸ Mú su mlíkokoli ndɔ mu wie, ɔwa ató akpotípú tsɔtsɔ abuba bɔkpotí ató ámu.”

10

Akasípú Amu Adá

(Marko 3:13-19; Luka 6:12-16, 9:1-6)

¹ Yesu léti mu akasípú dúanyó ámu, ɔleha amó túmi ání buggyíi ɔɣe laláhesu. Buggyáa amó lé ahátó, abutsa uló

múa iwɔsun kugyíku. ² Sumbí ayɔpú dúanyɔ ámu adá ní: Ogyankpawu gyí Simon ání butetí mu Petro mua mu pio Andrea. Yakobo mua mu pio Yohane ání bugyi Sebedeo abí; ³ Filipo, Bartolomeo, Toma, lampóo ðhópu Mateo, Alfeo mu bi Yakobo, Tadeo, ⁴ Simon ání ogyi iwisutsiá adunkápú ɔpasuato ðha pú Yuda Iskariot ání ðlele Yesu há.

*Akasípú Dúanyɔ Ámu Sumbíwa
(Marko 6:7-13; Luka 9:1-6)*

⁵ Ɖɔwa sumbí ayɔpú dúanyɔ ámu sísí, wá mbla há amú ɔbée, “Mlimáyo ahá ání bumegyí Yudafo ɔsulɔv pú Samariafo awúlu kukusu. ⁶ Mboún mliyo Israelfɔ wá. Bugyi fé akúfa ání bafwí. ⁷ Ní mlɔyɔ á, mlida asún ámu ɔkan mhaa, ‘Bulu iwíegyí amu lawíé wóyí tá.’ ⁸ Mlitsa ɔlɔ, amlitsinki afúli. Mlitsa ɔlɔ pɛpɛ alɔpú, amligya ɔɛ laláɛ le ahátɔ. Mlimáɔ amú tɔtɔ. Mlibwe mú pukie amú, fé alíá napúkíé mli. ⁹ Mlimátsu sika kukukuku wá mli akentetɔ. ¹⁰ Mlimátsu akpankogyo ání mlɔpu ató wá mútɔ há ɔkpa ámu tu. Mlimátsu atadie nyɔɔsi, ntukuta pú oyi yíáhé. Tsúfé agyómá ɔyɔpú butehá atogyihe.

¹¹ “Ní mlɔyɔswí wúlu kugyíkusu á, mlidunka ðha wan-kláán, amliswu mu wá. Mlitsia unv kɛfɔn ekeá mlénatí. ¹²⁻¹³ Ní mlowíé wóyítɔ unv á, mliha amú itsiá mhaa, ‘Bulu ðhá mli iwilwii.’ Ní wóyí ámɔtɔfo bɔhɔ mli á, mli oyúla amu isín amúsú. Táme ní bumɔhɔ mli á, múmú mli oyúla amu isánki ba mli. ¹⁴ Ní bumɔhɔ mli, ntée nú mli asún á, mlidalí wóyí ntée wúlu amɔtɔ, amlikpakpa mli ayabitɔ-isi wuli unv. ¹⁵ Ɖnɔkwali nde mli bláa mbée, Bulu ɔbébití amú isv dun Sodom múa Gomorafo mu asún ogyíké amv.”

*Iwɔsun Ání Ibéba Sumbí Ayɔpú Ámusu
(Marko 13:9-13; Luka 21:12-17)*

¹⁶ Ɖletrá bláa amú ɔbée, “Mlibi ání nde mli wa fé akúfa ání bɔyɔ nkpatakutɔ. Mliwifwi ansí fé awɔ, amliha mli twi

itun fé abróduma. ¹⁷ Mlíki mli iwí wankláán anyánkpúsasú. Tsúfé békítá mli ya asún ogyíkpa, nwén mli ató amú ofiakpa. ¹⁸ Mí sv békpa mli ya omású agyípú pú awié ansító, méni mlégyi mí iwí adánsie súná amúa omátófo. ¹⁹ Ní bekítá mli ya a, mlimágywíun asún ání mléblí pú aliá mléle mú onó. Bópu asún ání mléblí bré ámvto wá mli onó. ²⁰ Tsúfé megyí mli obótói. Mli Sí Ōḡé ámu obótói tsun mli sv.

²¹ “Apíó béle amú apíó há lowu. Abí así béle amú abí há. Abí é bókusú líí amú akwípúsv, há bómá amú. ²² Mí sv ahá féé bólu mli, táme ní mlétalí wá klun líí kínkíínkín yófun mú onómá á, Bulu obóho mli nkpa. ²³ Ní budun mli sv wúlu kvto á, mli sv yó wúlu bámbátó. Ōḡkwali nde mli bláa. Mliméeki Israel awúlu amu féésú tá asa mí, Nyankpusa-Mu-Bi ánfí néyínkí ba.

²⁴ “Okasípú tamadun mu osunápú. Osúmpú é tamadun mu wie. ²⁵ Ibówa alé ní okasípú obóbwe fé mu osunápú, osúmpú é obóbwe fé mu wie. Ní batálí bude wóyí mu wie amu ti bee, ‘Obunsám’ ntée ‘Beelsebul’ a, múmú ida laláhe mómú bumóoputí mu wóyító atsiápú mú?

Ḑhá Ání Abénaya Ifú (Luka 12:2-7)

²⁶ “Táme mlimánya ifú. Tótó má unvá babun ató mósú ání bumóobwii mósú. Tógyító é ma unvá ileḡain ání uméelun owan. ²⁷ Ní nelé ató súná mli onyé á, mlikplun bli mú opa. Mli da asún ání nébláa mli nklobító é okan. ²⁸ Mlimánya nyankpusa ifú. Obétalí mó mli oyulúv, táme oméetalí mó mli okláa. Mboún ḡhá ání mlinyá ifú gyí Bulu. Mu obétalí yíntá oyulúv múa okláa amu féé isubití ogyá ání itamaduntó. ²⁹ Megyí kápíe butefé akénsire anyo kéké? Táme amútó okuku tamakpádá osulúto ání mli Sí ámu méyín mú iwí. ³⁰ Tsúfé Bulu yin mli nwunsv-imi

kóráá klátò. ³¹ Mú sv mlumánya ifú, tsúfé mlibu ibiá dun akénsire tsòtsòtsò.”

*Adánsi*egyí Pú Asúnkiná

(Luka 12:8-9)

³² “Ní òku létalí gyi mí iwí adánsi ahátò á, mí é négyi mu iwí adánsi súná mí Sí òsúsú. ³³ Táme ní òku lékiná mí ahátò á, mí é nékiná mu mí Sí ansító òsúsú.

Ipián Yesu Lópùba, Megyí Iwilwii

(Luka 12:51-53; 14:26-27)

³⁴ “Imábwe mli fé iwilwii nòpùba òsulú anfisv. Megyí iwilwii, mboún òdayí iya anyò nòpùba. ³⁵ Tsúfé abi yinhé múa amú así nsiné béyintá. Abi tsihé múa amó ayín é nsiné béyintá. Osia tsihé múa mu sia tsíhényò é nsiné béyintá. ³⁶ Òha alupú bótsu mu wóyító.

³⁷ “Òhá ání òtòdwé mu si ntée mu yin dun mi mófun ání òbòbwe mí òkasípú. Òhá ání òtòdwé mu bi tsihé, ntée mu bi yinhé dun mi é mófun ání òbòbwe mí òkasípú. ³⁸ Òhá ání omotsu mu oyikpalíhe bobuo mi é mófun ání òbòbwe mí òkasípú. ³⁹ Ní òku lépri mu nkpa á, òbòhulú mú. Ní òku é lóhulú mu nkpa mí sv á, obénya mú.

*Yilé*bwe lwí Ìkòká

(Marko 9:41)

⁴⁰ “Òhá ání òlòhò mli lahò mi. Ní òku lóhò mi é á, alahò mí Sí ámúú òlòwa mí ámu. ⁴¹ Ní fòhò Bulu ònósú òtòipú òfòó á, Bulu ònósú òtòipú oyúla fénya. Òhá ání òlòhò yilé òbweprú é òfòó obénya yilé òbweprú oyúla. ⁴² Ònòkwali nde mli bláa. Òhagyíòha ání òleha mí akasípúto òkusv kóráá ntsu-owebi òbò olonu a, òmòòhulú mu ipán.”

11

Yesu Mva Asú Òbòprú Yohane

(Luka 7:18-35)

¹ Bréá Yesu lópu agyómá ánfí wá mu akasípú dúanyo ámu ibuto tá á, olwoyo yéki Galilea awúlusu, súná ahá ató, dá asún ámu é okan.

²⁻³ Asú Ɖbɔpú Yohane da obu, olonu Kristo bwehé. Mú su olowa mu akasípú abanyó sísí Yesu ɔbéε, buyéfité mu beε, “Fúgyí ɔhá ámuú ɔbéba amu ni, ntéε akí ɔha bambá okpa?”

⁴ Yesu lébláa amú ɔbéε, “Mlyinki yebláa Yohane asún ání mlilabonu pú atóá mlilabowun. ⁵ Mlilabowun ání ansibi abwiepú bude ató wun, abo buna. Ilo pepe alɔpú iwí deplí. Isw atínpu bude asún nu. Afúli budetsinkí, ahiánfɔ é bude asun wankláán ámu nu. ⁶ Bulu obóyulá ɔhá ání mí bwehé mɔksú líi musu.”

⁷ Bréá Yohane akasípú ámu beyinkí ɔyó á, Yesu lówa toí tsú Yohane iwí súná ɔɔm amu bi. Ɖbéε, “Bréá mlilédaɔ dimbísú inu á, ntɔ ɔkíkpa mlíɔyɔ? Fitáa ání afú de mú tsún lóó? Ekekeke! ⁸ Ní megyí mú á, ntɔ kóún ɔkíkpa mlíɔyɔ? Ɖhá ání ɔdidí ntsrim? Ekekeke! Awíε wóyí atati ámu odu adídápú butetsiá. ⁹ Mlibla mi! Bulu ɔnósú ɔtɔípú mlilédaɔ yéki? Ee, Yohane ni. Ɖɔɔn Bulu ɔnósú ɔtɔípú. ¹⁰ Mu iwí asún Bulu léblí bɔwanlín mú tswi beε, ‘Kí, nde obí wa gya fu nkpa. Mu ɔbéla okpa há fú ní.’ ¹¹ Ɖnɔkwali nde mli bláa mbéε, ɔhagyíɔha ání ɔha tsihé laken kwí mófɔn Asú Ɖbɔpú Yohane, táme mu é ɔmɔfɔn Bulu iwíegyí ámuɔ ɔkusu kúráá. ¹² Tsú Yohane brésú ɔɔtu nde á, ahá bude Bulu iwíegyí ámu prí ɔwonlínso. Awonlínpu bude mú prí. ¹³ Tsúfé Bulu ɔnósú atɔípú amu pú Mose Mbla ámu ɔɔfɔn Yohanesu féé ɔtɔí tsú Bulu iwíegyí ámu iwí. ¹⁴ Ní mlóhɔ asún ámu gyi a, múmú mlébi ání mɔgyí Elia. Mu ɔbéba ni. ¹⁵ Ɖhá ání ɔbu asu onúu.

¹⁶ “Séi ánfí á, amendu nópu ndemba-abí ánfí kápú? Bɔgyi fé nyebíá butsie dɔnsu bude aba kpolí, ¹⁷ blí beε, ‘Anulapléi ansigyísú, mlumétsa. Mú su anulalá wá awurehɔ ilu, táme mlumósu.’ ¹⁸ Mlygyí fé nyebí ánfí, tsúfé Yohane

léba á, oletsiaá klí onó, omonu ntá, táme mliaa, ‘Ōhe laláhe bu muto!’ ¹⁹ Táme mí, Nyankpusa-Mu-Bi ánfí mó naba nde ató gyí, nde ntá núu. Mú é mliaa, ‘Mlíki opotsuapu pú nta obupú, lakpan abwepú pú lampóo ahópu onyawíe.’ Táme Bulu oha tsiátó telé mu nyánsa owan.”

Ahá Ání Bumedamlí Kluntó Asúngyí
(Luka 10:13-15)

²⁰ Yesu lópu obló tóí tsú awúlu aku iwí. Awúlu amvá olobwe ofúla akpɔnkpɔnti mótó, táme bumedamlí kluntó ámu. ²¹ Obéé, “Korasinfó, mligyɔwi. Betsaidafó, mligyɔwi ní. Ní Tiro pú Sidon awúlu laláhe amuto nɔbwe ofúla akpɔnkpɔnti ánfí nɔbwe mlitó á, tekí bedamlí kluntó dodoodo. Tekí buɔa akpekpetó, bakpá nsúó wá nwuntó púsúná ání badámli kluntó. ²² Mlíbi ání Bulu obébití mli iso mu asún ogyíké dun Tiro múa Sidonfó. ²³ Mlí Kapernaumfó, mlidéklé mliaa mlótsu iwí fúá alu yówɔ ɔsósú? Ekekeke! Bulu obéba mli asi yówie afúlitó. Tsúfé ní Sodom wúlutó nɔbwe ofúla akpɔnkpɔnti ánfí odu á, tekí wúlu amu itráa bu unu bɔtu nde. ²⁴ Mlíkaun ání Bulu obówun Sodomfó nwe asún ogyíké amu dun mli.”

Mlibeda Ōkpónú Mí Wá
(Luka 10:21-22)

²⁵ Alí bré ámutó á, Yesu lóbɔ mpái blí obéé, “Mí Sí, ɔsú mva asi Owíé! Nedá fú ipán ání falé tóá fɔpuhájín anyansapu pú asún abipú owan súná ahá ání bumeyín ɔlala, bugyi fé nyebí. ²⁶ Ee, Mí Sí! Alí fudeklé fée íbá mótó ní.”

²⁷ “Mí Sí lópu tógýító wá mí íbitó. Ōhaa méyín Obí ámu, nkéti ɔsí ámu nkule. Ōhaa méyín ɔsí ámu é, nkéti Obí ámu pú ohá ání Obí ámu latsúlá ání obéle mu súná mu.”

²⁸ “Mlíba mí wá, mli ahá ání ulapíán mli, mli ató suráhé de mli dúvn. Néha mléda ɔkpónú. ²⁹ Mlíba iwiasí ha

mi, amlisuan mi, tsúfě neba iwiasi, nolwií, méni mlénya iwilwii. ³⁰ Tsúfě mí wá tsiá bu atsiálé. Mí ato suráhé é móòdun mli surá.”

12

Ɔkpónú Ɖdaké Mu Wie

(Marko 2:23-28; Luka 6:1-5)

¹ Yesu mua mu akasípú bətsun ayó ndə kutə Ɔkpónú Ɖdaké. Akún de akasípú amu, su bəpəsáa ayó ámu ku wí.

² Farisifə aku bowun amú, bebláa Yesu bεε, “Ki, fú akasípú amu bude tóá mbla meha Ɔkpa bwe Ɔkpónú Ɖdaké!”

³ Yesu léfité amú ɔbéε, “Mlimókúkla nu tóá Owíe Dawid lóbwe bréá akún de mua mu abúopu ki? ⁴ Olebitíwíé Bulu osúmka yótsu bodobodoá bapúhá Bulu igyí ba, mua mu abúopu amu begyi. Bulu igyí ahapú nkule beha Ɔkpa, butegyí alí bodobodo amu. ⁵ Mlilakla Mose Mbla, nú ání Bulu igyí ahapú ámu butəyó agyúmá Bulu ɔswékpa unu Ɔkpónú Ɖdaké, táme butamahá amú ipón. ⁶ Nde mli bláa mbéε, ɔhá ání ɔdun Bulu ɔswékpa amu búv nfi á. ⁷ Bulu asón leblí ɔbéε, ‘Nwewúun ntekle, megyí igyíha.’ Ní mliyin mú asi á, teki mlimécha ahá ánfí amú asón da Ɔkpa ánfí ipón. ⁸ Tsúfě mí, Nyankpusa-Mu-Bi ánfí gyí Ɔkpónú Ɖdaké mu wie ni.”

Ilətsa Ɖkpónú Ɖdaké

(Marko 3:1-6; Luka 6:6-11)

⁹ Yesu lénatí unu, ɔləyɔ Yudafo offiakpa. ¹⁰ Olowun oyin ɔkúv mu ibi kule lawú unu. Farisifə ámu bude Yesu tée. Mú su befité mu bεε, “Mbla leha Ɔkpa ání butsáa ilo Ɔkpónú Ɖdaké?”

¹¹ Múú Yesu léfité amú ɔbéε, “Ní mlitə ɔku bu kufa, alakpádá wíé ibúntó Ɔkpónú Ɖdaké á, ɔméεε mu? ¹² Yéε nyankpusa bu labi dun kufa a? Mú su mbla leha Ɔkpa ání ɔha ɔbóbwe yilé Ɔkpónú Ɖdaké.” ¹³ Múú ɔlebláa oyin á múv mu ibi lawú ámu ɔbéε, “Tinkí fú ibi amu.”

Olenya tínki mú alí pé, òhè lowie mútò fè nyòòsi amu.
¹⁴ Táme mú ó á, Farisifò ámu bedali yékitá agywun alá bóbwe bómò Yesu.

Osúmbi Ání Bulu Léle

¹⁵ Yesu lébi amó agywun. Mú su òlenatí mu. Òdòm bobuo mu, òletsá amútò alòpu fèé ilo. ¹⁶ Mú òleda amó olá òbée, bumáha ahá abubi mu. ¹⁷ Íni léha asún amúbú Bulu ònósú òtáípu Yesaia léblí yáí ámu léba mútò ní. ¹⁸ Òbée, “Kí, mí osúmpúá nalé ní.

Ntòdwé mu, mí ansí tegyi mu iwí.

Nópu mí Òhè Wankíhé wá mutò.

Òbébláa òmátòfò òbée, ‘négyi amó asún ònòkwáisu.’

¹⁹ Oméegyí nwéen, òmòòkplún.

Òhaa móonu mu ònó brònuvu.

²⁰ Obénya klun há ahá ání amó hógyi ònó ma ònlun,

bábwe fè oyíá ilatá bia tá.

Òbówa awitòle há ahá ání buma òwunlín,

bábwe fè òkandíeá nfò latá mútò,

yófun bréá bébi ání ntegyi asún ònòkwáisu.

²¹ Ahá ání bumegyí Yudafò bópu ansí dínká muvu.”

Yesu Mva Beelsebul

(*Marko 3:20-30; Luka 11:14-23*)

²² Inu bòpu oyin òku ba Yesu, òhè laláhe bu mutò. Mú su ileha mu ansíbi lobwie; álatò omúmu é. Yesu létsa mu ilo, òde ató wúun, òdetáí é. ²³ Ònó lobwie ahá ámu fèé, befíté beé, “Meyí Dawid mu na ámu ní?”

²⁴ Táme Farisifò ámu bonu asún ánfí á, beblí beé, “Òhè laláhe owíe Beelsebul túmi òdepugya òhè laláhe lé ahátò.”

²⁵ Yesu lébi amó agywun. Mú su òlebláa amó òbée, “Iwíe ogyíkpa ání ilaye anyò, bude aba kò bédida. Alí kén wúlu ntée wóyí oduá mútò atsiápu bude aba kò é itobwíe ní.

²⁶ Mú su ní Òbunsám dé mu iwí gyáa a, mu iwíegyí bédida.

²⁷ Ní Beelsebul túmi ndepugya òhè laláhe lé ahátò á, múmú

ma túmi mli abí é budepugya ðhe laláhe lé ahátò? Mli abí ámu onutó obégyi mli asún. ²⁸ Táme íniá Bulu ðhé ndepugya ðhe laláhe su á, mlibi ání Bulu iwíegyí ámu laba mli wá dodo.”

²⁹ ðhaa méetalí wíé ðwunlínpu wóyító yókulá mu ató, nkéti alagyankpá kíkli mu tswi, asa ðbétalí kúlá mu ató fée.

³⁰ ðhá ání omobuo mi dé mí lu. ðhá ání ðmedé mí tsa akpa ahá ba Bulu é dé amú gyáa teía mi. ³¹ Íni su nde mli bláa mbée, Bulu obési ahá lakpan pú abususu kugyíku kíé amú. Táme ní ðku ðblí ðhe Wankíhé amu iwí abususu a, Bulu méesikíé mu ekekeke. ³² Ní ðku léblí mí, Nyankpusa-Mu-Bi áñfi é iwí asun laláhe a, Bulu ðbétalí sikíé mu. Táme ní ðku léblí ðhe Wankíhé amu iwí asun laláhe mú á, Bulu méesikíé ðhá ámu nde ðyi kehe, ntée bré ámúú íbá ámuto.

Tsiátó Itsú klvnto

(Luka 6:43-45)

³³ Oyí abí butópúbí mú. Oyi wankláán toswíé abi wankláán. Oyi laláhe é toswíé abi laláhe. ³⁴ Mli awò abí-aná! Nkálí mli aha laláhe mlétalí blí asun wankláán? Tsúfé tóá idun ðha klun a, mótédáli tsu mu ðnó. ³⁵ ðha wankláán teblí asun wankláán tsú mu klvnto, ðha laláhe é teblí asun laláhe tsú mu klvnto.

³⁶ Nde mli bláa mbée, ðhagyíðha ðbéle asun laláhe kugyíkuá ðleblí ðnó Bulu asún ogyíké amu. ³⁷ Tsúfé ðha asun blíhé Bulu ðbópvhá mu asu ntée ipón.

Bodunká Ofúla

(Marko 8:11-12; Luka 11:29-32)

³⁸ Múú Farisifo pú Mose mbla asunápú amu aku bebláa Yesu bee, “Osunápú, anidéklé aniaa fubwée osúna kv suna ani.”

³⁹ ðlebláa amú ðbéé “Mli ndemba-abí laláhe ání mliladáli Bulu ðma. Mludé osúna dunká amliwun, táme mlímóowun kukvuku dun Bulu ðnósú ðtóipú Yona osúna amu. ⁴⁰ Alí ámúú Yona létsiá bonsu iwito nkensá, ðpa múa

onyé ámu a, alí mí, Nyankpusa-Mu-Bi ánfí é nétsiá ɔsulúv ɔtótó nkensá, ɔpa múa onyé ní. ⁴¹ Niniwefo é bókusú Bulu asún ogyíké amu, há mli ndemba-abí ánfí ipón. Tsúfé bréá Yona léda Bulu asún ɔkan súná amú á, bedamlí kluntɔ ba Bulu wá. Mlíki, ɔhá ání ɔdun Yona onutó líí nfi á. ⁴² Seba owíe tsihé ɔbókusú líí Bulu asún ogyíke, há mli ndemba-abí ánfí ipón. Tsúfé olotsu ɔsaasí ɔmá ikutɔ kénin gya ɔkpa ba, bonu Salomo nyánsa atosunáhé. Mlíki, ɔhá ání ɔdun Salomo líí nfi á.”

ɔɣe Laláhe Yinkí Ba ɔhato

(Luka 11:24-26)

⁴³ “Ní ɔɣe laláhe idáli ɔhato á, iteyéki dimbísú dúnká ɔkpónú ɔdakpá, táme itamanyá. ⁴⁴ Inu iteblí ání ibéyinkí yó mú wóyí dadatɔ. Ní isánkí yó á, itowun ání baféí mótó, lá mótó wankláán, ida kpan. ⁴⁵ Iteyínkí yékpa mó aba asienó ání butɔbwé lalahe dun mó, buteba betsiá inu. Inu ɔhá ámu tsiátó teyíntá dun alíá igyi yáí. Alí ibéba ha mli ndemba-abí laláhe anfi ní.”

Yesu Abusuanfɔ Onutó

(Marko 3:31-35; Luka 8:19-21)

⁴⁶ Bréá Yesu trá ɔde ahá ámu asún bláa a, mu yin mua mu apíó beba belí kpankpá, bu dedunká ání bébláa mu asún. ⁴⁷ Ahá ámutɔ ɔku lébláa Yesu ɔbéé, “Kí, fú yín mua fú apíó bulí kpankpá. Bude fú dunká, abubla fu asún.”*

⁴⁸ Múú Yesu léfité mu ɔbéé, “Amendí gyí mí yín mua mí apíó?” ⁴⁹ Inu ɔletinkí ibi sísí mu akasípú amu, blí ɔbéé, “Mlíki, mí yín mua mí apíó gyí ahá ánfí á. ⁵⁰ ɔhagyíɔha ání ɔɔbwé mí Sí ámúbú ɔbu ɔsúsú ámu apé á, mvgyí mí yín múa mí píó ní.”

* 12:47 Mótó yéé 47 uma nwuló dada amu akutɔ.

13

Ató-abí Owunyápu Iwi Yébi

(Marko 4:1-9; Luka 8:4-8)

¹ Έκε ámu kén á, Yesu lédalí tsu wóyító yétsiá opu onó.
² Ὁδὸν κρῶνκρῶνκρῶντι βεβα βεφία βομλί μου. Μύ συ
 ὁλοδο wíé ὀκλοντῶ, yétsiá opu amusu, ahá ámu é bulí opu
 onó mu. ³ Iwu olosuná amú ató tsotsotsῶ ayébito ὀβέε,

“Ὁδοτῶpu ὀκ λῶγῶ ató-abí owunyákpa. ⁴ Bréá ὀδε μύ
 wunyáa a, iku lówulí ὀkpatῶ, mbubwi beba ὀtswetswée
 μύ fée. ⁵ Iku é lówulí abutású, ὀtínéá isi kpalobí dín. Μύ συ
 ulῶwa ὀsa kwe, ⁶ táme bréá owí lelun a, ulῶtῶ μύ mó, tsúfé
 μύ nlin mῶyῶ ὀtótῶ. ⁷ Abí ámu ku lobun awutῶ, awu ámu
 lobulá kítá μύ. Μύ συ imedan. ⁸ Táme abí ámu ku é lobun
 ὀsulúv wankláánsú, ulῶkwe, dan, swie abí. Iku lafa (100),
 iku aduesie (60), iku é advasa (30).”

⁹ Yesu lómῶ mu asún onó ὀβέε, “Ὁha ání ὀbu asu onúu!”

Tῶá Svá Yesu Lótái Ayébisu

(Marko 4:10-12; Luka 8:9-10)

¹⁰ Mu akasípú amu beba befité mu beε, “Ntogyi sú fude
 amú asún bláa ayébisu?”

¹¹ Μύú ὀlele μύ onó ὀβέε, “Mli μύ á, Bulu lahá mli ὀkpa
 ὀβέε, mlibú mu iwíegyí ámu iwi asun ηαίνhé, táme ὀmeha
 amú μύ ali. ¹² Tsúfé ὀhá ání odekléá ὀbónu mí atosunáhé
 amu asi á, Bulu ὀbῶpu iku tsía mótῶ há mu, méní ὀbétra bi
 tsía mótῶ. Táme ὀhá ání omedékléá ὀbónu μύ asi á, Bulu
 ὀbῶswí mu kpalobí amúú alabí ámu kúráá. ¹³ Tῶá svá nde
 amú asún bláa ayébisu gyí, bude μύ nu, táme bumedé μύ
 asi nu. Bude μύ wúun, táme bumedé μύ bi. ¹⁴ Ahá ánfi
 só Bulu onósú ὀtῶípú Yesaia asún ání ὀleblí tswí laba mótῶ
 ní. ὀβέε,

‘Bónu lánú, táme bumóonu μύ asi.

Béki láki, táme bumóowun μύ.

¹⁵ Tsúfé amú agywun lawú.

Batíla asu, bun ansíbi é.

Íni su bumóonu, bumóowun é.
 Ní megyí alí á, tekí bówun ató,
 bónu asún, amó agywun bóbwií,
 bédamlí ba mí wá, nétsa amó ilo.’

¹⁶ “Táme mli mó á, Bulu layúlá mli. Mlétalí pú ansíbi wun ató, pú asu nú asún. ¹⁷ Ɔnɔkwali nde mli bláa. Bulu ɔnósú atóipú pú yilé abwepú tsɔtsɔtsɔ bekleá bópu amó ansíbi wun ató ánfí, abupu amó asu nu asún ánfí mlidénu, táme bumenya mó alí.

Ató-abí Owunyápu Yébi Amu Así

(Marko 4:13-20; Luka 8:11-15)

¹⁸ “Mlinu ató-abí owunyápu yébi amu así ngya. ¹⁹ Ahá ání bonú Bulu iwíegyi íwi asún ámu, táme bumonu mó así á, bugyi fé abí ámú ilobun ɔkpatɔ ámu. Ɖbunsám teba bele asún ámú bodu wá amó klɔntɔ ámu náti. ²⁰ Abí ámú ilowulí abutású amu gyí ahá ámú bonú asún ámu pé, bahɔ mú ansigyísú, ²¹ táme íniá buma nlin su á, itamatsíá amótó yó. Mú su ní budin amúsú ntée iwɔsɔn ku itó amó asún ámu su á, unɔn butedida. ²² Abí ámú ilowulí awuto ámu gyí ahá ámú bonú asún ámu a, bahɔ mú, táme ɔyi ánfito atɔ hiánhe íwi gywín pú mótó atonyahé íwi ɔnsípe tegyi Bulu asún ámusu. Íni su butamaswíé abí. ²³ Abí ámú ilowulí ɔsulú wankláánsú amu gyí ahá ámú butonú asún ámu, nú mó así. Íni su itehá butɔbwé yilé fé alíá ató-abí ámu loswie, íku lafa (100), íku aduesie (60), íku é advasa (30) ámu.”

Ató-abí Wankláán Pó Ifa Laláhe Íwi Yébi

²⁴ Yesu létrá ha ahá ámu yébi ku ɔbéé, “Bulu iwíegyi ámu igyi fé ɔɔtɔpu ɔkuá oloyódu ayó wankláán mu ndɔtɔ. ²⁵ Táme onyé, bréá ahá bedí á, mu olupú lóyódu ifa laláhe ání ileltan ayó ámu wá mótó, ɔlenati. ²⁶ Bréá ayó ámu lédan, idekwí á, ífá ámu é lelun ɔwan mótó. ²⁷ Ɖɔtɔpu amu apafɔ botsu ndɔ ámutɔ ba befité mu beé, ‘Ani wíé,

megyí ayó fodu wá fú ndò ámuṭò? Nkúnú ifa laláhe é itsú mótó?’²⁸ Múú òlebláa amú òbée, ‘Mí olupú bwehé ní.’ Inu bebláa mu beε, ‘Ní fótṣulá á, ha ayetsitsíí mú le ayó ámuṭò.’²⁹ Òlebláa amú òbée, ‘Ó-o! Mliha mú itsia. Ní mliḍé mú tsíí á, mlétsíí mí ayó ámu é kv tsítsá.’³⁰ Mlisi mú fée ilu yófun mú t́nbi. Ní ifun a, nébláa mú at́npu mbée, bgyánkpa saun ifa laláhe amu, abukli mú tswi ha mú ogyá wa, asa abutun ayó ámu ɔwa mí odudutó.’ ”

Takyí-akpin Ibí Yébi

(Marko 4:30-32; Luka 13:18-19)

³¹ Yesu létrá ha amú yébi òbée, “Bulu iwíegyí ámu igyi fée takyí-akpin ibí, oyin òkv lódu wá mu ndòtò. ³² Múgyí t́kúrííbi nyí-abí féeṭó ni, táme ní idan a, itòbwé ifá fúáhé dvn ifá kugyíku. Mú abámbi tekpíkpli, mbubwi butogyónká músú.”

Bodobodotu-afá Yébi

(Luka 13:20-21)

³³ Yesu létrá ha amú yébi kv òbée, “Bulu iwíegyí ámu igyi fée bodobodotu-afá aní ɔtsi òkv lóptsíá bodobodo nfúó kente kule, ileha mú lotu.”

Yesu Lótóí Ayébisu

(Marko 4:33-34)

³⁴ Ayébi anfi odu tsòtsòtsò oletsíá públáa ɔḍam amu asún ní. ɔmebláa amú asún kukvá imegyí ayébi ɔlòputóí. ³⁵ Iní léha asún ámuú Bulu ɔnósó ɔtáípu òkv léblí yáí ámu léba mótó. ɔbée,

“Nótóí ayébisu

púlé asún aní Bulu lópuháín tsú ɔyí asitsuábi ɔwan.”

Ifa Laláhe Yébi Amu Así

³⁶ Yesu lénatí ɔḍam amu wá ba wóyító. Múú mu akasípú amu bɔyɔ mu wá yébláa mu beε, “Le ndò ámuṭò ifa laláhe iwi yébi amu así suna aní.”

³⁷ Múú Yesu léle mú onó obéε, “Mí, Nyankpusa-Mu-Bi ánfu gyí ató-abí wankláán odupú ámu ni. ³⁸ Ndo ámu gyí oyi ánfu. Ató-abí wankláán ámu gyí Bulu iwíegyí ámutó abí. Ifa laláhe amu gyí Obunsám abí. ³⁹ Olupú ámutó olodu ifa laláhe abí ámu gyí Obunsám. Atótunbi amu gyí oyi onómoké. Ató atínpu amu é gyí Bulu-aboɔpu.

⁴⁰ “Alí ámutó besáin ifa laláhe amu, wá mú ogyá ámu a, alí kén ibéba ha aha laláhe oyi onómoké ámu ni. ⁴¹ Mí, Nyankpusa-Mu-Bi ánfu nówá mí aboɔpu békpa tógyítóá itehá oha tóbwé lakpan pú lalahe abwepú féé lé mí iwíegyí amutó. ⁴² Bótswi amú féé wá ogyá kpónkpontitó. Inú isú múa kpisíi bu ni. ⁴³ Táme yilé abwepú mú bówankí fé owí amú Sí Bulu iwíe ogyíkpa inu. Ohá ání obu asu onúu.”

Siadie Méntíhé Iwí Yébi

⁴⁴ Yesu létra ha amú yébi ku é obéε, “Bulu iwíegyí ámu igyi fé siadie kuá bopulá osulúu kusu. Oyin oku léyémentí mú, lanjáin mú. Mú iwí ansigyí su á, oleyéfe mu ató féé póbóhó osulúu amu.”

Abutó Wólíhe Iwí Yébi

⁴⁵ Bulu iwíegyí ámu itráa gyí fé ibiá ogyípú okvá ona ode abutó wólíhe dunká oho. ⁴⁶ Bréá olowun butóbi wólíhe kule péá ihíe bu ibiá á, oleyéfe mu ató féé pýyóhó butóbi amu.

Asawu Iwí Yébi

⁴⁷ Bulu iwíegyí ámu léla igyi fé asawu ání bōtswi wa oɔputó lé aye otsan-otsan. ⁴⁸ Bréá aye lōbulá mú á, aye alepú ámu bebítia mú ba oɔpu onó. Betsiá asi, tósí gyíhe amu wá blanwétó, tswi múa butamagyi tsítsá. ⁴⁹ Alí ibéba oyi onómoké ámu ni. Bulu-aboɔpu béba bōtōsí aha laláhe lé aha wankláántó. ⁵⁰ Fówun batswi aha laláhe amu wá ogyá kpónkpontitó. Inú isú múa kpisíi bu ni.

Atonyahé Pɔɔwe Múá Dáda

⁵¹ Yesu léfité mu akasípú obéε, “Mlulanú mú féé asi?”

Βεε, “Ee, anılanú mú asú.”

⁵² Μύú ελεβλάα αμύ εβέε, “Μύμύ mbla osunápú oduá alakási Bulu iwíegyí ámu iwí asún é bí á, ogyi fé wóyí mu wie oduá ετελέ ατσ πσρπε μύα dáda féé tsú mu ατσ εγαίkpά.”

*Βυμσhσ Yesu Mu Wúluto
(Marko 6:1-6; Luka 4:16-30)*

⁵³ Yesu lénya mó mu ayébi amu ενό αλ, ελενατί ινυ.
⁵⁴ Oleyinkí yó mu onutó wúluto Nasaret, oloyósuná ατσ Yudafσ ofiakpa. Mu atosunáhé leha ενό lobwie ahá ámu féé. Μύ su befuté aba βεε, “Nkúnú olenya nyánsa μύα ofúlabwe túmi ánfí é tsú? ⁵⁵ Megyí ατσ osrépú mu bi ámu ni? Megyí mu yin gyí Maria, mu apio yinhé gyí Yakobo mua Yosef pú Simon mua Yuda? ⁵⁶ Yéε ania mu apio tshé tsie nfi á? Μύú nkúnυ olenya íni féé tsú?” ⁵⁷ Íni su mu asún lókusú líí amúsú.

Yesu lébláa αμύ εβέε, “Ahá butobú Bulu εnésú εταίpú ετίneyíεtíné, táme mu onutó wúlutofσ pú mu wóyító ahá mú butamabú mu.” ⁵⁸ Ínía bymσhσ mu gyi su á, ofúla kpalóbí kv pé εlobwe ινυ.

14

*Asú εbσpú Yohane Lowu
(Marko 6:14-29; Luka 9:7-9)*

¹ Galilea εmasú ogyípú Herode lónu Yesu iwí asún αλ bré ámutσ. ² Μύú ελεβλάα mu asúmpú εβέε, “Asú εbσpú Yohane amu ni. Mvλάkúsú tsú afúlito. Μύ sú εδε ofúla anfi odu bwe ní.”

³⁻⁴ Bré kvto á, Yohane létsiá bláa Owíε Herode εβέε, mbla meha εkpa ání otsiá mu pio Filipo mu ka Herodia. Íni su Herode léha bekitá Yohane, wá mu íkan, pú mu wá obu. ⁵ εlobwe agywun ání εbómσ Yohane, táme olenya ahá ámu ifú, tsúféε butobú Yohane ání Bulu εnésú εταίpú ogyi.

⁶ Táme eke akvá Owíe Herode dé mu akwíké gyí a, mu ka Herodia mu bi tsíhé lóbowie abuntò tsa Herode mua mu ahande ansítò. Mu itsáa amu lówa owíe amu ansigyí. ⁷ Mú su òleka ntam abéé, abéha mu tógyítóá odeklé.

⁸ Otsibi amu mu yin léha mu òlebláa Herode abéé, “Ndekléá fupú Asú Òbòpú Yohane nwun dinka ilínsú ha mi sésééséi.”

⁹ Asún ánfí léhie han Herode, támé mu ntam amúú òleka, pú ahá ámbú bubu unu ámu su á, òleha mu ahá òtínpu òkpa abéé, abwée tóá otsibi amu lafíté ha mu. ¹⁰ Ahá òtínpu amu léyetin Yohane nwun obu òdikpá unu. ¹¹ Múú òlòpu nwun ámu dínká ilínsú ba otsibi amu, mu é òlòpuya mu yin Herodia. ¹² Asú Òbòpú Yohane akasípú beba botsu mu satin yópulá. Mú òma a, bọyo yébláa Yesu asún ání ulaba.

Ahá Mpím-nu Atogyihe Ha

(Marko 6:30-44; Luka 9:10-17; Yohane 6:1-14)

¹³ Yesu lénya nú asún ámu alí, olowie òkluntò, fá ntsu yétsiá òtineku mu nkule. Táme òdòm ámu bebi òtínéá ọyó. Mú su benatí ayabitò tsú amú awúlusu gya mu nkpá. ¹⁴ Bréá òlekplí dalí òklun amutò, wun òdòm kpònkpònkpònti á, amú asún lówa mu nwe. Mú su òletsa amútó alòpu.

¹⁵ Owí lòpòn a, akasípú amu beba mu wá bebláa mu beé, “Dimbísú nfi gyí, owí é deta. Mú su ha amú abuyo awúluá ibo bomlí nfi asi yòhò tòku gyi.”

¹⁶ Táme Yesu léle mú ònó abéé, “Imehián ání bọyo. Mlídunka tòku ha amú abugyi.”

¹⁷ Mu akasípú amu bebláa mu beé, “Tóá anibu fée gyí bodobodo apin anu pú ntsutso iye bwáhé anyò pé.”

¹⁸ Yesu lébláa amú abéé, “Mlitsu ba mi.” ¹⁹ Múú òleha ahá ámu betsiatsiá ifa bòbwe amusu. Inu olotsu bodobodo anu pú ntsutso iye bwáhé anyò ámu. Inu olotsu ansí fúá kí ọsúsú, òleđa Bulu ipán. Múú olebiabía bodobodo amutò há

akasípú amu, amó é beye mú ha ahá ámu fée. ²⁰ Amó fée begyi mwe sian. Akasípú amu botosí síanhē amu. Ilobulá alakpá dúanyo. ²¹ Ayin ání begyi ató ámu nkule bugyi fé mpím-nu (5,000). Bumekla atsi múa nyebí mú.

ጋጥሶ ስታገላ

(Marko 6:45-52; Yohane 6:15-21)

²² Mú Yesu léha akasípú amu obée, bowie oklunto, abugyankpa fa ጋጥ amu yo mú obun. Mu mú olesin oma sí ahá ámu okpa. ²³ Bréá olesi amó okpa tá á, olodu yó busu yóbo mpái. Mu nkule oletsíá unu yófun owi tahé. ²⁴ Alí bré ámutó á, oklun amu lawíé ntsu nsuné. Ilefia afú kponkrontu ku, ጋጥ amu lówa dabi.

²⁵ Bake-bake a, Yesu lénatí ntsu ámusu ayabito buo amó. ²⁶ Bréá bowun mu, ona ጋጥ amusu á, benya ifú sórá okitikíti, blí bee, “Fúli ogyi.”

²⁷ Táme olowa osa bláa amó obée, “Mliwa klun. Mí ní. Mlumánya ifú.”

²⁸ Petro lébláa Yesu obée, “Mí Wíé, ní fú ní mú á, ha mí é annati ጋጥ amusu botu fú.”

²⁹ Yesu lébláa mu obée, “Nati ba.” Petro lédali oklun amuto ona ጋጥ amusu oyó Yesu wá. ³⁰ Táme bréá olowun alá afú ámu onó bu onlun á, ifú lowie mu ayeto. Mú su olowa me bi. Mú olakplún kpolí Yesu obée, “Mí Wíé, ho mu!”

³¹ Inunu Yesu létinkí ibi kítá mu, bláa mu obée, “Fú hógyi matsó. Ntogyi sú fúde nwéen gyí?”

³² Benya dú wíé oklun amuto alí, afú ámu léka itin. ³³ Inu ahá ámúbú bubu oklun amuto ámu beda akpawunu Yesu ayabito, blí bee, “Lélé, Bulu mu Bi fúgyi.”

ገናሳሪፍ ለጋጥ ፕሳ

(Marko 6:53-56)

³⁴ Yesu mua amónyo befa ጋጥ amu yési Genesaret osubúno. ³⁵ Bréá unfo bebi ání mu ni á, bowa abí ya amó

awúlu féesú, há amú bəpu aləpu fée ba mu. ³⁶ Bokokóli Yesu be, óhá aləpu amu abupu ibi da mu atadiə ɔdanú kpán. Amóá bəpu ibi da mú fée benya ɔlɔtsá.

15

Attifɔ Amándíé
(*Marko 7:1-13*)

¹ Mú ɔma a, Farisifɔ pú Mose mbla asunápu aku botsu Yerusalem ba Yesu wá, befité mu be, ² “Ntogyi sú fú akasípu amu butamagyi anu anáin amándíésú. Butamafwí ibi amándíé ɔkpasu asa butegyí ató?”

³ Yesu léle mú ɔnó ɔbé, “Ntogyi sú mli é mli anáin amándíé su mlimédé Bulu mbla ámusu gyí? ⁴ Mose lówanlín wá Bulu mbla ámutɔ ɔbé, ‘Bu fú sí mva fú yín,’ ɔletrá wanlín ɔbé, ‘Ní ɔku léblí asukpan tsú mu si ntée mu yin iwí á, bumóo mu?’ ⁵⁻⁶ Táme mli mú mliaa, ɔha ɔbétalí bláa mu si ntée mu yin ɔbé, ‘Tóá teki nópvhá fú á, napúhá Bulu. Imehián ání nétrá ki fu.’ Mli anáin amándíé su mlitráa mlimédé Bulu mblasu gyí. ⁷ Apinabwebí abwepó! ɔnɔkwali Bulu ɔnósú ɔtɔípu Yesaia léblí tsú mli iwí tswi ɔbé,

⁸ ‘Ahá ánfɔ budepu amú ɔnó bú mí,
táme amú klɔn bu ifó mí wá.

⁹ Kpaali bude mí sum,
tsúfé basí Bulu mbla tswi, yó bude anyánkpúsa mbla suná.’ ”

Tóá Itəkpóí ɔha Bulu Ansító
(*Marko 7:14-23*)

¹⁰ Yesu létrá ti ɔɔm amu ba mu iwí wá, ɔlebláa amú ɔbé, “Mliyaa asu, méni mlónu íni asi. ¹¹ Megyí tóá ɔha tegyi tókpóí mu Bulu ansító, mboún múá itedáli tsu mu ɔnó tókpóí mu.”

¹² Inu mu akasípu amu beba mu wá befité mu be, “Foyin ání fó ason blíhé anfi lawɔ Farisifɔ ámu?”

¹³ Yesu léle mú onó obéé, “Bópulí oyígyíoyí ání megyí mí Sí ámúú obu osúsú ámu lóswíe tsítsá. ¹⁴ Mlisi Farisifó ámu asún. Ansibi abwiepú bvgyi, bude ansibi abwiepú kpa. Ní nsibi obwiepú dé nsibi obwiepú kpa á, obótó amú abanyó butekpá wíé.”

¹⁵ Múú Petro lébláa mu obéé, “Le yébi amu asi suna aní.”

¹⁶ Yesu léfité amú obéé, “Mú su mli é mlitamanú asún asi? ¹⁷ Mluméyín ání tóá iwíé oha onó á, mu iputó itowíé, otéyéle mú wá akpunto? ¹⁸ Asúngyíasún ání itedáli tsu oha onó á, mu kluntó itedáli tsu. Mótakpóí mu Bulu ansító ní. ¹⁹ Tsúfě oha kluntó ágywun laláhe tedáli tsu. Mótéhá otomó oha, ototó mbua, otowá atsi múa ayin asún, otowí ató, otowá afunu, otetsii oha. ²⁰ Íni aná tókpóí oha, táme ní oha mófwi ibi amándíé akpasu asa olegyi ató á, itamakpóí mu Bulu ansító.”

Ọtsi Okvá Omegyí Yudayin Hógyi

(Marko 7:24-30)

²¹ Yesu lénatí unu yó Tiro múa Sidon nsáunto. ²² Kanaanyintse okvá otsie unu léba Yesu wá. Ode okitikíti surá, olokokóli Yesu obéé, “Dawid mu na, wun mi nwe! Oje laláhe bu mí bí tsíhétó. Ide mu háan dubi.”

²³ Táme Yesu mékpla mu. Unu mu akasípú amu bobwíí ọpa há mu beé “Ha ọtsi ámu onati, tsúfě obuo aní ode okitikíti surá dubi.”

²⁴ Yesu lébláa ọtsi ámu obéé, “Israel akúfa fwíhé pé wá Bulu lówa mí.”

²⁵ Táme ọtsi ámu léda akpawunu mu ayabito, bláa mu obéé, “Mí Wíé, gyi mi buale.”

²⁶ Yesu lébláa mu obéé, “Ima aleá fósuwí nyebí atogyihe púhá akíai.”

²⁷ Ọtsi ámu léle mú onó obéé, “Owíé, ibu mútó alí, táme akíai é butegyí atogyihe mpupubi ání itekpákpa bun amú wíe ọpúnúasi.”

²⁸ Múy Yesu lébláa mu ðéé, “Ōtsi, fú hógyi lomoni. Ibá mótó ha fu alá fudeklé.” Inunu iwí lówa mu bi ámu ònlun.

Ahá Tsòtsòtsò llo Tsa

²⁹ Tsú unu á, Yesu lótsun Galilea òpu ònó, dó yétsiá okúku kusu. ³⁰ Ahá tsòtsòtsò bəpu abubúpu, ansibi abwiepú, abo, amúmu pú ilo bámbá aləpú bobun Yesu ayabiasi, əletsá amú fée. ³¹ Ahá ámu ònó lobwie amú bréá bowun amúmu budetəi, abubúpu iwí lawá amú ònlun, abo buna, ansibi abwiepú é bude ató wúun, bəkanfú Israel Bulu ámu.

Ahá Mpím-na Atogyihe Ha

(Marko 8:1-10)

³² Yesu létí mu akasípú, bláa amú ðéé, “Ahá ánfí asún de mí nwe wa. Nde eke sáási òpá bubuo mi, butráa buma tətəá bėgyi. Ní nchá amú bəpú akún náti á, ansító bėyebi amú əkpato.”

³³ Mu akasípú amu bəfité mu bəe, “Nkúnú abénya atogyihe há əðəm anfi dimbí ánfísv?”

³⁴ Yesu léfité amú ðéé, “Bodobodo afíní mlibu?”

Bəle mú ònó bəe, “Asienó pú aye pútúpútú kpalóbí ku.”

³⁵ Yesu léha əðəm amu bətsiá asi. ³⁶ Múy olotsu bodobodo asienó pú aye amu, dá Bulu ipán, olebiabía mótó há akasípú amu, bəye ha amú. ³⁷ Amú fée begyi mwe. Bətəsí síanhə amu búlá alakpá yílé asienó. ³⁸ Ayin áni begyi ató ámu nkule bgyi mpím-na (4,000). Bumekla atsi múa nyebí.

³⁹ Inu Yesu lési ahá ámu əkpa, olowie əkluntə fá òpu yó Magadanfə əsulúsv.

16

Farisifə Bodunká Ofúla

(Marko 8:11-13; Luka 12:54-56)

¹ Eke əku Farisifə pú Sadukifə aku bəba Yesu əsókíkpa. Mú sv bəbláa mu bəe, əbwée osúna pvsuna amú áni lélé

otsú Bulu wá. ² Yesu lébláa amú ɔbéε, “Ní owí ipɔn, nsaintɔ ipé á, mlteblí mlíaa, ‘Ɖke nsaintɔ bédu.’ ³ Ní nyankpu obílá tuun nyanku a, mlteblí mlíaa, ‘Nde nyankpu obótswie tsun afú.’ Mlitetálí kɪ nsaintɔ, bí tóá íbéba. Ntogyi só mlimétálí nú tóá mlidéwúun séi ánfɪ mú asi.* ⁴ Mli ndemba-abí laláhe ání mliladáli Bulu ɔma, mlidé osúna dunká amliwun, táme mlimóowun kukukuku dun Bulu ɔnósú ɔtɔípú Yona osúna amu odu.”

Íni su ɔlenatí sí amú.

Farisifo Pú Sadukifo Bodobodotu-afá
(Marko 8:14-21)

⁵ Yesu akasípú amu bumekáin tsú bodobodo kítá asa befa ɔpu amu yó ɔbin. ⁶ Yesu léda amú ɔlá ɔbéε, “Mlíki wankláán Farisifo pú Sadukifo Bodobodotu-afású.”

⁷ Akasípú amu befité aba beε, “Bodobodo amú anuméde ámu só ɔde asún ánfɪ blí lóó?”

⁸ Yesu lónu asún ání budeblí. Múú ɔlebláa amú ɔbéε, “Óo, mli hógyi mótso. Ntogyi só mlidéblí mlíaa bodobodo ámú mliméde ámu su? ⁹ Imókúwánkí mli kɪ? Mlilatan bodobodo apin anu ámú neha ahá mpím-nu (5,000) begyi amusu? Alakpá afinu lésían mlilótási? ¹⁰ Ntée mlilatan bodobodo apin asienó ámú neha ahá mpím-na (4,000) begyi amusu? Alakpá afinu lésían mlilótási?” ¹¹ Ntogyi só imókúwánkí mli ání megyí bodobodo iwɪ asún ndeblí? Bláa nde mli bláa mbéeε, “Mlíki wankláán Farisifo pú Sadukifo Bodobodotu-afású.”

¹² Inu asa ilowankí amú ání megyí Bodobodotu-afású ɔde, mboún amú atosunáhé.

Ɖhá Ání Yesu Gyí
(Marko 8:27-30; Luka 9:18-21)

* 16:3 Mútó yée 2 múa 3 uma nwulú dada amu akuto.

¹³ Bréá Yesu lówie Kaesarea Filipi nsáuntò á, òlefíté mu akasípú òbée, “Ma ahá bee mí, Nyankpusa-Mu-Bi ánfí ngýi?”

¹⁴ Bele mú ònó bee, “Aku bee, fúgyí Asú Òbapú Yohane. Aku bee, Bulu Ònósú Òtáípú Elia. Aku é bee, Yeremia ntéee Bulu ònósú òtáípú bambá òku.”

¹⁵ Múú òlefíté amó òbée, “Mli é mé? Mlia mígyí ma?”

¹⁶ Simon Petro léle mú ònó òbée, “Fúgyí Kristo, (òhá ámúú Bulu ladá mu ofúli amu) ni. Bulu Òkiankparu amu mu Bi.”

¹⁷ Inu Yesu lébláa mu òbée, “Bulu layúlá fú Simon, Yona mu bi, tsúfí megýí nyankpusa òkuku léle ònòkwali anfi òwan súná fú. Mí Sí ámúú òbu òsúsú ámu ni. ¹⁸ Inu su mí é nde fú bláa mbée, fú dá gyí Petro. Mú asi gyí, ‘Butá.’ Butá ánfisu néyi mí òpasua dínká ní. Lowu túmi méetalí gyí músú ekekeeke. ¹⁹ Nópú Bulu iwíegýí ámu asáafi wá fú ibitò. Asúngyiasún ání fékiná òsulòb anfisú á, Bulu é obékiná mú òsúsú. Múá fótsulá á, Bulu é obótsulá músú òsúsú.”

²⁰ Inu òleda amó òlá kpákpáákpa òbée, bumábláa òhaa ání mugýí Kristo amu.

*Yesu Iwíwusun Pú Mu Lowu Iwi Asún Blí
(Marko 8:31-9:1; Luka 9:22-27)*

²¹ Tsú bré ámusu á, Yesu léfi asi òde asúntò le súná amó òbée, “Ilehián ání móyò Yerusalem yówun iwíwusun tsòtsòtsò Yudafo ahande, Bulu igýí ahapú òehen pú Mose mbala asunápú ibitò. Bómò mu, táme Bulu òbélakúsúa mu eke sáásí tsú afúlitò.”

²² Mú su Petro létu mu ya itsétò, yéka mu itin òbée, “Mí Wíé, Bulu ogyáa mú téi ya fú iwi. Inu mába fusu ekekeeke.”

²³ Inu òledamlí bláa Petro òbée, “Satan, natu tei mísó! Fude mí òkpa tíin. Megýí tóá Bulu dégywíin fudegywíin, anyánkpúsa klé fudegywíin.”

²⁴ Múú òlèbláa mv akasípú amv òbée, “Ní òkv dékléá obóbuo mī á, osíí tóá otekle bwe, otsu mv oyikpalíhe bobuo mī. ²⁵ Tsúfè ní òkv lépri mv nkpa á, íbòhvlí mv. Táme ní òkv lési mv nkpa há mī sv á, òbélanyá nkpa ání itamatá. ²⁶ Ní òkv onyá òyító ató fée, táme òhólí mv òkláa a, labi mòmuv ilòwa há mv? Ntéé ntò òha òbétalí pútse mv nkpa? ²⁷ Tsúfè mí, Nyankpusa-Mv-Bi ánfí néba mí Sí numnyamtò, mía mv abòpv. Inó néka òhagyíòha íkò alá mv tsiátó gyi ní. ²⁸ Ònòkwali nde mli bláa. Akv bobv mlitò nfi ání bumóowu, yófun bréá bawun ání mí, Nyankpusa-Mv-Bi ánfí néba mí iwíe ogyíkpa.”

17

Yesu lwitsée

(Marko 9:2-13; Luka 9:28-36)

¹ Nkensié òma a, Yesu lékpa Petro mva Yakobo pú mv pio Yohane, bòdv yó íbv kusv. ² Amú ansító inu á, Yesu íwí letse. Mv ansító lówankí fè owí, mv atadié é ledamlí fútútúútú. ³ Inuvu mv akasípú abasá ámv bowun ání Mose mva Elia bele íwí òwan, amúa Yesu budetóí. ⁴ Múú Petro lébláa Yesu òbée, “Mí Wíé, íbv aláá abétsiá nfi. Ní fótísulá á, ha ada abú asa. Fú klé kvle, Mose klé kvle, Elia é klé kvle.”

⁵ Bréá òde asún ánfí blí á, agyinde wánkíhé kv lobobun amósú. Inu òme kv ledalí tsu agyinde ámutò òbée, “Ómí gyí mí Bí òdwepúbá olegyi mī ansí ní. Mlinu mv òme.”

⁶ Ifú lehie kítá amú bréá bonu asún ánfí. Mú sv bòwa òsa mlí bun òsulótó. ⁷ Múú Yesu léba bòpv íbì dada amú, bláa amú òbée, “Mlìkusv, mlímánýa ifú.” ⁸ Inu bòwa ansí kv a, bumetrá wun òhaa òvn Yesu nkule.

⁹ Bréá bude íbv ámv kplí á, Yesu léda amú òlá òbée, bumábláa òhaa tóá bayówun, yófun ekeá Bulu òbókúsúa Nyankpusa-Mv-Bi ámv tsú afúlitò.

¹⁰ Mu akasípú amu befité mu beε, “Ntogyi sù Mose mbla asunápú amu beε, ilehián ání Elia obéyinkí bá asa Kristo amu òbéba?”

¹¹ Òlèlè mù ònó òbéε, “Ònòkwali igyi. Elia obégyankpá bá bela tógyító yáí wankláán. ¹² Nde mli bláa mbéε, Elia layínkí bá dodoodo, táme òhaa mébi mu. Bowa mu amumyò. Ali kén mí, Nyankpusa-Mu-Bi ánfí é nówun iwásin amú ibító ní.”

¹³ Inu á, ulòwankí akasípú amu ání Asú Òbòpú Yohane iwi asón òdeblí.

Ilò Dídahe Òlòpú Tsa

(Marko 9:14-29; Luka 9:37-43a)

¹⁴ Bréá beyinkí kplí bowie òdòm amu wá á, oyin òku léba beda akpawunu Yesu ayabító, bláa mu òbéε, ¹⁵ “Mí Wíé, wun mí bí ánfí nwe, tsúfé ulò dídahe de mu háan. Otetsiá dida wíé ntsu múa ogyátó. ¹⁶ Nòpυ mu ba fú akasípú amu, táme bumetalí tsá mu ulò.”

¹⁷ Yesu léle mù ònó òbéε, “Ndemba-abíá mlumá hógyi, mli tsiátó ma ale. Alí nétsiá mli wá yó ekekegyíεke ní? Nnyá klun ha mli yófun òmenke? Mlikpa kebi ámu ba mi!”

¹⁸ Inu òlòkplón gya òje laláhe amu. Uledali kebi ámutò, iwi lówa mu ònlun.

¹⁹ Mú òma a, akasípú amu befité Yesu itsétó beε, “Ntogyi sù aní mù anumétalí gya òje laláhe amu dálí kebi ámutò?”

²⁰⁻²¹ Múú òlebláa amú òbéε, “Mli hógyi mòtsó kúráá. Mbláa mli ònòkwali. Ní mli hógyi lomóní fé takyí-akpin ibí á, teki mlétalí bláa ibu ánfí mliaa ipúli. Lélé ibópulí, tòtòtò móòdun mli bwe.”*

Yesu Lowu Iwi Asón Blí Otse Nyòosi

(Marko 9:30-32; Luka 9:43b-45)

* ^{17:20-21} Múttó yéε 21 bu nwulò dada amu akutò: Táme ínì odu mú á, nkéti mpái múa ònóklí pé mlétalí púgya mú.

22-23 Bréá akasípú amu fée beba befia Galilea omátó á, Yesu lébláa amú obée, “Béle mí, Nyankpusa-Mu-Bi ánfí há adún bómó mí, táme Bulu obókusúa mi eke sáási.”

Asón ánfí lehie han akasípú amu.

Bulu ɔtswékpa Ofí Ikòka

24 Yesu mva mu akasípú beba Kapernaum wúluto. Inu Bulu ɔtswékpa ofíko ahópu aku beba befité Petro be, “Fú wíe teká Bulu ɔtswékpa ofí ikò?”

25 Petro lébláa amú obée, “ɔteká.”

Bréá Petro lóyo wóyító a, Yesu légyankpá fíté mu obée, “Simon, nkáli gyí fú agywun? Amendi téká dúte múa lampóo há awíe? Afóó ntée wúlu awíe?”

26 Petro lébláa mu obée, “Afóó teká.”

Múy Yesu lébláa mu obée, “Yée múmú wúlu awíe bagyi iwi ní? 27 Táme mmedéklé mbée, abókusú líí amúsú sv á, tsu ɔdaduwa afuyo ɔpu ɔnó yɔtswi. Kí klemetí gyankpapu ání fíle ɔnótó. Fénya kóba ání íbófɔn aní abanyó ofíko ámu ka. Le mú, afuyeka ha amú.”

18

Ma ɔbóbwe ɔhande?

(Marko 9:33-37; Luka 9:46-48)

1 Beba Kapernaum wúluto, akasípú amu beba Yesu wá befité mu be, “Ma gyí ɔhande Bulu iwíegyí ámutó?”

2 Yesu létí kebi ɔku belí amú ansító, 3 ɔleblí obée, “ɔnokwali nde mli bláa. Ní mliumétse, bwe iwi fé nyebí á, mliumóowie Bulu iwíegyí ámutó. 4 ɔhagyíɔha ání ɔleba iwiasí fé kebi ánfí á, mugyí ɔhande Bulu iwíegyí ámutó ní.

5 ɔhagyíɔha ání ɔloho kebiá ogyi alí mí dátó laho mi.

ɔha Kpa Wá Lakpantó

(Marko 9:42-48; Luka 17:1-2)

6 “Ní ɔku léha ahá ánfí bumókúdan mísú hógyito ánfíto ɔku lóbwe lakpan á, ní beda nfúókwebu síán mu ɔmeto,

tswi mu wá ɔpu okluklúkprá, mó mu pó á, ibu alé dun.
⁷ Ɔyító atsiápú bogyówi ní. Tsúfě itóá itehá ɔha tɔbwé lakpan bu inu. Ibéba alí, táme ɔhá ání ina musu mu ba lóbwé lakpan ɔgyówi ní.

⁸ “Mó su ní fú ibi ntée fú yabi téhá futɛdida hógyito á, ka mó ɛ, afutswi mó tsalífwí. Ibu aléá fópu ibi kule ntée yabi kule nyá nkpa ání itamatá, dun ání fópu ibi anyɔ ntée ayabi anyɔ wíé ogyá ání itamaduntɔ. ⁹ Ní fú nsibi téhá fútɔbwé lakpan á, loti mó ɛ, afutswi mó tsalífwí. Ibu aléá fópu nsibi kule nyá nkpa ání itamatá, dun ání fópu ansibi anyɔ wíé isubítí ogyá ání itamaduntɔ.

Kufa Fwihé

(Luka 15:3-7)

¹⁰⁻¹¹ “Mlíki wankláán ání mluméeki nyebí pútúpútú ánfító ɔkuku ansító kótíkótí. Nde mli bláa mbéé, bubu Bulu-abɔpu ání butɔkósi pú amó asún ya mí Sí ɔsúsú. *

¹² “Mliɔ asún ánfító amlíki. Ní ɔku bu akúfa lafakule (100), amútó ɔkule ɔfwí á, ntɔ ɔhá ámu tɔbwé? Megyí si otesí adukwebá-kwebá (99) atráhe amu líi okúku amusu, yóduka ɔkule pé ámúbú alafwí ámu? ¹³ Ɖnɔkwali nde mli bláa. Ní owun mu a, mu ansí bégyi mu iwí dun adukwebá-kwebá atráhe amúbú bumɔfwí ámu. ¹⁴ Alí kén mli Sí ámúbú ɔbu ɔsúsú ámu médékle ɔbéé, nyebí pútúpútú ánfító ɔkuku é ɔfwí ní.

Ní Fú Bá Ɖpú Ulá Gyi Fu

¹⁵ “Ní fú bá ohógyipu ɔpú ulá gyi fu á, yɔ mu wá, mli abanyó pé amlibli mó. Ní olonu iwiasí á, falányá opió. ¹⁶ Táme ní omonu iwiasí á, kpa ɔbakúle ntée abanyó manta iwisu amliyɔ mu wá, méní bégyi asúngyíasún ání mléblí

* ^{18:10-11} Mútó yée 11 bu nwló dada amu akuto: Tsúfě mí, Nyankpusa-Mu-Bi ání neba ání nóhɔ ahá ámúbú bafwí ámu nkpa.

lwi adánsiε fé alhá Bulu asún lεblí. ¹⁷ Ní omonu amú asún é á, pu asún ámu ya mli εpasuafɔ. Táme ní omonu amú asún é á, múmú bu mu εmátóyín ntée lampóo εhópu.

Asúnkiná Pó Músú Tsulá

¹⁸ “Ɔnɔkwali nde mli bláa. Asúngyíasún ání mlékiná εsulúv anfisv á, Bulu obékiná mú εsúsú. Múá mlótsulá á, Bulu obótsulá músú εsúsú.

¹⁹ “Ntráa ndeblí mbée, ní mli abanyó mlεbwé agywun kvle εsulúv anfisv kúlí tɔkv á, mí Sí ámúv εbv εsúsú ámu εbóbwe mú há mli. ²⁰ Tsúfé εtínegyiótíné ání ahá abanyó-abasá befia mí dátó á, mbu amú wá.”

Osúmpú Owuntɔlɔpu lwi Yébi

²¹ Mú Petro léba befité Yesu εbée, “Mí Wíé, tsefini nsikie mí bá ní εpú ilá gyi mi? Tse sienó lóó?”

²² Yesu lébláa mu εbée, “Ó-o, megyí tse sienó fésikíé mu, tsé aduesienó (70) aku asienó. ²³ Inu sv Bulu iwíegyí ámu igyi fé asún ánfí. Owíε εkv lóbwe agywun ání mua mu asúmpú bóbu akúnta. ²⁴ Bréá olefi mú así á, mu asúmpú bekpa amótó εkvá εde mu ikɔ mpím-mpímtó ba mu. ²⁵ Táme osúmpú amu má tɔtɔá εbópuká ikɔ ámu sv á, owíε amu léha εbée bvfee mua mu ka, mu abí pú mu ató fée pókítá ikɔ ámvɔ. ²⁶ Inu á, osúmpú amu lókvsú dá akpawunu owíε amu ayabito, bwíí ipa há mu εbée, ‘Mí Wíé, nya klvn ha mi. lbwé néka fú ikɔ ámu fée.’ ²⁷ Mu asún lɔwa mu wie amu nwe. Mú sv olesi ikɔ ámu fée kíé mu, há mu εlenatí.

²⁸ “Táme bréá osúmpú amu lédalí unv á, εlɔyótv mu osúmba εkvá εde mu ikɔ kpalóbí kv. εlekítá mu ba ámu εmeto kínkíínkín, bláa mu εbée, ‘Pu mí kóba ha mi!’ ²⁹ Mu osúmba amu é léda akpawunu bwíí ipa há mu, bláa mu εbée, ‘Nya klvn ha mi. lbwé néka fú kɔ.’ ³⁰ Táme osúmpú anfi mú mótsulá. εleha ání bvúpú mu yɔwa obu yófvn ekeá εbéka mu ikɔ ámu. ³¹ Mu asúmba bowun tóá alapógyi mu

ba ámu a, ilowie amú iwitə. Mú su bəyə yébláa amú wíe asún amú féé. ³² Mú amú wíe amu léha beti osúmpú amu ba, əlebláa mu əbéé, ‘Osúmpú owuntəlɪpu, fú ipabwíi su nesi ɪkə tsətsəətsə amú fúde mí ámu féé kíe fú. ³³ Ima aleá fú mú fówun fú bá ámu nwe fé alíá nowun fu nwe?’ ³⁴ Əblə ləkítá owíe amu. Mú su əleha əbéé, buwáa mu obu, aburiti mu atə yófɪn ekeá əbéka ɪkə ámu féé.

³⁵ “Alí mí Sí amú əbu əsúsu ámu əbóbwe mlitə oku-gyíəkwá omesi mu ba lakpan kíe mu tsú mu kluntə ní.”

19

Əkákíná lwi Atosunáhé (Marko 10:1-12)

¹ Bréá Yesu lətəi tá á, əlenatí Galilea əmátə yó Yudea əmátə Yordan ntsu ámu əbu. ² Ədəm kɾənkɾənkɾənti bobuo mu, əletsə amú ɪlə unu.

³ Farisifə aku beba mu wá bəsa mu kɪ, fíté mu beə, “Ani Mbla léha əkpa aní oyin əbətálí kíná mu ka əkpagyíəkpasv?”

⁴ Yesu lébláa amú əbéé, “Mlímókúkla Bulu asún ámu kɪ aní bré amú Bulu léfi əyí así á, ətsi múa oyin ələbwe?”

⁵ Bulu léblí əbéé, ‘Íni su oyin obótu sí mu sɪ mva mu yin yémantá mu kasu, amú abanyó bóbwe əyɪlúv kule ni.’ ⁶ Mú su nde mli bláa mbéé, butráa bumegyí abanyó, táme babwé əbakóle. Há aní Bulu labwé amú ɪkule a, əhaa mámaín amú abasu.”

⁷ Farisifə ámu befíté mu beə, “Ntogyi sú Mose lówa mbla əbéé, oyin əbətálí wánlín əkákíná əwulú púkíná mu ka?”

⁸ Yesu lébláa amú əbéé, “Mli kluntə odwin sú Mose léha mli əkpa əbéé, mlíkína mli aká, tɛkɪ megyí alɪ Bulu lóbwe mú bréá olefi əyí ámu así ní. ⁹ Táme nde mli bláa mbéé, ní oyin okíná mu ka láyétsiá ətsi bámbá á, alatə mbua. Əkpa oduásúá oyin əbətálí kíná mu ka pé gyí aladáli mu əma.”

¹⁰ Múú mu akasípú amu beblí beε, “Ní alí okúlu mua óká abatsiátó asún igyí ní mú á, múmú uma aléá oyin mua ótsi bétsiá aba pó.”

¹¹ Yesu lébláa amú óbéε, “Megyí ahá féeé óbétalí ho atosunáhé anfi. Nkétu ahá ání Bulu lópvhá amú pé. ¹² Tsúfé ina ókpa tsótsótsósv ayin aku butamatsiá aká. Ayin ámu aku á, alí ókwí amú ní. Aku é anyánkpósa láflo amú. Aku é basin kpanku Bulu iwíegyí ámu sv. Óhá ání óbétalí á, óhó mí atosunáhé anfi.”

Nyebí Yulá

(Marko 10:13-16; Luka 18:15-17)

¹³ Aha aku ókpa nyebí ba Yesu beε, ópúu ibi dinka amúsú, ókuli Bulu oyúla ha amú. Táme akasípú amu óbwa iyin wá amú. ¹⁴ Múú Yesu lébláa akasípú amu óbéε, “Mliha nyebí ámu ókpa abuba mí wá. Mlumátin amú ókpa, tsúfé ahá ánfi odu bú Bulu iwíegyí ámu ni.”

¹⁵ Múú ólópú ibi dínínka amúsú, ólenatí inu á.

Atonyahé Iwi Atosunáhé

(Marko 10:17-31; Luka 18:18-30)

¹⁶ Eke óku oyin óku léba Yesu wá befité mu óbéε, “Os-unápú, yilé mómú nóbwe asa nényá nkpa ání itamatá?”

¹⁷ Yesu léfité mu óbéε, “Ntogyi sù fude mí yilé iwi asún fité? Óbakúle pé gyí óha yilé. Mvgyí Bulu. Táme ní fudekléá fonyáa nkpa ání itamatá á, múmú gyi Bulu mbla asún ámu sv.”

¹⁸ Oyin ámu lélafité mu óbéε, “Mótó mómú?”

Yesu lébláa mu óbéε, “Mámó óha, máto mbwa, máwi ató, máka asún dínká fú bású. ¹⁹ Bu fú sí mua fú yín, afvdwe fú bá fé fú iwi.”

²⁰ Óyasubi ámu lébláa Yesu óbéε, “Ntegyi mú féesú. Nto é ntráa bwe?”

²¹ Yesu lébláa mu ɔ́bée, “Ní fudekléá fófún mú á, yefe fú iwísw ató fée, afuye kóba amu ha ahiánfó, méni fénya siadié ɔ́sósú. Fɔ́bwé mú tá á, ba afubobuo mi.”

²² Bréá ɔ́yasubi ámu lónu asún ánfí á, uléhíe han mu, ɔ́lenatí díín, tsúfée ɔ́híe ɔ́bu ató.

²³ Múú Yesu lébláa mu akasípú ɔ́bée, “Ɔ́nɔ́kwali nde mli bláa mbée, íbéhíe wá ɔ́nlun asa iwí onyapú obówie Bulu iwíegyi ámuto. ²⁴ Ntráa nde mli bláa mbée, ulɔ́pɔ́n ha kpósó ání ɔ́bótsun ɔ́bin-ató ɔ́bótó, dun ání iwí onyapú obówie Bulu iwíegyi ámuto.”

²⁵ Akasípú amu bonu asún ánfí á, ɔ́nó lobwie amú. Íni su befíté bée, “Múmú ma mee Bulu ɔ́bóhɔ́ nkpa?”

²⁶ Iwu Yesu lélí ki amú alu. Múú ɔ́lebláa amú ɔ́bée, “Anyánkpsatò mú á, ɔ́haa méetalí bwé íni, táme Bulu mú tetálí bwé tógyító.”

²⁷ Múú Petro léfité mu ɔ́bée, “Íniá anulasí tógyító tswi bobuo fu á, ntó abénya tsú fú búoto?”

²⁸ Yesu lébláa amú ɔ́bée, “Ɔ́nɔ́kwali nde mli bláa. Bréá Bulu ɔ́bwé ɔ́yi pɔ́pwe amu, mí, Nyankpɔ́sa-Mu-Bi ánfí netsiá mí numnyam owíe obíá ámusu á, mli ahá ánfí mlíbuo mi ánfí é mlétsiá awíe mbíá dúanyɔ́su, gyi Israel abusuan dúanyɔ́ ámu asún. ²⁹ Ɔ́hagyíɔ́ha ání alanátí sí mu wóyí, mu apíó, mu si mua mu yin, mu abí ntée ɔ́sulúu mí su á, Bulu ɔ́béla há mu mú tsé dú tsé lafa, trá lahá mu nkpa ání itamatá. ³⁰ Táme agyankpapu aku béba bemlí amapu, amapu amu aku é bébemlí agyankpapu.”

20

Ndɔ́to Agyómá Ayɔ́pú Iwí Yébi

¹ Yesu létrá bláa amú ɔ́bée, “Mú su Bulu iwíegyi ámu igyi fée asún ánfí. Ɔ́ɔ́tɔ́pɔ́ ɔ́ku létsiá. Eke ɔ́ku ɔ́lɔ́ksú nyanki-nyanki ɔ́yó ipa agyípú odunkákpá, abuyɔ́yɔ́ agyómá mu ndɔ́to. ² Mua amúnycɔ́ begyi bíá ání ɔ́béka amú alíá butɔ́hɔ́

ekewóle, ɔlɔpu amú sísí agyómá ámu ɔyɔkpá. ³ Dokwebátó a, ɔledali yɔ dinsu, oloyówun aku é bulí, bumedé tɔtɔ bwe. ⁴ Olotsu amú é ɔbéé buyóyɔ agyómá mu ndɔtɔ ha mu. Ibwé ɔbéka amú tɔ́á ibu alé. Mú su bɔyɔ. ⁵ Dódúanyɔ pú ɔsato é á, ɔletrá pu aku sísí ndɔ́ ámɔtɔ. ⁶ Ntúpwe donutɔ, bréá ɔledali a, ɔletrá wun akvá bulí kpaali. Múú ɔlefíté amú ɔbéé, ‘Ntogyi sú nde fée mlilí nfi, mlumédé tɔtɔ bwe?’ ⁷ Bebláa mu beé, ‘ɔhaa mókúbó aní ipa.’ Múú ɔlebláa amú ɔbéé, ‘Mómú mli é mlibɔtsun yɔyɔ agyómá mí ndɔtɔ.’

⁸ “Bréá owí lɔpɔn a, ɔɔɔɔpu amu létu mu agyómású ɔkípu bláa mu ɔbéé, ɔtí ipa agyípu ámu fée, ɔkáa amú akɔ. ɔkáa amú tsu amapu amusu alu bɔtu agyankpapu amu. ⁹ Bréá ipa agyípu amu beba a, agyómású ɔkípu amu léka ahá ámúbú bɔyɔ donutɔ ámu alíá butɔhɔ ekewóle. ¹⁰ Bréá ulɔtu agyankpapu amu a, buki beé bénya dun alí, táme alí kén ɔleka amú é ní. ¹¹ Mú su ɔleka amú akɔ tá á, agyankpapu amu bɔwa tɔtɔi ɔɔɔɔpu amusu bi. ¹² Beblí beé, ‘Amapu anfi mú á, ɔɔnhwírí kule pé bɔyɔ agyómá. Aní mú anilalí owí kpankpli ánfisu yó agyómá, táme faká ania amúnyɔ fée akɔ kule.’

¹³ “ɔɔɔɔpu amu lébláa amótó ɔkule ɔbéé, ‘Agya, yée mmɔkútafá fu o! Megyí itó ámúbú mía funyɔ aniléblí ámu napóhá fú á? ¹⁴ Pu fú ató nati. Mídéklé mbée, néha amapu amu alíá naká fú. ¹⁵ Mma ɔkpa ání nópu mí kóba bwé tɔ́á ndeklé? Ntée mí awitɔlewa dé fú iwitɔ wie?’

¹⁶ “Alí amapu bóbwe agyankpapu, agyankpapu é bóbwe amapu ni.”

*Yesu Lowu Iwí Asún Blí Otse Saasi
(Marko 10:32-34; Luka 18:31-34)*

¹⁷ Bréá Yesu ɔyó Yerusalem a, ɔlekpa akasípu dúanyɔ ámu ya itsétó bláa amú ɔbéé, ¹⁸ “Mlunu! Ayó Yerusalem. Iwu á, béle mí, Nyankpusa-Mu-Bi ánfí há Bulu igyí ahapú dehen pú Mose mbla asunápú. Béha mí lowu ipón. ¹⁹ Bópu

mí wá ahá ání bumeгыí Yudafo ibito bóbwe mí ahinlá, bónwen mí mpli, dá mí mántá oyikpalíhesu. Táme Bulu obélakúsúa mi eke sáásí tsú afúlitó.”

Abí Oyín Oku Ato Kulíhé

(Marko 10:35-45)

²⁰ Múú Sebedeo mu ka lékpa mu abi anyo beba, oleda akpawunu Yesu ayabito, kólí mu obée, obwée tóku ha mu.

²¹ Yesu léfité mu obée, “Nto fudeklé?”

Otsi ámu lébláa mu obée, “Ha mí abi anyo ánfito okule otsia fú gyorísu, okule é otsia fú binasu bréá fúde iwíe gyí.”

²² Yesu lébláa amú obée, “Mluméyín tóá mlidékulí.” Olfíté Yohane mua Yakobo obée, “Mlétalí wun iwɔsun ámú nebá bowun amú?”

Bebláa mu be, “Ee, abétalí.”

²³ Múú oledáa amú obée, “Mlówun iwɔsun ámu mú, táme mma túmí ání néle ahá ání bétsiá mí gyorísu ntée mí binasu. Otsiákpá unu ida gyo ahá ámú mí Sí Bulu lalá unu yáí há ámu.”

²⁴ Bréá akasípú dú atráhe amu bonu asún ánfí á, Yakobo mua Yohane iwí lówa amú obló. ²⁵ Múú Yesu létí amú, bláa amú obée, “Mliyín ání omátófɔsu agyípú butehíé amú ahá, amú ahande é butenyá túmí amúsú. ²⁶ Táme mlitó mú á, imába alí. Ohagyíoha ání odekléá obóbwe mlitó ohande a, obwée mu iwí osúmpú ha mu aba atráhe. ²⁷ Ohá ání odekléá obóbwe mlí nkpa ogyápu obwée mlí okpábi. ²⁸ Alí kén mí, Nyankpɔsa-Mu-Bi ánfí é mméba mbée, busúm mí ní. Ahá osúmpká neba, ampu mí nkpa hɔ ahá tsɔtsɔtsɔ nkpa.”

Ansibi Abwiepú Abanyó Ilo Tsa

(Marko 10:46-52; Luka 18:35-43)

²⁹ Bréá Yesu mua mu akasípú budedali Yeriko wúluto bɔyó á, oɔm kpɔnkpɔnkpɔnti bobuo amú. ³⁰ Ansibi abwiepú abanyó aku butsie okpa ámutó, bonu ání Yesu

détsúun. Inu bə̀kplón blí bæe, “Ani Wíe, Dawid mu na, wun anu nwe.”

³¹ Ɖɔ̀ɔm amu bə̀kplón wa amó bæe bukpá ɔ̀nó bun. Táme belakplón dun alí bæe, “Ani Wíe, Dawid mu na, wun anu nwe!”

³² Múú Yesu lési líí, tí amó, ɔ̀lefíté amó ɔ̀bée, “Ntɔ̀ mlidékéle mliaa, mbwéé ha mli?”

³³ Bebláa mu bæe, “Ani Wíe, ha anu awun ató.”

³⁴ Inu amó asún lówa Yesu nwe, ɔ̀lɔ̀pɔ̀ mu ibi dada amó ansíbi. Inuɔ̀ bowun ató, bekplá buo mu.

21

Bə̀hɔ̀ Yesu Fé Owíe Yerusalem

(*Marko 11:1-11; Luka 19:28-40; Yohane 12:12-19*)

¹⁻² Bréá Yesu mva mu akasípú bebéen Yerusalem wúlu, beta Betfage wúlu aní ibu Nfɔ̀-nyíbu* ámu asi wie tá á, ɔ̀lɔ̀wa mu akasípú abanyó gyankpá. Ɖlebláa amó ɔ̀bée, “Mliyɔ̀ wúlu anfi ida mli ansító ánfisu. Ní mlowíe wúlu amu ɔ̀nó á, mlówun afrímú tsíhé ɔ̀kúá ɔ̀da ɔ̀fétó, mu bi líí mu wá. Mlisanki mu, amlíkpa amó ba mi. ³ Ní ɔ̀ku ɔ̀fíté mli asvanku á, mlibla mu mliaa, ‘Ani Wíe dé amó hián.’ Inuɔ̀ ɔ̀béha mlóɔ̀pɔ̀ amó ba mi.”

⁴ Íni léha Bulu asún amúú ɔ̀leblí tson mu ɔ̀nósú ɔ̀tɔ̀írúsu ámu léba mútó. Ɖbée,

⁵ “Mlibla Sionfɔ̀ mliaa,
Mliki, mli Wíe ɔ̀bá mli wá.
Ololwií, ɔ̀dun afrímúsú.
Ɖdun afrímú ibí yínhésú ɔ̀bá.”

⁶ Yesu akasípú abanyó ámu bə̀yó̀bwe alí amúú Yesu lébláa amó ámu. ⁷ Bekpa afrímú mva mu bi ámu ba, beyaí amó atati dínká amúsú, ɔ̀lɔ̀du bian musu. ⁸ Ɖɔ̀ɔm kpɔ̀nkɔ̀pɔ̀nkɔ̀nti beyaí amó atati tswi ɔ̀kpatɔ̀, aku é bebiabía afitáa bunbun ɔ̀kpa ámutɔ̀. ⁹ Ɖɔ̀ɔm amúú bugya

* ^{21:1-2} Nfɔ̀-nyíbu igyi obubwí kúá ibu mantáa Yerusalem, butetí mú Olifbu.

Yesu nkpá m̀́a ̀́ma amu b̀́sura okitikiti be, “Hosiána há Dawid mu na ámu! Bulu oyúla owie anfi obá mu dátó ánfí! Hosiána bu ̀́súsúsú!”

¹⁰ Bréá Yesu lówie Yerusalem a, wúlu amuto f́́é lèda kpokiti, budéfíté be, “Ma gyí ohá ánfí?”

¹¹ ̀́dam amúb bubuo mu amu bebe mú onó be, “̀́ni gyí Yesu, Bulu onósó otáipú amúb otsú Nasaret wúluá ibu Galilea omátó ámu ni.”

Yesu Bulu ̀́swékpá Yó

(Marko 11:15-19; Luka 19:45-48; Yohane 2:13-22)

¹² Mú Yesu lóyo Bulu ̀́swékpá wunsinésú unu, yégya ató afejú pú ató ahópu f́́é dali. Olowuwíta kóba atsépu mpónú dá, súnsunki abróduma afejú é mbíá dá. ¹³ ̀́lebláa amú obé, “Bowanlín wá Bulu asún amuto be, ‘Béti mí ̀́swékpá be, mpái obokpá.’ Táme mlilapú unu mlí awikplu oháinkpá.”

¹⁴ Ansibi abwiejú pú abubúpu aku beba mu wá Bulu ̀́swékpá wunsinésú unu, ̀́letsa amú iló. ¹⁵ Bréá Bulu igyí ahapú dehen pú Mose mbla asunápu amu bowun ofúla ání Yesu débwe, pú alíá nyebí budéklón Bulu ̀́swékpá wunsinésú unu be, “Hosiána há Dawid mu na ámu!” a, obló lekítá amú. ¹⁶ Mú su befité Yesu be, “Fumedenu asún ání nyebí ánfí budéblí?”

Yesu léle mú onó obé, “Ndenú. Mlumókúkla asún ání Bulu asún wanlínhé amu léblí? Obé, ‘Fasúná nyebí pú amúá bumokútín nyópu alíá bukánfu f́́.’ ”

¹⁷ Yesu lédali wúlu amuto sí amó yó Betania. Inú ̀́ledí eke ámu ni.

P̀́nto Oyí Lwí

(Marko 11:12-14, 20-24)

¹⁸ ̀́yi kehe nyanki, bréá Yesu léyinkí obá Yerusalem a, akún de mu. ¹⁹ Mú su bréá olowun p̀́nto kvá ulí mantáa okpa á, ̀́lebaí yó mú así. ̀́lọyo á, omowun abí kuku mútó,

afitáá sóón bu mósú. Inu ɔlebláa pɔntɔ ámu ɔbéé, “Tsú nde fuméetrá swie abí ekekekeke!” Inunu oyí ámu lówu.

²⁰ Mu akasípú amu bowun aliá oyí ámu labwé á, ɔnó lobwie amó. Mú su befité beé “Ntogyi sù oyí ánfí lawú ɔtsáwule pé ali?”

²¹ Yesu lébláa amó ɔbéé, “Ɖnɔkwali nde mli bláa. Ní mlɔhɔ Bulu gyi, mlimégyi nwéén a, mlétalí bwé itó ánfí nabwé oyí ánfí pú múá idɔn mú. Mlétalí bláa ibu ánfí mliaa, ‘Puli yowie ɔputɔ.’ Ibópulí yó. ²² Ní mlɔhɔ Bulu gyi, mlɔkúlí mu tógyító á, mli ibi béda mú.”

*Yesu Túmi Iwi Asun Fitéhé
(Marko 11:27-33; Luka 20:1-8)*

²³ Yesu léyinkí bowie Bulu ɔtswékpa wunsinésú unu. Bréá ɔde ató suná á, Bulu igyi ahapú dehen pú Yudafɔ ahande amu beba mu wá. Befité mu beé, “Ma léha fú ɔkpa, fúde ntobí ánfí bwe? Ma léha fú túmi?”

²⁴ Yesu léle mú ɔnó ɔbéé, “Mí é nfité mli asun kua kule. Ní mlélé mú ɔnó á, nébláa mli túmi oduá ndepɔbwé ntobí ánfí. ²⁵ Bulu wá Asú Ɖɔɔpú Yohane lénya túmi póbá ahá asú, ntéé nyankpusa?”

Amó wulewule ɔyɔ asún ánfito beé, “Ní ablí aniaa itsú Bulu wá á, ɔbéfité aní ɔbéé, mú ntogyi sù anumóhɔ mu gyi? ²⁶ Ntéé ablí aniaa, anyánkpósa wá itsú.” Táme bude tóá ahá tsɔtsɔɔtsɔ ámu bóbwé amó ifú nya. Tsúfé amó fée bohogyi ání Bulu ɔnósú ɔɔípu Yohane gyi. ²⁷ Mú su bele mú ɔnó beé, “Ohwée! Anuméyín ɔtínéá olenya mu túmi tsú.”

Mú Yesu é lébláa amó ɔbéé, “Múmú mí é mméébláa mli túmi oduá ndepɔbwé ntobí ánfí.”

Oyin Ɖku Abi Anyɔ Iwi Yébi

²⁸ “Mliyɔ asún ánfito amlíki. Oyin ɔku muva mu abi anyɔ betsiá. Eke ɔku ɔlɔyɔ yébláa ɔdehen ɔbéé, ‘Mí bí, nde yɔyɔ agyómá mí ndɔtɔ ha mi.’ ²⁹ Ɖlebláa mu si ɔbéé, ‘Mmóyɔ.’”

Mú ɔma a, ɔlɛlatse mu agywun, yó ndɔ ámutɔ. ³⁰ Amú sí lénatí yó ɔkusv amu é wá yébláa mu alí kén. ɔkusv amu lótsulá ɔbéɛ, ‘Mí sí, nóyɔ.’ Táme ɔmɔyɔ.” ³¹ Inu Yesu léfité ahá ámu ɔbéɛ, “Abi anyɔ ámutɔ ɔmɔmu lóbwe dínká mu si asónsú?”

Yudafɔ igyí ahapú dehen pú Yudafɔ ahande amu bebláa mu beɛ, “Ɖdéhɛn amu.”

Mú Yesu lébláa amú ɔbéɛ, “Ɖnɔkwali nde mli bláa. Lampóo ahópu pú obu-ɔnɔ atsiápú bówie Bulu iwíegyi ámutɔ sí mli. ³² Tsúfé Asú Ɖɔɔpú Yohane lóbosuná mli tsiátɔ oduá ida ɔkpa Bulu ansító, táme mlumóhɔ mu gyi. Lampóo ahópu pú obu-ɔnɔ atsiápú bɔhɔ mu gyi. Ɖma mlilówun ání amú kúráá batsɛ a, mlumétse mli agywun hɔ mu gyi.

Apafo Laláhe Aku

(Marko 12:1-12; Luka 20:9-19)

³³ “Mlunu yébi iku é. Ɖɔɔtɔpu ɔku lóɔ wáin ndɔ. Olegyi iban bómlí mú. Olokwi wáin amu onyimékpá. Ɖɔpwe obu fúáhé ku há ndɔ ámu agyópu. Mú ɔɔpu ndɔ ámu wá apafɔ ibitɔ, olotu ɔkpa yó ɔmá ikutɔ. ³⁴ Bréá wáin-abí amu kpɔtíbi lófun a, ɔɔwa mu asúmpú apafɔ ámu wá ɔbéɛ, buyóhɔ mu ogyíkpa ba mu. ³⁵ Táme apafɔ ámu bekitá amú, dá ɔkule, mó ɔkule, dá ɔkule é abwi. ³⁶ Ndɔ mu wie amu létrá wa mu asúmpú bámbá ání butɔɔ dun agyankpapu amu. Apafɔ ámu bɔbwe amú é alí kén. ³⁷ Mú tráhe kúráá á, ɔleblí ɔbéɛ, ‘Oo, bóbu mí bí kwííhé mú.’ Mú sv ɔɔwa mu é. ³⁸ Táme bréá apafɔ ámu bowun mu bi ámu sísí á, bebláa aba beɛ, ‘Ɖni obégyi mu si ató ní. Mliha amɔ mu, méni ndɔ ámu ibémlí aní klé.’ ³⁹ Mú sv bekitá mu, bítía mu dálí ndɔ ámutɔ yómɔ mu.”

⁴⁰ “Ní ndɔ mu wie ɔbá á, ntɔ mlilahogyi mlíaa, ɔbóbwe apafɔ ánfí?”

⁴¹ Yudafo igyi ahapú dehen pú Yudafo ahande amu bele mú ònò bεε, “Òbéha aha laláhe anfi bówu lowu sínsín, òbélapú ndò ámu wá apafò bámbá ibitò. Amúá bétsiá pú mu atò-abí ba mu mú kpòtíbu.”

⁴² Mú Yesu léfité amú òbéε, “Ntée mlumókókla Bulu ason wanlinhé amu kí? Bòwanlin bεε, ‘Ibwi ámúò obu ayípu bekiná ámu

lébemlí okonkísóbwi ní.

Bulu lóbwe mú alí.

Ibu wánwan.’

⁴³ “Mú su nde mli bláa mbée, Bulu òbòhò mu iwíegyí ámu lé mli ibitò púhá òmá ání bòbwe tóá otekle.

⁴⁴ “Ínu su òhá ání òledida ibwi ámu su obébiabía blúblúblúblú. Ní ibwi ámu isúnkí dá òkusv é á, íbókwe mu fíkófikófikó fé nfúó.†” ⁴⁵ Bréá Bulu igyi ahapú dehen pú Farisifo ámu bonu Yesu ayébi anfi á, ilòwankí amú ání amú òde. ⁴⁶ Teki bekleá békitá mu, táme benya ifú, tsúfé òdòm amu butobú Yesu ání Bulu ònósú òtòipú ogyi.

22

Òtsikpaín Iwi Yébi

(Luka 14:15-24)

¹⁻² Yesu létrá bláa Yudafo igyi ahapú pú Yudafo ahande amu asún yébito òbéε, “Bulu iwíegyí ámu igyi fé asún ánti. Owíε òku dé òtsi kpaín há mu bi, ³ òleti ahá òbéε, bubá nke ámu asi. Bréá owíε ámu lóbwe tá á, òlòwa mu asúmpú òbéε, buyéti ahá ámu abuba, táme bekiná bá. ⁴ Mú su òlèlawá mu asúmpú bámbá òbéε, ‘Mlitra yebláa ahá ámu mlíaa, nabwé tógyító tá. Bamó mí nnantswie akpònkpònti ámu pú amúá bawá nfo, níná ató ámu féé tá. Mú su bubá òtsi òkpaínkpá unu.’ ⁵ Táme ahá ámúò beyéti ámu bumekplá amú. Benatí sí amú yó amú agyómású. Aku benatí yó amú ndòtò. Aku é

† 21:44 Mútó yéε 44 ima nwuló dada amu akutò.

benatí yó amú ibiá ogyíkpa. ⁶ Amú atráhe bekitá asúmpú amu, dá amú, mó amú. ⁷ Bréá owíe amu lónu asún ánfí á, ɔbló lehié kítá mu. Mú sv ɔlɔwa mu isá akɔpó, bɔyómo ahá ámúú bɔmɔ mu asúmpú amu, wá amú wúlu ogyá. ⁸ Múú ɔlebláa mu asúmpú bámbá ɔbéé, ‘Baníná ɔtsíkpaín atogyihe amu tá, táme ahá ámúú neti ámu bumɔfun ha mí wóyító ba. ⁹ Mú sv mliwie awúlutɔ, amliti ɔhagyíɔha ání mlówun, ɔba ɔtsi ɔkpaínkpa ínu.’ ¹⁰ Inu asúmpú amu bowie awúlutɔ. Beti ɔhagyíɔha ání bowun, aha wankláán pú aha laláhe féé. Mú sv ahá bɔbulá ɔtsi ɔkpaínkpa ínu dédéédé.

¹¹ “Táme bréá owíe amu lébeki ahá ámúú batí ámu a, olowun oyin ɔkúá ɔmɔwa ɔtsíkpaín nketɔ atadié. ¹² Múú ɔlefíté mu ɔbéé, ‘Agya, nkáli ulɔbwe fumɔwa ɔtsíkpaín nketɔ atadié asa feba nfi?’ Oyín ámu métalí lé mú ɔnó. ¹³ Múú owíe amu lélabláa mu asúmpú ɔbéé, ‘Mlíklí mu ayabi pú mu ibi, amlitswi mu wa oklún amutɔ. Inó isú múa kpsíí bu ní.’ ”

¹⁴ Yesu lómɔ mu asún ɔnó ɔbéé, “Bulu tetí ahá tsɔtsɔtsɔ, táme ahá kpalobí pé ɔtelé.”

Lampóoka

(Marko 12:13-17; Luka 20:20-26)

¹⁵ Farisifɔ ámu bɔyóɔbwe ɔno-ɔkule ání bétetéé Yesu ɔnótó asún nú, abunya mu akítalé. ¹⁶ Mú sv bɔwa amú akasípú pú Owíe Herode ahá Yesu wá beé buyéfité mu beé, “Osunápú, aniyin ání ɔnɔkwalipu fɔgyi, fótosúná Bulu asún ámu é ɔnɔkwalisu. Futamahá ɔhaa ɔtse fú agywun, tsúfé futamakí ɔhaa ansító. ¹⁷ Mú sv anidé fú fité anu. Aní mbla léha ɔkpa ání akáa lampóo ha Roma owíe dehen Kaesare, ntée animáka?”

¹⁸ Táme Yesu lówun amú agywun laláhe amu. Mú sv ɔlefíté amú ɔbéé, “Apinabwebí abwepú, ntogyi só mlidé mí

sóo ki? ¹⁹ Mlitsu kóba amúú butəpóká lampóo amu iku ba mi anki.”

Bəpuba mu, ²⁰ ələfité amú əbée, “Ma nwun pú mu dá dín mósú?”

²¹ Bele mú ənó beə, “Kaesare.”

Múú ələbláa amú əbée, “Mómú mliɸu tóá igyi Kaesare klé ha Kaesare, amliɸu múbá igyi Bulu klé é ha Bulu.”

²² Yesu mbuai ánfɪ lóbwie amú ənó. Mú su benatí.

Kusú Tsú Afúlitə Iwɪ Asun Fitéhé

(Marko 12:18-27; Luka 20:27-40)

²³ Əke ámu kén á, Sadukifə aku beba Yesu wá. Bɸgyi əpasua kvá butəblí beə, kusú tsú afúlitə má mu. Bəfité mu beə, ²⁴ “Osunápú, Mose lówanlín tswɪ anɪ əbée, ‘Ní əku mua mu ka bəməkwií asa olowu sí mu ka ámu a, mu pio otsú mu ka ámu tsia, féki əkwu ha owupú ámu.’ ²⁵ Oyin əkule abí abasiénó aku betsiá. Amútó ogyankpəɸu létsiá əká, táme əməkwií asa olowu. Mu pio lótsu əsurəpuka amu tsia, ²⁶ táme mu é əməkwií. Əsaasi lótsu ətsɪ ámu tsia. Mu é əməkwií. Alu yótɸu osienósɪ amu. ²⁷ Əma-əma a, əsurəpɸu mu é lóbowu. ²⁸ Afúli əkvsóké a, amútó əməmu əbóbwe mu kulu? Tsúfé amú abasiénó ámu féé betsiá mu.”

²⁹ Múbú Yesu léle mú ənó əbée, “Megyí mli ológyi. Mluméyín Bulu asun wanlínhé amu ntée Bulu túmi. ³⁰ Ní afúli bəkúsú á, bóbwe fé Bulu-abəpɸu. Bəméetsiá aká múbá akúlu. ³¹ Mlumókókla asún aní Bulu onutó lébláa mli tsú afúlikusú iwɪ? ³² Bulu asun wanlínhé léblí əbée, ‘Mígyí mli anáin Abraham mua Isak pú Yakob Bulu ámu ni.’ Iɸɪ su megyí awupú Bulu ógyi, akɪankpəɸu Bulu ógyi.”

³³ Bréá ədəm amu bonu asún ánfɪ á, mu atosunáhé anfi ləha ənó lobwie amú.

Bulu Mbla Ámutə Múbá Iɸun

(Marko 12:28-34; Luka 10:25-28)

³⁴ Bréá Farisifə bowun aní Yesu lalé Sadukifə ámu asún ənó, asún lawú wá amú ənó á, bekpə aba ya Yesu wá.

³⁵ Amútó ðkuleá ogyi mbla osunápú léfité Yesu asón, ðpusò mu ki. ³⁶ Òlefíté Yesu ðbéé, “Osunápú, Bulu mbla ámutò mòmú dón?”

³⁷ Yesu lébláa mu ðbéé, “ ‘Pú fú klun, fú ðkláa pú fú agywun féeé dwe fú Wíe Bulu.’ ³⁸ Íni gyí mbla ámutò gyankpawu ání idun mú féeé ní. ³⁹ Nyòòsi é igyi fè mú. ‘Dwe fú bá fè fú iwí.’ ⁴⁰ Mose Mbla pú Bulu ðnósú atáíprú amu atosunáhé féeé ulí mbla anyò ánfísv.”

Ma Gyí Kristo Amu?

(Marko 12:35-37; Luka 20:41-44)

⁴¹ Ínuá Farisifò ámu bebefia sí bulí sv á, Yesu léfité amú ðbéé, ⁴² “Nkálí mlidé Kristo, (ðhá ámutú Bulu ladá mu ofúli amu) iwí gywún? Ma mu na ní?”

Bébláa mu bæé, “Owíe Dawid mu na ní.”

⁴³ Òlelafíté amú ðbéé, “Mú ntogyi sù Òje Wankíhé léha Owíe Dawid létí mu ðbéé ‘Mí Wíé?’ Tsúfé Owíe Dawid léblí ðbéé,

⁴⁴ ‘Aní Wíe Bulu lébláa mí Wíe ðbéé,

Tsia mí gyòpísv nfi

yòfun bréá néha fétsatsáa fú alupósú?”

⁴⁵ Ní Owíe Dawid onutó létí ðhá ánfí Bulu ladá ofúli anfi ðbéé, mu wie a, nkálí sù ðtráa ogyi mu na?”

⁴⁶ Amútó ðkuku métalí lé mú ðnó. Tsú eke ámu a, ðhaa métrá wa klun fité mu asvansu.

23

Mose Mbla Asunápú Pú Farisifò Tsiátó

(Marko 12:38-39; Luka 11:43, 46; 20:45-46)

¹ Asón ánfí ðma a, Yesu lébláa ððm amu pú mu akasípú amu ðbéé, ² “Mose mbla Farisifò pú Mbla asunápú amu buðesuná. ³ Mú sv mlígyi amú asvn blíhé féeésú, táme mlumátsiá amú atsiábi. Tsúfé butamagyi amú onutó asvn blíhésv. ⁴ Butòpú atò dwindwín súrá ahá, táme amú onutó butamapú osrebi ðkule kúráá tsá amú tsu. ⁵ Butòbwé

amú tógyító ahá ansísó. Butōwánlín Bulu asón dínká tati téihésu, pókli amú ὀυκπῖ pú amú bina ibasu. Butóló nfé tíntíúntín síánsían amú atadie onó. ⁶ Butekle otsiákpá yilé tsiá nke ogyíkpá pú Yudafo Offiakpa. ⁷ Bedáli yə dinsu á, butekle beε ahá butú amú beε, ‘Asunápú,’ abubun ha amú itsiá. ⁸ Mli fée á, apió mligyí. Mú sv mluháha abutu mlitə əhaa osunápú. Əbakúle pé gyí mli osunápú. ⁹ Ali kén mluháti əhaa mli sí əsulúv anfisv ní. Tsúfé Əsí əkule pé mlíbv, əbv əsúsú. ¹⁰ Tráhetráhe a, mlitə əhaa máha abutu mu nkpá ogyápu. Tsúfé nkpá ogyápu əkule pé mlíbv. Mvgyí Kristo, (əhá ámúú Bulu ladá mu ofúli amv). ¹¹ Mlitə əhande əbwée mli osúmpú. ¹² Tsúfé fúá fotsu iwí á, Bulu əbéba fv asi. Fúá feba iwiasí é á, Bulu obótsu fv fúá.

Apinabwebí Abwepú

(Marko 12:40; Luka 11:39-42, 44, 52; 20:47)

¹³⁻¹⁴ “Mli Farisifo pú Mose mbla asunápú, apinabwebí abwepú, mligyowi ní. Mlilatin Bulu iwíegyí ámu əkpa wá ahá. Mli onutó mluédékléá mlówie unv, mlidé ahá ání bude mbódi bə beε bówie unv é əkpa tíin.*

¹⁵ “Mli Farisifo pú Mose mbla asunápú, apinabwebí abwepú, mligyowi ní. Tsúfé mlitefá ilin fá əpu, dú ibv kplí ibv há əha tedámlí kluntə. Táme ní ədámlí kluntə tá á, mlitelábwé mu otemlí isubití ogyá ání itamaduntə əyəpú dvn mli onutó.

¹⁶ “Ansibi abwiepú ání mlidé ahá kpa, mligyowi ní. Mliteblí mlíaa, ‘Ní əkv əká Bulu ətswékpa obu ámu ntam a, imehián ání obégyi músú. Táme ní əká sika pəpə atóá ibv ətswékpa obuto unv mú ntam a, ilehián ání obégyi

* ^{23:13-14} Múttó yée 14 bv nwulú dada amv akvto: Mli Farisifo pú Mose mbla asunápú, apinabwebí abwepú, mligyowi ní. Mlitelí ahátə bə mpái tíntíúntín, táme mlitəswí asurapv amú wóyí pú amú ató fée é. Íni sv Bulu əbébtí mli isv dvn aha tráhe.

músú.’ ¹⁷ Ansibi abwiepú! Aha mimláhe! Mútó mǝmv bu labi dvn? Sika pɛpɛ ató ámv lóó, ntée Bulu ɔtswékpa obu ámvú ilahá sika ámv lamlí Bulu klé amv? ¹⁸ Mlitetráa blí mlta, ‘Ní ɔku ɔká afɔdie-asubwi ntam a, imehián ání obégyi músú. Táme ní ɔká afɔdie-abɔtɔ́ ámv ntam mú á, ilehián ání obégyi músú.’ ¹⁹ Ansibi abwiepú! Mútó mǝmv bu labi dvn? Afɔdie-abɔtɔ́ ámv ntée afɔdie-asubwi ámvú ilahá mú ilamlí Bulu klé amv? ²⁰ Ní feká afɔdie-asubwi amv ntam a, faká ibwi ámv pú atáá idun músú féé ntam. ²¹ Ní feká Bulu ɔtswékpa amv ntam a, faká Bulu mva mv otsiákpá ntam. ²² Ní feká ɔsúsú ntam a, faká Bulu mva mv owíe obíá ntam.

²³ “Mli Farisifo pú Mose mbla asunápú, apinabwebí abwepú, mligyowi ní. Mliteye mli ɔtsutsú pú kpántánkplá-má aná féétó idú, pú idúsi há Bulu. Táme mlimédé Bulu mbla amúú ihíe dehián, igyi asúngyí ɔnɔkwalusu, aba nwewúun pú ɔnɔkwaliwa ámvsv gyi. Múdéhián ni, táme mlimákiná iyétó dúsi amv é ha. ²⁴ Ansibi abwiepú ání mlidé ahá kpa, mligyowi ní. Mlitɔtsró mbépi lé oputsútó, táme mlitemé mbéwun.

²⁵ “Mli Farisifo pú Mose mbla asunápú, apinabwebí abwepú, mligyowi ní. Tsúfé mlitɔfwí mli nwe pú mli nlepe ɔma wankláán, táme atáá mlilapú owi múa ɔnsipe swíi ahá sóón bu mútó. ²⁶ Farisifo ansibi abwiepú, mligyankpa fwi nwe múa nlepe ámvto, mú ɔma é bétun.

²⁷ “Mli Farisifo pú Mose mbla asunápú, apinabwebí abwepú, mligyowi ní. Mlilabwé fé ntsán ání bakpá mú afá futútúútú, mú iwí lawá akíle. Táme mútó mú á, afúli awú pú ato plóhé sóón bó mú. ²⁸ Ali kén mligyí ní. Ahá bɔteki mli ání mligyí yilé abwepú. Táme mli klvnto mú á, apinabwebíbwe múa lalahɛbwe sóón bó mú.

*Bulu lsvbití
(Luka 11:47-51)*

29-30 “Mli Farisifo pú Mose mbla asunápú, apinabwebí abwepú, mligyowi ní. Tsúfé mltòpwé Bulu ònósú atóipú pú yilé abwepú ámúbú betsiá ámu ntsán, lá mú iwí wan-kláán, blí mliáa, ‘Ní anulétsiá aní anáin brésú asa bomo Bulu ònósú atóipú anfi á, teki anumówa ibi mútò.’³¹ Mli ason blíhé anfi désuná ání mligyí Bulu ònósú atóipú amópú ámu abí-aná ní.³² Mliwuna yò mósú, amlimò mli anáin bwehé ámu ònó.³³ Awò, abe abí-aná! Mlétalí srí sí ipón ámúbú Bulu òbéha mli, kpá mli wá isubití ogyá ámúbú itamaduntò ámu?³⁴ Mú sv nde Bulu ònósú atóipú, anyansapu pú Mose mbla asunápú wa sísí mli. Táme mlómò aku, dá amótò aku mántá oyikpalíhesu. Mlónwen amótò aku mpli mli ofiakpa, dínká akosu tsú awúlusu yó awúlusu.³⁵ Íni sv yilé abwepú ámúbú mliá mli anáin mlilamó tsú Habelsu bəfun Sakaria, ogyi Barakia mu bi ámúbú mlilómò Bulu òtswékpa obu múa afodíe-asubwi amu nsiné ámu féé obugya béba mli.³⁶ Ònəkwalí nde mli bláa. Íni aná féé sv Bulu isubití béba mli ndemba-abí ánfisu ní.

Yerusalemfo Iwí Òdwe

(Luka 13:34-35)

³⁷ “Óo Yerusalemfo, Yerusalemfo! Mlitómó Bulu ònósú atóipú, dá abí ání Bulu lawá sísí mli abwi mó ní. Ntekleá nóbun mli abísú brégyíbré, fé aliá bate tobun mu abísú, táme mlitamahá mí òkpa.³⁸ Mliki, Bulu obési mli òtswékpa tswi mli, ibédi kpan.³⁹ Tsúfé nde mli bláa mbéé, mlíméstrá wun mi ekekekeke, yófun ekeá mléblí mliáa, ‘Bulu oyúla òhá ámúbú òbá mu idátò.’ ámu.”

24

Bulu Òtswékpa Amu Bwie

(Marko 13:1-2; Luka 21:5-6)

¹ Bréá Yesu lédalí Bulu òtswékpa unu oyó á, mu akasípú amu benatí yótu mu, súná mu òtswékpa unu

mbu ámu. ² Múy òlebláa amú òbéé, “Mlilawun mbu akpɔ̀nkpɔ̀nkpɔ̀nti ánfí f́éé? Ɖ̀nɔ̀kwali nde mli bláa. Bóbwie mú f́éé bun. Ibwi kule kúrúá méesian dinká mú bású.”

Iwɔ̀sun Múa Iklplán

(Marko 13:3-13; Luka 21:7-19)

³ Bréá Yesu tsie Nfɔ̀-nyíbu ámuvsu, òde Bulu ɔ̀tswékpa amu kí a, mu akasípú amu nkule befíté mu bæe, “Bla aní, bré mɔ̀mɔ̀tɔ̀ íní f́éé béba? Osúna mɔ̀mu é òbéba, íbòsuná aní f́ó bábi pú ɔ̀yí ɔ̀nómòké lafun?”

⁴ Inu Yesu léle mú ɔ̀nó òbéé, “Mlíki wankláán, méni ɔ̀haa méemlé mli. ⁵ Tsúf́é ahá tsòtsòtsò bópu mí dá ba bæe, amúgyí Kristo, (ɔ̀há amúy Bulu ladá mu ofúli amu) ni. Bémlé ahá tsòtsòtsò bófwí ɔ̀kpa. ⁶ Ní mlonúá isá ladá mantáa mli ntéé ɔ̀tunekv á, opúni mátsíí mli. Tsúf́é lehián aní íní aná f́éé béba, táme imedésuná aní ɔ̀yí ɔ̀nómòké ámu lafun. ⁷ Tsúf́é ɔ̀má bókwò aba. Awíe bókusó líí abasu. Akún béba, ɔ̀sulúv békpunkí ntíné-ntíné. ⁸ Iní f́éé igyi fé iwɔ̀sun aní ɔ̀tsi towun bréá ikwí de mu dwíín.

⁹ “Alí bré ámuɔ̀tɔ̀ á, mí sv ɔ̀má-ɔ̀má bólu mli. Bédunká mli sv, pú mli há bówa mli amumuyɔ̀, mó mli. ¹⁰ Mliɔ̀tɔ̀ ahá tsòtsòtsò bédúda hógyitɔ̀. Bólu aba, lé aba há. ¹¹ Afunu awapú béblí bæe, Bulu ɔ̀nósú atɔ̀ípú bvgi tsòtsòtsò béba bæmlé ahá tsòtsòtsò, há amú bófwí ɔ̀kpa. ¹² Lalahébwé bómoní. Mú sv ahá tsòtsòtsò buméetrá dwe aba. ¹³ Táme ɔ̀há aní ɔ̀letalí líí kínkínkín yófun ɔ̀yí ɔ̀nómòké á, Bulu ɔ̀bóhɔ̀ mu nkpa. ¹⁴ Mú óó á, ahá béda Bulu iwíegyi ámu iwí asun wankláán ánfí ɔ̀kan ɔ̀yító f́éé, méni ahá f́éé bónu mú, asa ɔ̀yí íbómò ɔ̀nó.

Iwɔ̀sun Wúunbɔ̀

(Marko 13:14-23; Luka 21:20-24)

¹⁵ “Ní mlowun akisítá itobwíé ɔ̀má, ida Ɖ̀wankíkpa unu, ide Bulu ɔ̀tswékpa unu kpóí, fé alíá Bulu ɔ̀nósú ɔ̀tɔ̀ípú Daniel léblí tswí a, —Aklápu, mlinu mú asi!— ¹⁶ múmú ahá aní bubu Yudea ɔ̀mátó busrí yɔ̀ abusu. ¹⁷ Ɖ̀há aní ɔ̀dun

obusu mákpli òbée, moyótsu tòtò obuto. ¹⁸ Òhá ání òbu ndòtò é òmáýinkí ba wóyító botsu mu tati. ¹⁹ Amenyarú pú abí-ayín ání bupia abi bòbwe alí bré ámutò, bugyówi ní. ²⁰ Mlíkokoli Bulu mlíaa, mli òsríké amu umábwe nyankpu múa atsalíbí ntée òkpúnú òdaké. ²¹ Tsúfé tsú òyí asitsuábi a, asun wunhe ání ibéba alí bré ámutò odu kuku mókúba kí. Mú odu kuku é méetrá ba ekekeke. ²² Ní Bulu médinkí nke ámusu á, tekí òhaa méesian òyító. Táme ahá ámú alalé púbwé mu kle amu su aladínkí nke ámusu.

²³ “Alí bré ámutò á, ní òku lébláa fu òbée, ‘Kí, Kristo, (òhá ámú Bulu ladá mu ofúli amu) bu nfi ntée nána’ á, máhogyi. ²⁴ Tsúfé ahá ání bée amúgyí Kristo amu pú ahá ání bówa afunu bée, Bulu ònósú atáipú bugyi tsòtsòtò béba òyító. Bóbwe ofúla pú osúna akpònkpònti púmlé ahá. Ní bétalí kúráá á, bémlé ahá ámú Bulu lalé ámu é. ²⁵ Mlínu, nde mli òlá da yáí asa iba.

²⁶ “Ní òku òbláa mli òbée, ‘Kí, Kristo amu laba òbu dimbísú’ a, mlumádali yéki. Alí kén ní beblí bée, ‘Òbu obutótó’ é mlumáhogyi ní. ²⁷ Tsúfé mí, Nyankpusa-Mu-Bi ánfí òbáke ibóbwe fé alí ámú nyankpu táfwi ibi, butowun mú tsú owí òdalíkpa yédali owí òkplíwíékpa amu.

²⁸ “Òtínéá itò wuhé da a, inú alása butefia.

Nyankpusa-Mu-Bi Ámu Ibábi
(Marko 13:24-27; Luka 21:25-28)

²⁹ “Ìwòsin wúun amu òma a, owí òbéta, òtsra é òméetrá féi. Ntsrakpabi békpa tsú òsúsú beda. Nwulótáa múa mútò ató féé békpinkí. ³⁰ Mú òma a, mlówun mí, Nyankpusa-Mu-Bi ánfí ibá iwí osúna òsúsú. Òyító ahá féé bósu. Òhagyíòha obówun ání mí, Nyankpusa-Mu-Bi ánfí napú túmi múa numnyam kpònkpònti mbu nwulótáatò tsú òsúsú nebá. ³¹ Inu á, òkpe ku ibélun kóklúkú, Bulu òbówa mu abòpu béyekpa mu ahá ámú alalé ámu tsú òyí afonka ana ámu féésú.

Ἰγὶ Ὀνόμω ἰωὶ Οσúνα

(Marko 13:28-31; Luka 21:29-33)

³² “Mlipuki p̄nto oyí. Ní mú abámbi depóí, ide at̄e p̄pwe le á, mlitebí ání awikpan bré lafun. ³³ Alí kén, ní mlowun ání ntobí áñfi fée ide mútó bá a, mlébi ání mí, Nyankpusa-Mu-Bi áñfi ibábi lafun ta ní. Nawíe wóyí ámu onó tá. ³⁴ On̄kwali nde mli bláa mbée, ndemba-abí áñfi fée bumóowu tá asa íni fée béba mútó. ³⁵ Osú m̄ba asi fée bót̄sun, táme mí asun blíhé mó̄tsun ekekeeke.

Nyankpusa-Mu-Bi Ámu Ὀbáke

(Marko 13:32-37; Luka 17:26-30, 34-36)

³⁶ “Ḷhaa méyín eke ntée bréá ntobí áñfi fée ibéba. Bulu-ab̄p̄u bumeyín. Bulu mu Bi ámu é méyín, nkéti aní Sí ámúb̄u Ḷbu osúsó ámu nkule pé yin. ³⁷ Alí ámúb̄u ilegyi Noa brésó amu a, alí ibégyi mí, Nyankpusa-Mu-Bi áñfi é ibábi ni. ³⁸ Tsúfé asa n̄subulábí amu l̄ofun a, ahá betsiá b̄ude ató gyí, b̄ude ntá núu, b̄ude aká tsiá, b̄ude atsi kítá há akúlu alu yófun ekeá Noa lówie mu dáka k̄p̄onk̄p̄onk̄p̄on̄ti ámut̄o. ³⁹ Ḷhaa mébi t̄sá ide m̄sú yo, k̄p̄efun bréá n̄tsu ámu l̄obulá s̄urá amú fée náti. Alí kén buméebi mí, Nyankpusa-Mu-Bi áñfi ibábi ni. ⁴⁰ Alí bré ámut̄o á, ní ayin abanyó bulú nd̄o kul̄eto b̄ude agyómá yo á, Bulu obótsu Ḷkule sí Ḷkule. ⁴¹ Ní atsi abanyó b̄ude nfúó kwe á, Bulu obótsu Ḷkule sí Ḷkule.

⁴² “Mlidinka ansí iw̄is̄u, tsúfé mluméyín ekeá mli Wíe Ḷbéba. ⁴³ Táme m̄l̄nu asún áñfi. Ní wóyí mu wie yin onyé bréá owikp̄lu Ḷbéba mu wóyító a, tek̄i ologyo mu wóyí, owikp̄lu móbwie wíe, wí mu ató. ⁴⁴ Mú su mli é m̄l̄gyo, tsúfé mí, Nyankpusa-Mu-Bi áñfi néba bréá mli ansí medín m̄isú.

Osúmp̄ú Wankláán Pú Ḷlaláhe

(Luka 12:41-48)

⁴⁵ “Ma mee gyí osúmp̄úá Ḷletun ansí, Ḷbu on̄kwali? Mu ibit̄o mu wie t̄p̄ú mu aba atráhe wá, Ḷbée Ḷhá amú

atogyihe dinka brésú. ⁴⁶ Ansí bégyi osúmpú amu, ní mu wie amu óbá bowun ání lélé òde mú bwe. ⁴⁷ Ɖnòkwali nde mli bláa. Mu wie amu óbópu mu ató fée wá mu ibitò. ⁴⁸ Táme ní osúmpú laláhe ogyi, òleblí wá nwunto óbée, ‘Mí wíe méeba séi.’ ⁴⁹ Íni su olefi así òde mu aba asúmpú da, mva ntá abupú bude ató gyí si amú, bude ntá núu bu á, ⁵⁰ mu wie amu óbéba bófwie mutò ekeá òmedín ansí. ⁵¹ Mu wie amu óbéhie títi mutò, trá bití mva apinabwebífo ámu asu kékée. Inú isú múa kpisii bu ni.

25

Mbitebí Dú Aku Iwi Yébi

¹ “Bulu iwíegyí ámu ibóbwe fé mbitebí dú akvá botsu amú nkandíe dáli beyéfia óká pòpwe otsiápu óku. ² Amótó abanú bemimláa, abanú é betun ansí. ³ Aha mimláhe amu botsu amú nkandíe, táme bumotsu nfo kuku kítá. ⁴ Táme atiansipu amu botsu nfo wá atótó kítá. ⁵ Óká otsiápu amu mókòsí ba. Mú su mbitebí ámu fée bogyòsí, tsun mótó dídi.

⁶ “Ɖyí-nsuné á, óku lósvrà okitikítí óbée, ‘Ani pi, óká otsiápu amu óbá o! Mlidalí yefia mu!’ ⁷ Inu mbitebí ámu fée bòkusú nywé amú nkandíe. ⁸ Aha mimláhe amu bebláa atiansipu amu bee, ‘Ani nkandíe dedúun. Mú su mliha ani nfo kpalobí awa ani klétò.’ ⁹ Mú atiansipu amu bebláa amú bee, ‘Ó-o, umòtsó. Imóòfun ania mlinyo. Mliyo afeputó wá, amliyoòho mli klé.’ ¹⁰ Bréa aha mimláhe amu bòpu ókpa boyó á, óká otsiápu amu léba. Amú ámúú beda iwisu ámu bobuo óká otsiápu amu wíe óká otsiákpá unu, oyin ámu asúmpú befin obu ámu.

¹¹ “Mú òma a, mbitebí atráhe amu é beba belí klun òma, blí bee, ‘Ani sí, finki ha ani awie.’ ¹² Táme óká otsiápu amu lébláa amú óbée, ‘Ɖnòkwali nde mli bláa, mmeyín mli ókpagyíòkpasu.’ ”

¹³ Yesu lómò mú ònó óbée, “Íni su mlida iwisu, tsúfé mí, Nyankpusa-Mu-Bi ánfu néba bréa mli ansí medín mísú.

Asúmpú Abasá Iwi Yébi
(Luka 19:11-27)

¹⁴ “Nyankpusa-Mu-Bi ámu íbábi bóbwe fé okvá òde okpa tu, òleti mu asúmpú, ye mu ató há amú òbéé, bukí mósú yai mu. ¹⁵ Òlòpu sika pepe akente anu há okule, pú akente anyo há onyòsì, òlòpu kente kule é há òsaasi. Òleha okugyóku mu òwunlín ònó asa òlenatí. ¹⁶ Osúmpú ámú olenya akente anu ámu lówa òsa pú kóba amu fi íbíágyí asi. Mú su imòwa òpá kuku, olenya akente anu dínká mósú. ¹⁷ Onyòsì amu é lédamlí íbi mu sika pepe akente anyo ámusu alí kén. Mú su olenya akente anyo dínká mósú. ¹⁸ Táme òsaasi ámú olenya kente kule amu mú lóyókwi òbó, pú mu wie sika pepe amu ñáín mótó.

¹⁹ “Ìlòwa òpá asa amú wíe amu lótsu mu okpa ámu ba, òleti amú òbéé, mu amúnyo bóbu akúnta. ²⁰ Osúmpú ámú olenya sika pepe akente anu ámu lótsu múa mósú òdínka akente anu ámu ba mu wie, bebláa mu òbéé, ‘Mí wíe, feha mí sika pepe akente anu. Mí é nanyá akente anu dínká mósú. Mú ní.’ ²¹ Mu wie amu léda mu ípán, bí òbéé, ‘Fabwé ató. Osúmpú wankláán fúgyi. Íniá fawá ònòkwali ató túkúrííbi ánfító su á, nòpu fú yái mí ató tsòtsòtsò ònó. Ba afubetsiá mí wá, anya ansigyí.’

²² “Osúmpú onyòsì ámú olenya sika pepe akente anyo ámu é lébláa mu wie òbéé, ‘Mí wíe, sika pepe akente anyo feha mí. Mí é nanyá anyo dínká mósú. Mú ní.’ ²³ Mu wie amu léda mu ípán, bí òbéé, ‘Fabwé ató. Osúmpú ònòkwali pu fúgyi. Íniá fawá ònòkwali ató túkúrííbi ánfító su á, nòpu fú yái mí ató tsòtsòtsò ònó. Ba afubetsiá mí wá, anya ansigyí.’

²⁴ “Mú osúmpú ámú olenya sika pepe kente kule amu é lébebláa mu wie òbéé, ‘Mí wíe, nyin ání fú asún bu ònlun. Futòkpótí ató òtínéá fumodu; futekpá ató-abí òtínéá

fumefitá. ²⁵ Mú su nanya ifú pú fú sika pepe amu ḡáin ɔ́bótó. Mú ní, hɔ́ fú ató.’

²⁶ “Inu mu wie amu lébláa mu ɔ́béé, ‘Osúmpú laláhe, ɔ́wuliyɔ́pú fúgyi. Fuyin ání ntɔ́kpótí ató ɔ́tínéá mmodu, ntekpá ató-abí ɔ́tínéá mmefitá ató. ²⁷ Íniá fuyin mú ali á, teki fɔ́pu yótswi sika ɔ́yaíkpa. Íniá naba a, teki nɔ́yɔ́hɔ́ móa mósú abí.’ ²⁸ Múy ɔ́yin ámu lébláa mu asúmpú amu ɔ́béé, ‘Mliswu mu sika pepe kente kule amu ha ɔ́mvamóú alanyá akente idú ámu. ²⁹ Tsúfé ɔ́há ání ɔ́bu tsɔ́tsɔ́ á, betrá pu iku tsía mótó há mu, obénya tsɔ́tsɔ́tsɔ́. Táme ɔ́há ání ɔ́ma á, bóswwí mu kpalobíbiá ɔ́bu, ³⁰ amlitswi osúmpú anfi ɔ́ma labi anfi wa oklúntɔ́. Inó isú móa kpisíi bu ni.’

Asúngyí

³¹ “Ní mí, Nyankpusa-Mu-Bi anfi nebá mí iwíe ogyíkpa, Bulu-abɔ́pu fée bubuo mi á, nétsiá mí ɔ́sósú numnyam owíe obíású. ³² Békpa ɔ́yító ahá fée befia mí ansító. Inu nótɔ́sí amótó, fé aliá mbwi ɔ́kparú tótósí akúfa lé akpaláto. ³³ Fówun nahá akúfa amu balí mí gyɔ́pɔ́su, akpaláa amu é balí mí binasv. ³⁴ Inu mí anfi ngyi Owíe anfi nébláa ahá ámóú bulí mí gyɔ́pɔ́su ámu mbée, ‘Mli ahá anfi mí Sí layúlá anfi mliba, amlibetsiá iwíegyí ámóú ɔ́lɔ́layái há mli tsú ɔ́yí asitsuábi ɔ́pá ámvtɔ́. ³⁵ Tsúfé akún lekítá mí á, mliléha mí ató negyi. ɔ́mewóli lekítá mí, mliléha mí ntsu nonu. Nɔ́bwe ɔ́fɔ́, mlólóhɔ́ mi ɔ́fɔ́. ³⁶ Nenatí yayá, mliléha mí tati nedidá. Nɔ́lɔ́, mliléki mi. Nedi obu, mliléba beki mu.’

³⁷ “Inu yilɔ́ abwepú ámu bífíté mí beé, ‘Ani Wíé, ɔ́menke anilówun ání akún de fú, aniléha fú ató fegyí? ɔ́mewóli de fú, aniléha fú ntsu fonu? ³⁸ Fɔ́bwe ɔ́fɔ́, anilóhɔ́ fu ɔ́fɔ́? ɔ́menke fenatí yayá, aniléha fú tati fedidá? ³⁹ ɔ́menke fɔ́lɔ́, ntée fedí obu, aniléba beki fu?’

⁴⁰ “Inu mí anfi ngyi Owíe anfi nébláa amóú mbée, ‘ɔ́nɔ́kwali nde mli bláa. Tógyítóá mlilóbwe há mí apíó anfi

ahá butamabú amú wá ahátò ánfítò òkú á, mí mlímóbwe mú há á.’

⁴¹ “Inu nébláa ahá ámúbú bulí mí binasv ámu é mbée, ‘Mlìkpokpe tɛi nfi. Bulu lalwíí mli. Mliyɔ ogyá ámúbú itamadun, Bulu lélayáí há ɔbunsám múa mu abɔpu amvto.

⁴² Tsúfée akón lekítá mí, mluméha mí atogyihe. ɔmewóli lekítá mí, mluméha mí ntsu annu. ⁴³ Nɔbwe ɔfɔ́, mlumóhɔ mi ɔfɔ́. Nenatí yayá, mluméha mí tati andida. Nɔlɔ, nedɪ obu; mluméki mi.’

⁴⁴ “Inu amú é béfíté mí beɛ, ‘Ani Wíé, ɔmenke anilówun ání akón de fú, ɔmewóli de fú, fuyi ɔfɔ́, fɔna yayá, fɔdelɔ ntée fɔda obu; anumébeke fɔ?’ ⁴⁵ Inu mí ánfɪ ngɪi Owíe anfi nébláa amú mbée, ‘ɔnɔkwali nde mli bláa. Ali ámúbú mlumóbwe mú há mí apíó ánfɪ ahá butamabú amú wá ahátò ánfítò òkú á, mí mlímóbwe há á.’ ⁴⁶ Bulu ɔbéha amú bóyɔ iwɔsɪn ání itamatátó, táme yilé abwepú ámu mó bénya nkpa ání itamatá.”

26

Bekiklí Yesu Nwunsu

(Marko 14:1-2; Luka 22:1-2; Yohane 11:45-53)

¹ Bréá Yesu lósuná ató ánfɪ fée tá á, ɔlebláa mu akasípú amu ɔbéɛ, ² “Mliyɪn ání ilasí nkenyó bégyi Israelfɔsu Katsun Nke. Nke ámvtò á, ɔkú ɔbópu mí, Nyankpɔsa-Mv-Bi ánfɪ wá mí alupú ibitò, béda mí mántá oyikpalíhesu.”

³⁻⁴ Ali bré ámvtò á, Yudafo Bulu igyí ahapú dehen pú amú ahande befia igyí ɔhapú dehen Kaiafa wóyító, kítá agywun ɔkpa ání bótɔsɪn músú kítá Yesu nájintò, mó mu.

⁵ Táme beblí beɛ bumóɔbwe mó nke ámvtò, ménɪ kpokiti méeda ɔmá ámvtò.

Ofobí Fánfáánfán Pwówlí Yesu

(Marko 14:3-9; Yohane 12:1-8)

⁶ Bréá Yesu bu Betania wúluto, Simon ɔkúv alaló ulɔ pɛpɛ ki wóyító ɔde ató gyí a, ⁷ ɔtsɪ ɔkú léba mu wá. ɔde prentva

wankláán kvá ofobí fánfán ání ibu bíá bə mú, ɔletseí ofobí ámu wólí Yesu nwuntɔ. ⁸ Yesu akasípú amu benya ɔbló bréá bowun íni. Mú sv befité bæ, “Ntogyi sú ɔtsi ánfí layíntá ofobí fánfán ánfí? ⁹ Abétalí fé mú íbíá kpékplé, pú kóba amu há ahiánfɔ.”

¹⁰ Yesu lébi ání ɔbló lakítá amú. Mú sv ɔlebláa amú ɔbé, “Ntogyi sú mlidé mu háan? Ito yilé alabwé há mí. ¹¹ Ahiánfɔ bétsiá mlɔ ekekegyíeke, táme mí mú mméetsiá mli wá yó. ¹² Alatséí ofobí fánfán ánfí wólí mí, púlá mí ɔyulú yáí há mí opuláké. ¹³ Ɖnɔkwali nde mli bláa. Ɖyító ɔtínegyíótínéá béda Bulu asun wankláán ámu ɔkan a, béblí tó ánfí ɔtsi ánfí labwé ánfí púkáín musu.”

*Yuda Iskariot Lótsulá Ání Ɖbéle Yesu Há
(Marko 14:10; Luka 22:3-6)*

¹⁴ Mú ɔma a, mu akasípú dúanyɔ ámutɔ ɔkvá butetí mu Yuda Iskariot lóyɔ Bulu igyí ahapú dehen amu wá. ¹⁵ Ɖleyéfité amú ɔbé, “Ní nelé Yesu há mli á, ntɔ mléha mí?” Mú sv bekla sika futútú advasa (30) wá mu ibɔtɔ. ¹⁶ Tsú bré ámutɔ ɔlɔwa ɔkpa dunká ání ɔbótsun músú lé Yesu há amú.

Katsun Atogyihe Gyí

(Marko 14:12-21; Luka 22:7-14, 21-23; Yohane 13:21-30)

¹⁷ Israelfɔ Bodobodo MátúhéNke ámutɔ eke gyankpapu a, akasípú amu beba Yesu wá befité mu bæ, “Ani Wíé, obu mɔmutɔ ayela ha fu, afɔgyi Israelfɔsu Katsun Nke atogyihe amu?”

¹⁸ Yesu lébláa amú ɔbé, “Mliyɔ asímasi wá wúlutɔ, amliyebláa mu mliaa, ‘Osunápú amu ɔbé, mí bré lafon. Íni sv mía mí akasípú abá begyi Israelfɔsu Katsun Nke ámu fú wóyító.’ ”

¹⁹ Mú sv akasípú amu bəyɔbwe ali ámú Yesu lébláa amú ámu pépéépé. Bela obu ámutɔ, bwé Katsun Nketɔ atogyihe amu yáí inu.

²⁰ Bréá nsauntɔ deklúun a, Yesu mva mu akasípú beba betsiá ɔpúnú ámu asi. ²¹ Ató ámu ogyíkpa a, Yesu lébláa amú ɔbéε, “Ɔnɔkwali nde mli bláa, mlɔtɔ ɔkule ɔbéle mí há.”

²² Asón ánfɔ léhie han akasípú amv. Mú sv befi asi bude mu fité kulɛkulɛ beε, “Mí Wíé, mí ní lóó?”

²³ Yesu lébláa amú ɔbéε, “Ɔhá ámúbú mía mvnyɔ anidé ibɔ wa ɔlepe ɔkuleto ámu ɔbéle mí há. ²⁴ Mí, Nyankpɔsa-Mv-Bi ánfɔ nówu fé aliá bɔwanlín tswí, táme ɔhá ámúbú ɔbéle mí há ámu ɔgyówu ní. Ní bumetepí kwí mu kúráá á, teku ibɔ alé há mv.”

²⁵ Yuda Iskariot amúú ɔlele mu há ámu é léfité mu ɔbéε, “Osunápú, mí ní lóó?” Múbú Yesu lébláa mu ɔbéε, “Ee, fablí.”

Yesu Ntúpwe Atogyihe Tráhe

(Marko 14:22-26; Luka 22:14-20; 1 Korintofɔ 11:23-25)

²⁶ Bréá bude ató ámu gyí a, Yesu léle bodobodo ipín, ɔleda Bulu ipán, bíábía mótó póhá mu akasípú amv, blí ɔbéε, “Mlihɔ amligyí. Mí ɔyɔlúv nu.”

²⁷ Inu olotsu ntá-εwe, ɔleda Bulu ipán, póhá amú ɔbéε, “Mli féé mlihɔ amlinu. ²⁸ Mí obugya nu. Mú Bulu dépvsi mu ntam* ání alaká há ahásv ní. Bétsei mú wólí asi, ménɔ obési ahá tsɔtsɔtsɔ lakpan kíé amú. ²⁹ Nde mli bláa mbéε, mméetrá nu wáun-abí ntá ánfɔ alu yófun ekeá mía mlunyo abélanu mú pópwe mí Sí iwíegyí ámvtɔ.”

³⁰ Benya wá ulv dá Bulu ipán tá ali, benatí yó Nfɔ-nyíbu ámusv.

Petro Ɔbóswí Ɔbéε Mɔmeyín Yesu

(Marko 14:27-31; Luka 22:31-34; Yohane 13:36-38)

³¹ Bréá bowie Nfɔ-nyíbu ámusv á, Yesu lébláa amú ɔbéε “Mli féé mléyinkí mí ɔma onyenu. Tsúfé bɔwanlín wá Bulu asón ámvtɔ beε, ‘Néda akúfa ɔkpapó ámu lédá, mu akúfa

* ^{26:28} Ntam pópwe bu nwulú dada amv akotɔ.

bédasáín.’ ” ³² Múy ɔletrá blí ɔbéε, “Táme ní Bulu ɔkúsúa mi tsú afúlitɔ á, négya mli nkprá yó Galilea ɔmátó. Inu mlóbɔtu mí ní.”

³³ Petro lébláa mu ɔbéε, “Ní amú fée beyinkí fú ɔma kúráá á, mí mú mméeyinkí ekekeεεε.”

³⁴ Yesu lébláa mu ɔbéε, “Ɖnɔkwali nde fú bláa. Onyeni, asa bate ɔbéε ɔnó á, fóswuí pú ibi wá ogyá tse sa fεε fumeyín mí.”

³⁵ Inu Petro lébláa mu ɔbéε, “Ní lowu ígyi kúráá á, mméekiná fú ekekeεεε.” Ali kén akasípú atráhe amu é beblí ní.

Mpáibo Getsemane

(Marko 14:32-42; Luka 22:39-46)

³⁶ Yesu mua mu akasípú bɔyɔ ɔtinekuá butetí inu Getsemane. Bréá bowie inu á, ɔlebláa amú ɔbéε, “Mlitsia nfi, nɔyó nkprá yóbo mpái.” ³⁷ Ɖlekpa Sebedeo abi anyɔ, bugyi Yakobo mua mu pio Yohane pú Petro ya. Inu asún lehié han mu, mu ansí lεpe. ³⁸ Múy ɔlebláa amú ɔbéε, “Asún ihíé de mí háan, ideklé umɔ mí. Mlitsia nfi, mía mlunyo agyo.”

³⁹ Inu ɔlenatí yó nkprá kpalobí, ɔleda akpawunu pú ansító bun ɔsulútɔ, kókóli Bulu ɔbéε, “Mí Sí, ní ibówa alé á, ha ntá-εwe ánfí† itsun misu. Táme megyí tóá ndeklé, mboún múbá fɔdeklé ibá mútó.”

⁴⁰ Múy oleyinkí ba akasípú amu wá bowun ání budedidi. Íni su ɔlefíté Petro ɔbéε, “Mú su mlumétalí tsía, mía mlunyo agyo ɔnɔhwírí kule kpán? ⁴¹ Mligyo amlíkókoli Bulu, méni mlumóowie isókito, tsúfé mli ɔjé deklé, táme nyankpɔsa-oyí lɔpɔn.”

⁴² Yesu létrá yókokóli Bulu ɔbéε, “Mí Sí, ní ntá-εwe ánfí móɔtsun misu, ibwé ahágyíalíá nónu mú á, mómmú tóá

† 26:39 Ntá-εwe ánfí igyi iwɔsɔn ání Yesu obówun.

fudeklé ibá mótó.” ⁴³ Ɖletrá yinkí ba bowun ání akasípú amu botráa budedidi, tsúfé didí de amú bu.

⁴⁴ Mú sv ɔlenatí sí amú, trá yókokóli Bulu otse saasi, blí asún ámu kén. ⁴⁵ Oleyinkí ba akasípú amu wá, befité amú ɔbéé, “Mlilatráa si mlida mlidé ɔkpónú da? Mlíki, bré ámu lafun ání bópu mí, Nyankpusa-Mu-Bi ánfí wá lakpan abwepú ibito. ⁴⁶ Mlíkusv ayɔ. Mlíki, ɔhá amúú ɔde mí le há ámu ná á.”

Yesu Kitá

(Marko 14:43-50; Luka 22:47-53; Yohane 18:3-12)

⁴⁷ Yesu ɔnó mesi asa akasípú dúanyɔ ámutɔ ɔkuleá butetí mu Yuda lóbowie unv. Ɖɔɔm kpɔnkpɔɔnkpɔntiá buɔe ndayí pú nkpotí bubuo mu. Bulu igyí ahapú dehen pú Yudafo ahande amu lówa amú. ⁴⁸ Yuda amúú ɔbéle Yesu há ámu lébláa ɔɔm amu yáí ɔbéé, “Ɖhá amúú nélatá pútá ámu gyí ɔhá ámu ni. Mlíkita mu.”

⁴⁹ Íni sv ɔlenatí laa yéha Yesu itsiá ɔbéé, “Osunápú, tsia ní!” Ɖlelatá mu pútá.

⁵⁰ Múú Yesu lébláa mu ɔbéé, “Agya, bwe tóá ɔbwekpá feba.”

Ínu ahá ámu benatí tú Yesu, kítá mu kínkíínkín. ⁵¹ Ínu Yesu akasípú amutɔ ɔkule lótswi mu ɔdayí, kpá Bulu igyí ɔhapú dehen osúmbi ɔku isv lé. ⁵² Múú Yesu lébláa mu ɔbéé, “Yinkia fó ɔdayí wa mú ɔfletɔ. Tsúfé ɔhá ání ɔtenatí kítá ɔdayí á, ɔdayí ɔnó otesin. ⁵³ Fumeyín fse nétalí kókóli mí Sí ɔbéha mu abɔpu tsɔtsɔtsɔ akú dúanyɔ béba bɔko hɔ mi? ⁵⁴ Táme ní ibá alí á, nkáli ibóbwe asa Bulu asvn wanlínhé amu ibéba mótó?”

⁵⁵ Ínu Yesu léfité amú ɔbéé, “Ogyo otswapú ngvi, sù mlilatsú nkpotí pú ndayí mlebá mí ɔkutákpá? Ntsie mli wá Bulu ɔtswékpa unv ekekegyíeke nde mli ató suná, mlímékítá mí ekékekeke. ⁵⁶ Táme íni féé laba mótó, ménu Bulu ɔnósú atóipú asún wanlínhé amu ibéba mótó.”

Ínu akasípú amu féé besrí sí mu.

Yudafɔ Ahande Ansító Lú

(*Marko 14:53-65; Luka 22:54-55, 63-71; Yohane 18:13-14, 19-24*)

⁵⁷ Múú Yesu akítápú amu bekpa mu ya Bulu igyí ɔhapú dehen Kaiafa. Inú mua Mose mbla asunápú pú Yudafɔ ahande amu befiá ni. ⁵⁸ Táme Petro lépetí obuwo amú ɔma tsútsúútsú alu bowie igyí ɔhapú dehen wóyító mu. Oleyétsiá amú agyópu wá, méni obówun alá asún ámu íbómó ɔnó. ⁵⁹ Inu Bulu igyí ɔhapú dehen amu mua Yudafɔ asún agyípu amu féé bodunká ahá ání béka asún dínká Yesusu, méni bélí mósú mó mu. ⁶⁰ Afunupu tsɔtsɔtsɔ bedali ba, táme amú féé ɔnó lɔtsɔn ɔtsan. Mú ɔma a, ahá abanyó bedali belí ahande amu ansító, ⁶¹ blí beɛ, “Oyin ánfí léblí ɔbéɛ, ‘Nétalí bwíé Bulu ɔtswékpa amu, lápú nkensá yi mó.’ ”

⁶² Múú Bulu igyí ɔhapú dehen amu lókusú líí fíté Yesu ɔbéɛ, “Fuma ɔnó lé? Fuma asvansu blí pólé fú iwí?” ⁶³ Táme Yesu móbwií ɔnó. Bulu igyí ɔhapú dehen amu lélabláa Yesu ɔbéɛ, “Neká Bulu Ɔkiankpapu amu, ní fúgyí Kristo, (ɔhá ámúú Bulu ladá mu ofúli), ogyi Bulu mu Bi ámu a, bláa aní.”

⁶⁴ Múú Yesu lébláa mu ɔbéɛ, “Mú fablí á. Táme mlíbi ání tsú nde púya a, mlówun mí, Nyankpusa-Mu-Bi ánfí ntsie Bulu Otúmípu gyɔpɔsu ánfí, ndin ɔsúsú nwulótáaso nebá.”

⁶⁵ Múú Bulu igyí ɔhapú dehen amu lékitá mu atadie bálí mú kiaan,‡ blí ɔbéɛ “Alabó mbusuo! Adánsie mɔmu anitráa anigyó? Yéɛ mlílanú abususu ání alablí. ⁶⁶ Nkálí gyí mlí agywun?”

Bébláa mu beɛ, “Ilehián ání obówu!”

⁶⁷ Inu botutúú atsunó wulí mu ansító, wɔwɔ mu atswé. Aku é bedadáa mu asɔtɔ, ⁶⁸ fíté mu beɛ, “Bulu ɔnósú ɔtɔipú Kristo, ma ládá fú? Bla aní.”

‡ 26:65 Ilosuná ání asún ámu lawíé mu iwítɔ dubi.

Petro Lóswú ɔ́bée Mmeyín Yesu

(Marko 14:66-72; Luka 22:56-62; Yohane 18:15-18, 25-27)

⁶⁹ Petro tsie wunsínésú unv, otsibi ɔku lóɔtu mv. ɔlebláa Petro ɔ́bée, “Fúa Yesu Galileayin amv nyo ná.”

⁷⁰ Táme Petro lówa ɔnólí ahá ámv fée ansító ɔ́bée, “Mmeyín asón ánfí fudeblí ánfí iwí kukukú.” ⁷¹ Mú ɔma wóyí ɔnó unv é á, otsibi ɔku é lébi Petro. Mú sv ɔlebláa ahá ání bulú unv ɔ́bée, “Oyin ánfí mva Yesu Nasaretyin amvnyo ténátí.”

⁷² Inu Petro lópu ɔnólí ká ntam, blí ɔ́bée, “Mmeyín mv.”

⁷³ Mú ɔma a, ahá ámvú bulú unv ámvɔ akv beba bebláa Petro beɛ, “Lélé mú á, anyin ání fúa Yesunyo ná, tsúfée fú tóitɔ de aní suná alí.”

⁷⁴ Inu Petro lówa ntam kakáa bi ɔ́bée, “Neká tógyító, mmeyín oyin ámvú mlidé mv iwí asón blí ámv!”

Inunv bate lóɔn. ⁷⁵ Petro lékaín ání Yesu lébláa mv ɔ́bée, “Fóswú tse sa fée fumeyín mí asa bate ɔ́bée ɔnó.” Inu ɔledali híé yósu.

27

Yesu Kpa Ya Pilato

(Marko 15:1; Luka 23:1-2; Yohane 18:28-32)

¹ ɔyi kehe nyanki-nyanki a, Bulu igyí ahapú dehen pú Yudafɔ ahande amv bekitá agywun beɛ, bómo Yesu.

² Mú sv beklú mv, pú mv yówa Pilato ibitɔ. Mvgyí Roma ɔhandeá ɔde Yudea ɔmású gyí nɩ.

Yuda Iskariot Iwí Sián

(Gyumagyihe 1:18-19)

³ Yuda ámvú ɔleɛ Yesu há ámv lówun ání bahá Yesu pón. Ulehan mv. Mú sv oleyinkía sika futútú advasa ámv ya Bulu igyí ahapú dehen pú Yudafɔ ahande amv. ⁴ ɔlebláa amú ɔ́bée, “Nalé ɔhá ání ɔmókúbwé lakpan kukv há. Mú sv nabwé lakpan.”

Múú bebláa mu bee, “Animéyín mú iwí kuku. Fú asún igyi.”

⁵ Mú su Yuda lótswi sika futútú ámu sísí amó Bulu ɔtswékpa wunsinésó inu, náti yésíán iwí.

⁶ Bulu igyi ahapú dehen amu bɔtɔsí kóba amu, blí bee, “Ani mbla meha ɔkpa áni apúv kóba anfi odu wa Bulu ɔtswékpa kóbatɔ, tsúfé mú iwí metin. Obugya kóba igyi.”

⁷ Mú su bɔbwe agywun, pú kóba ámu yóhɔ ató ɔpwepú ɔku ɔsulúv, pú inu bwé afɔ́ áni bubu Yerusalem opulákpá. ⁸ Inu su bɔtu nde butetí inu bee, “Obugya ɔsulúv.”

⁹⁻¹⁰ Inu léha Bulu asún ámuú ɔleblí tson mu ɔnɔ́sú ɔtɔ́ipú Yeremiasu ámu léba móttó. ɔ́bée, “Botsu sika futútú advasa ámuú Israelfɔ begyi mu ibiá, hɔ mu amu yóhɔ ató ɔpwepú ɔku ɔsulúv fé aliá Bulu lébláa mi.”

Yesu Lii Pilato Ansító

(Marko 15:2-5; Luka 23:3-5; Yohane 18:33-38)

¹¹ Yesu líi ɔmású ɔkípu Pilato ansító. Múú Pilato léfité mu ɔ́bée, “Fúgyi Yudafɔ owíe amu ni?”

Yesu lébláa mu ɔ́bée, “Ee, mú fablí á.” ¹² Táme bréá Bulu igyi ahapú dehen pú Yudafɔ ahande amu beka asún dínká Yesusu á, ɔmele kuku ɔnó.

¹³ Múú Pilato léfité mu ɔ́bée, “Fumédé asún anfi bakla dínká fúsú anfi nu?”

¹⁴ Táme Yesu métepi bwíi ɔnó. Mú su ilobwie Roma ɔhande amu ɔnó.

Yesu Lowu Ipón Ha

(Marko 15:6-15; Luka 23:13-25; Yohane 18:39-19:16)

¹⁵ Ofífigyíofi, ní bude Israelfɔsu Katsun Nke gyí a, Roma ɔhande amu tesi obu ɔdipú ɔkuleá ɔdɔm amu budeklé há amú. ¹⁶ Ali bré ámutɔ á, obu ɔdipú ɔkúv alahɔ dá, butetí mu Baraba da obu. ¹⁷ Mú su bréá Yudafɔ ámu féé bebefia a, Pilato léfité amú ɔ́bée, “Ma nsíi ha mli? Baraba lóó, ntée Yesu, butetí mu Kristo amu?” ¹⁸ Tsúfé Pilato yin áni Yesu

iwɪ olu sɔ Bulu igyí ahapú dehen pú Yudafɔ ahande amu bakítá mu ba mu.

¹⁹ Bréá Pilato tsie ɔde Yesu asón ámu gyí a, mu ka lówa obí mu wá ɔbéε, “Mábwe oyin ánfɪ mu asón da ɔkra ánfɪ tɔtɔ. Tsúfé ígye onyé á, nokun okude wun mu, ifú lehié kítá mí.”

²⁰ Táme Bulu igyí ahapú dehen pú Yudafɔ ahande amu beha ɔɔm amu ɔnɔ beε, bukókoli Pilato osi Baraba, abumɔ Yesu. ²¹ Mú sv Roma ɔhande amu lélafíté ɔɔm amu ɔbéε, “Ahá abanyó ánfɪtɔ ɔmɔmu nsíi ha mlɪ?”

Botsu ɔnɔ beε, “Baraba!”

²² Múy Pilato létrá fité amú ɔbéε, “Ntɔ mbwée Yesu, butetí mu Kristo, (ɔhá amúy Bulu ladá mu ofúli amu)?”

Amú féé bebláa mu beε, “Ha abuda mu manta oyikpal-
fhesu!”

²³ Pilato léfité amú ɔbéε, “Ntogyi sv! Tsitsa mɔmu alabwé?”

Inu belakplón kóklókúy beε, “Ha abuda mu manta oyikpalíhesu!”

²⁴ Bréá Pilato lówun ání alabwé kásían, kpokiti mboún deklé ida inu á, olotsu ntsu fwí ibɪ amú ansítɔ inu, bláa amú ɔbéε, “Mí ibɪ anyɔ uma oyin ánfɪ lowutɔ. Mlɪ asón igyi.”

²⁵ Yudafɔ ámu féé bebláa mu beε, “Mu lowu isubití íbá ania anɪ abí-anású!”

²⁶ Inu Pilato lési Baraba há amú, ɔleha mu isá akɔpú bepití Yesu atɔ, ɔlɔpu mu wá amú ibitɔ ɔbéε, buyéda mu manta oyikpalíhesu.

Yesu Ahinlá Bwe

(Marko 15:16-20; Yohane 19:2-3)

²⁷ Inu ɔmású ogyípú amu isá akɔpú bekpa Yesu ya mu wóyítɔ. Beti amú aba isá akɔpú atráhe amu féé, beda Yesu ɔbun. ²⁸ Bɔwɔí Yesu atadie, pú ligá pepe ku wá mu. ²⁹ Bɔlu obungyo-awu, bwé mú owíepa bun mu nwun. Bɔpu oyí ku wá mu gyɔpi ibitɔ, fé akɔnfra. Beda akpawunu mu

ansító, buɗe mu ahinlá bwe bee, “Yudafɔ Owíe, fú nkpasu onlunsu!” ³⁰ Botu atsunó wólí Yesu, swíi mu oyí ámu púpítí mu nwuntɔ. ³¹ Bɔbwe mu ahinlá tá á, bɔwɔi amó ligá pepe amu, yínkíá mu onutó atadiɛ wá mu, bekpá mu dáli bɔyó abuyeda mu manta oyikpalíhesu.

Yesu Da Mántá Oyikpalíhesu

(Marko 15:21-32; Luka 23:26-43; Yohane 19:17-27)

³² Bréá bɔyó á, befia Kireneyin ɔkuá butetí mu Simon. Isá akɔpú ámu beka mu híé bee, ɔhɔɔ oyikpalíhe amu sura. ³³ Boyówie ɔtunekvá butetí unu Golgota. Mú así gyí, “Nwun Okokobi Otsiákpá.” ³⁴ Bɔpu afá kítákítá wá ntátó tin Yesu ɔnɔ bee onúu, táme bréá ɔleda mú ɔnɔ á, olekiná nu.

³⁵ Beda mu mántá oyikpalíhe amusu tá á, beye mu atadiɛtɔ. Inu bɔtswi abi púki ɔhagyíɔha ogyíkpá. ³⁶ Besi butsie unu, buɗe mu iwí gyóo. ³⁷ Múú bɔwanlín tóá suá buɗe mu da mántá oyikpalíhesu, dá mántá mu awunso bee, “YESU, YUDAFɔ OWÍE AMU NI.” ³⁸ Beda awikplu abanyó é mántá nyikpalíhesu tsía mutɔ. Ɔkule bu mu gyɔpɔsu, ɔkule é bu mu binasu.

³⁹ Inu atsunpu bɔkpukpúu nwuntɔ, blí Yesu iwí abususu bee, ⁴⁰ “Yéé fú fɛé fétalí bwíé Bulu ɔtswékpa amu, lápwe mú nkensá owító ní? Hɔ fú iwí! Ní lélé Bulu mu Bi fúgyi á, kplí tsu oyí ámusu aki.”

⁴¹ Alí kén Bulu igyí ahapú dehen, Mose mbla asunápú pú Yudafɔ ahande amu é bɔbwe mu ahinlá ní. ⁴² Beblí bee, “Ɔlɔhɔ ahá nkpa, táme ɔmetalí hɔ mu iwí. Ní mvgyi Israelfɔ owíe amu a, ɔkplíu tsu oyí ámusu, méní abóhɔ mu gyi. ⁴³ Yéé ɔbéé Bulu mu Bi mvgyi, mu ansí dín Bulusu. Bulu ɔlé mu séi, aki ání otekle mu asún.”

⁴⁴ Alí kén awikplu ámúú beda mántá nyikpalíhesu mu wá ámu é bɔbwe mu ahinlá ní.

Yesu Lowu

(Marko 15:33-41; Luka 23:44-49; Yohane 19:28-30)

⁴⁵ Owí leta ɔsulúv amusu fée, tsú dódúanyɔtɔ alu yófun ntópwe dɔsɔtɔ. Owí metrá lun ε. ⁴⁶ Dɔsa ámutɔ á, Yesu lókplun kúklókú Hébrí ɔblítɔ ɔbéε, “Eli, Eli, Lama Sabaktani?” Mú así gyí, “Mí Bulu, mí Bulu, ntogyi sɔ fakpá mí ɔma?”

⁴⁷ Bréá ahá ámúb bulí inu ámutɔ aku bonu asún ánfí á, beblí beε, “Ὁδε Elia kpolí.” ⁴⁸ Inu amútɔ ɔku lésrí yótsu ɔsapa, púdá ntá ɔdátɔ, púyí oyísú, tsú mú fúá, pútín mu ɔnɔ ɔbéε onúu.

⁴⁹ Táme mu aba atráhe amu bebláa mu beε, “Si, alu kí beε Elia ɔbéba bɔhɔ mu.”

⁵⁰ Yesu létrá kplón kúklókú, ɔlele ɔhɛ.

⁵¹ Inu Bulu lébalí tati ámúb bɔpuká Bulu ɔtswékpa obu ámutɔ anyɔ, tsú awunso beyi así kɔaan. Bulu léha ɔsulúv lekpinkí, ɔleha abutá lemamáin. ⁵² Olefinfínki ntsán, aha wankíhé tsɔtsɔtsɔ bɔkúsú tsú afúlitɔ. ⁵³ Yesu kusú tsú afúlitɔ ɔma a, aha wankíhé ánfí bakúsú tsú afúlitɔ ánfí bɔyɔ Yerusalem wúlu wankíhé amutɔ, yéle iwí ɔwan súná ahá tsɔtsɔtsɔ.

⁵⁴ Bréá isá akɔpú ɔhande pú isá akɔpú ámúb bude Yesu iwí gyóo amu bowun ɔsulókpinkí ámu pú tɔá ide músú yɔ fée á, ifú lehie kítá amú, beblí beε, “Lélé, Bulu mu Bi óyin ánfí gyí.”

⁵⁵ Atsí tsɔtsɔtsɔ bobuo Yesu, bude musu kí tsu Galilea ɔmátɔ. Amú é besi lí tsútsúútsú, bude mu kí sisí. ⁵⁶ Amútɔ aku gyí, Magdalayintse Maria mua Maria ání ɔlɔkwí Yakobo mua Yosef pú Sebedeo mu ka ání ogyi Yakobo mua Yohane aná oyín.

Yesu Pulá

(Marko 15:42-47; Luka 23:50-56; Yohane 19:38-42)

⁵⁷⁻⁵⁸ Bréá owí depóon a, Arimateayin iwí onyapú ɔkuá butetí mu Yosef, alamlí Yesu ɔkasípú lóyɔ Pilato wá, yókulí mu ɔbéε, osíi Yesu fúli amu ha mu. Pilato léha ání busí fúli amu ha mu. ⁵⁹ Mú su Yosef lópu ɔhráda ání iletun wankláán

kíkli fúli amu iwɪ, ⁶⁰ ɔlɔpɔ mu yówa ɔbó pɔpwe ání aladá butátó yáí há mu iwɪtɔ. Múb olemináa ibwi yíléyílé ku tin ɔbó ámu ɔnó, ɔlenatí. ⁶¹ Magdalayintse Maria mva Maria nyɔɔsi amu besi butsie unv fún bude ntsán ámu kú sísí.

Yesu Ntsán Gyo

⁶² Yudafɔ iwɪsɔ ɔdaké ɔyi kehe, igyi ɔkpónú ɔdaké á, Bulu igyí ahapú dehen, Farisifɔ ámu fée pú Pilato befia. ⁶³ Bebláa mu beɛ, “Owíe, anulakáín ání bréá ofunupu anfi tsie nkpa á, ɔleblí ɔbéɛ, ‘Nkensá ɔma a, Bulu ɔbélakúsóa mu tsú afúlitɔ.’ ⁶⁴ Mú sv ha abuyogyo mu ntsán ámu ɔnó wankláán, yófvn eke sáásí. Ní megyí alí á, mu akasípú amu bóyówi mu lé, bemlé ahá beɛ alakúsú. Ibá alí á, akasípú amu ahámlé bódvun mu kle.”

⁶⁵ Pilato lébláa amú ɔbéɛ, “Isá akɔpú ní. Mliha amú abuyogyo unv wankláán alíá mlétalí.”

⁶⁶ Mú sv beyétan ɔbó ámu ɔnó wankláán, há agyópu bogyo mú asi.

28

Yesu Kvsú Tsú Afúlitɔ

(Marko 16:1-10; Luka 24:1-12; Yohane 20:1-10)

¹ Yudafɔ ɔkpónú ɔdaké ɔyi kehe, igyi Kwasieda bake a, Magdalayintse Maria mva Maria nyɔɔsi amu bɔkvsú yó Yesu ntsán ámu ɔkíkpa. ² Inunv á, ɔsvlúv lekpunkí kóklókúú, Bulu-ɔbɔpu lékplí tsú ɔsúsú bemináa ibwi yílé ámu lé ɔbó ámu ɔnó, tsíá músú. ³ Mu ansító lehiɛ wankí, ide ogyá kpa. Mu atadiɛ é lofulí futútúútú fé opuli-mpútó. ⁴ Bréá bowun mu a, ifú lehié kítá unv agyópu amu, bekpunkí kpakpakpakpa, dída, lwíí fé afúli.

⁵ Bulu-ɔbɔpu amu lébláa atsi ámu ɔbéɛ, “Mlumánya ifú! Nawun ání Yesu amúú beda mántá oyikpalíhesu ámu mlidédunká. ⁶ ɔma nfi. Bulu lakúsóa mu fé alíá ɔleblí yáí. Mlibekí ɔtíné amúú bɔpu mu tswi amu. ⁷ Mliwa ɔsa yebláa

mu akasípú amu mliaa, Bulu lakúsóa mu tsú afúlitó. Alagya mli nkpá ɔyó Galilea ɔmátó. Inó mlówun mu ni. Asún ání mbu ha mli ní.”

⁸ Ifú lekítá atsi ámu, táme bɔpu ansigyí tsíí ɔsrú tsú opulákpá inu bɔyó yébláa akasípú amu tóá bawun.

⁹ Imɔwa ɔpá kuku Yesu léfía amú, há amú ité. Inu beda akpawunu kítá mu ayabi, súm mu. ¹⁰ Yesu lébláa amú ɔbéé, “Mlimánya ifú. Mliyeblláa mí apíó ámu mliaa, buyó Galilea ɔmátó. Inó bówun mi ní.”

Ntsán Agyópu Amu Asun Klahe

¹¹ Bréá atsi ámu bɔpu bɔyó á, ntsán agyópu amu aku é bɔyo wúluto yébláa Bulu igyí ahapú dehen amu tóá ilaba féé. ¹² Inu su Bulu igyí ahapú dehen amu beti Yudafɔ ahande amu féé fía, kítá agywun. Beha ntsán agyópu amu kóba tsɔtsɔtsɔ. ¹³ Beha amó ɔnó beé, “Mlibli mliaa, ‘Onyé, bréá anidédidi á, Yesu akasípú amu béba bowi mu náti.’ ¹⁴ Ní Roma ɔhande onú á, ania munyo abéblí mú, méni mlimóowie asúntó.”

¹⁵ Mú su ntsán agyópu amu botsulá hɔ kóba amu, begyi dinká Bulu igyí ahapú dehen amu asun blíhé anfisv. ɔnó ánfu beha amú ánfu lobwie wá Yudafɔ ɔmá ámu féétó bɔfun nde.

Yesu Iwɔwanle Súná Mu Akasípú

(Marko 16:14-18; Luka 24:36-49; Yohane 20:19-23; Gyu-magyihé 1:6-8)

¹⁶ Akasípú dúɔkun ámu benatí yó Galilea ɔmátó, ibu ámúú Yesu lósuná amú ɔbéé bufía mu músú ámvsu. ¹⁷ Bréá bowun mu a, beda akpawunu súm mu, táme imɔwankí amótó aku ání mu ni. ¹⁸ Múú Yesu lókpukpé ba amú wá, blí ɔbéé, “Bulu lapú ɔsú múa asi túmi féé wá mí ibitɔ. ¹⁹ Mú su mliyo ɔyító féé, amlibwe ahá féé mí akasípú. Mlibɔ amú asú ɔsí, Obí pú ɔɔe Wankíhé dátó. ²⁰ Mlisuna amú abugyi

mbla ámbú nɔwa há mli ámu féesó. Mlibi ání mbu mli wá
brégyíbré, yófun ɔyí ɔnómo.”

Bulu ntam pɔpwe; Nkonya
New Testament in Nkonya (GH:nko:Nkonya)

copyright © 2010 Wycliffe Bible Translators, Inc.

Language: Nkonya

Translation by: Wycliffe Bible Translators, Inc.

Nkonya

nko

Ghana

Copyright Information

© 2010, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Nkonya

© 2010, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 13 Mar 2019 from source files dated 13 Mar 2019

01b09958-fa53-51d1-aae0-88c7e9302503